



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1054/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1054/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1054/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1054/A

1054 A





Ex Libris Cypriani
martin ibbi ~~1711~~

Si quis in hunc librum furtivos
fecerit unguet
ni reddat domino tartara nigra
petat

Cyprianus
si Caput accipias ego tu fortissima tellus
si finē tantū nūc nisi quā mulier
hoc emblemā explicet unusquisq.
nā prēmīū dabitur apollini

C - 9. L XLII

16/15

~~rare~~

Medicine

L-

53000
ANTONII

MVSAE BRASAVOLI

MEDICI FERRA-

RIENSIS

EXAMEN omnium Catapotiorum uel
Pilularum, quarum apud Pharmacopolas
usus est. ad Illustrem

ALPHONSV M ESTENSEM.

CONRADI Gesneri medici Tigurini enumeratio
medicamentorum purgantium, uomitoriorum, & al-
uum bonam facientium, ordine alphabeti.

Omnia nunc primùm & nata & excusa.




LVGDVNI SVB SCVTO
COLONIENSI. 1544

AD ILLVSTREM ALPHON
SVM ESTENSEM, ILLVSTRIS.

Alphonſi ducis Ferrariæ filium, & optimæ
ſpei aduleſcentem,

ANTONIVS MVSA BRASAVOLVS.



OGITANTI mihi, Alphonſe præſtantiſſ. cui hic libellus mole quidē parvus, ſed qui nō pauca in noſtra hac arte ſpectatu digna complectatur, inſcribendus eſſet: tu unus præ cunctis occurrifti, qui cum ſis ætate parvus, multos tamen literis, prudentia, ſapientia, liberalitate, ac animi magnitudine excedis: ut in hac tam tenera ætate plus ſpōdere uidearis, quā qui uigeſimū quintū annum attigēre. Paruus igitur libellus tibi paruo puero inſcribendus eſt: cum ne in eius lectione fatigeris, tum ut ad literas amplectendas exciteris. Ad quas tamē capeſſendas aſſiduum habes præceptorem, uirum doctiſſimū Peregrinum Moratum, non paucis uiris noſtra hac ætate præferendum. Nec parū mouent me ad hanc electionem Illuſtriſſ. patris tui uerba in illa ultima ægritudine, qua ab his mundi curis exemptus, ad ſydera euectus eſt, quibus tanto amore, tanta charitate, tamq; ardenti pietate, te nobis non ſemel cōmendauit. Imò & iure optimo tibi debetur hic libellus, cum ſoror tua Illuſtriſſ. Eleonora natu grādiſſ. libellū de Syrupis naſta ſit, quem hic proximus labor conſecutus eſt. hoc tu natu minor, iure ipſo potiaris, ac tibi inſcribatur, par eſt. Accipe igitur hilari fronte munuſculum hoc Illuſtriſſ. Alphōſe. Sic enim nos allicies, ut in tuū decus alia multo maiora cōparemus, & eos qui ſtudia literarū ſectātur, ut cœpiſti, ama. Vale.

8
Antonii Musæ Brasa-

VOLI MEDICI FERRA
RIENSIS,

Examen Catapotiorum, seu Pilularum,
quorum usus est apud Phar-
macopolas.

INTERLOCUTORES.

BRASAVOLVS.

SENE X.

BRASAVOLVS.



ON aduenis inexpectate, ô uenerande
Senex, nam diu est quod hîc te expecto:
ambigebamq; & mecum ipse cogita-
bam, an sinistri quicquam tibi contigis-
set. hora etenim dudum trāfacta est, qua
ad nos te uenturum dixeras. Iamiam mancipium hoc ad
te mittere parabam, nisi prestò adfuisses, qui tam longæ
moræ causam disceret, & ad nos quātò ocyus fieri pos-
set, reuerteretur. SEN. Imò non pauca fuere impedi-
menta, quæ nos hætenus à tam dulci colloquio, & à no-
bis immodicè optato impediêre. Sed unum præ omnibus
mirè me uexauit, & adhuc uexare non desinit. BRA.
Quidnam hoc est mi Senex? ut ego tecum uel prouidere,
uel condolere possim. SE. Vir quidam, imò potius rabu-
la & maledica cornix de me obloquutus est, cum mihi
iam diu instituerim esse uirum probum, neminē lædere,
de nemine uel ioco obloqui: hic autē ut uir est procacis-

A 2

C. & Moruz
Ap. of. qu.

simus, & vuula (ut aiunt) linguacior, in res meas ueluti Rhinoceros obringit, me traducit, de me passim obloquitur: per Herculem moriar, nisi id efficiam, ut suis dentibus sibi linguam mordicet, & citra dentes sub palato coëreant. B R A. Non decet senem uirum & Christianum hæc facere, nedum cogitare. S E. Imò maximè decet, ne hæc mala bestia de bonis & probis uiris iterum obloqui audeat. B R A. Quid dixit tandem? quæ atra fulmina hæc fuere? S E. Ea quæ nec ferre possum, nec feram, quoad dignam de ipso pro tanto scelere uindictam sumam. B R A. Igitur Iesum Christum patrem nostrum & præceptorem non imitaberis, qui pro nobis tot contumelias passus est, tot iurgia, tot uerbera, & tu minimum uerbum ferre non potes? S E. Non sum ego Christus, quem etiam nec Petrus, nec multi alij discipuli in omnibus imitari potuerunt. Si uerba illa in te dicta fuissent, & tu quoque irascereris, & uehementi ira excandesceres. B R A. Dic (ni piget) ea quæ de te obloquutus est, sunt ne uera, an falsa? S E. Vera? imò falsissima. B R A. Is igitur uir falsus est qui de te falsissima obloquebatur. S E. Et falsissimus si dici possit. B R A. Propter quid falsissimus? S E. Quia de me suis conspurcatis uerbis falsissima in publicum effundebat. B R A. O bone senex, quis fecit hunc esse uirum falsissimum? S E. Aliud cogitare non possum, præterquam à suo malo genio in hanc miseriam ductum esse. B R A. Tu ipse uera causa es, cur hic falsissimus sit. S E. Ego, quid inquis? B R A. Dic, nonne ob id falsus est, quia de te falsa obloqui uoluit? S E. Profectò. B R A. Tu igitur causa es cur sit homo falsus, cum de te falsa loquutus sit.

Vnde

Vnde uindictam sumpſisti, nec opus est amplius ſumas:
quia hunc hominem falſum feciſti, & ipſemet ſibi iniu-
riam fecit, utpote abs te conuiſtus mendacij: atque ita cum
te lædere uoluerit, ſeipſum læſit imprudens, quia ſe fal-
ſum fecit, non tibi nocuit. Adde hunc hominem illa de te
non dixiſſe, quæ de te falſa dixit. nempe ſi falſa ſunt, tu
is non es de quo obloquebatur. S E. De meipſo obloque-
batur. B R A. Quomodo de te, ſi non erat uerũ? S E. Ea
omnia ſub meo nomine protulit. B R A. Veruntanẽ hoc
tuo nomine, uel ſimili quamplures uocantur. S E. Adde-
bat cognomen. B R A. Imò & ſi te digito oſtendiſſet,
& falſa dixiſſet, de te nullo pacto loquebatur. Dic ſi te
Regem Galliæ, aut Chriſtianorum Imperatorem uoca-
ret atq; ſalutaret, ægre ferres ne? S E. Non ægre ferrem,
ſed hunc ueluti fatuum deriderem. B R A. Quamobrem?
S E. Quia nec Rex Galliæ ſum, nec Chriſtianorum Im-
perator, & longe abeſt ut ſim. B R A. Si igitur uocet te
falſarium, ſi fœneratorem, cur non derides, cùm in hoc
deperdito hominum genere non ſis? S E. Fortè alijs homi-
nibus ſuadebit, me his uitijs eſſe cõſperſum. B R A. Quo-
modo ſuadebit, ſi hæc in te nullus inuenire poterit? Imò
ipſe ſceleſtus, & apud omnes homines infamis euadet,
cùm te eſſe probum uirum atq; integrum, abſque labe,
abſq; uitio, abſque macula experientur & comproba-
bunt: & hi qui audient, inter ſe muſſitabunt, quàm hæc
peſſima lingua & uipera de hoc probo uiro maledicit.
quamobrem ipſe ſibiipſi, & non tibi iniuriam facit, nam
infamem ſe reddit, & à Deo ac probis hominibus odio
habetur. Nescis quid ſuperioribus annis mihi cõtigerit?

S E. De illo, qui totis uiribus in publicis scholis tuum no-
 men temerare ausus est? B R A. De illo inquam. is coepit
 priuatim & publicè de me obloqui, quem tamen paulò
 prius officijs & non mediocribus promeruerā. Sed ego
 uice uersa de eo bene dicere non quidem coepi, sed perse-
 ueraui, ut deniq; ipse ex suis maledictis ac nostris bene-
 dictis & benefactis iam coeperit per totam urbem digito
 monstrari infami, & à quibusdam (in hoc tamen impro-
 bis) excrementis pollui atq; inquinari. Si hic igitur de te
 male loquutus est, tu de illo bene dicas, ne simul & ipse
 maledicendo malus efficiaris. Scis cur ille de te male lo-
 cutus est? S E. Nec possum mente cōcipere. B R A. Quia
 malus, & (ut inquit Seneca) bene dicere nescit. S E. Ta-
 men non possum non ægreferre. B R A. Quia uir es pin-
 guioris Mineruæ, tuāq; opinione falleris. Verè enim di-
 ctum est, Neminem nisi ex seipso lædi posse. & id tibi il-
 latum esse putas, quod sibi intulit. non enim in sapientis
 animum cadit iniuria, ut Plato & Plutarchus ille Chæro-
 neus lōga quadam oratione ostendit. Quid curas latran-
 tium canum uoces, modò dētibus obeffe non possint? S E.
 Nihil. B R A. Acquē nihil cures maledicētū uoces, quos
 philosophi omnes non ab re canes uocitant. obganniant
 igitur insidiosæ uulpes, crocitant, latrent de bonis uiris
 per plateas, per templa, per uicos, per angiportus, nihil
 aliud faciūt, quàm ut se pessimos uiros esse ostendant. Tu
 uerò tetragonū Aristotelis corpus imiteris, quod in quā-
 cunq; ieceris partē recto labore sessile est. Noli à recta
 uia, à recto tramite declinare, si quis alter improbus esse
 uelit, imò pro hoc maledico, pro hoc scelestissimo uiro,
 qui

qui maledicendo sua labia contaminat, immortalē Deum exora, ut illi ignoscat, illi rectam & integram mentem condonet, ut suos errores noscens ad Deum cōuertatur, & benedicere simul, ac bene uiuere disca: tūque simul improborum maledicta & calumnias contemnere discas, ac etiam id dicas quod Augustus ad Tyberium, Satis est si hoc habemus ne quis nobis maledicēdo malefacere possit. hoc autē assequutus iam es si probus uir fueris. S E. Hæc facilius dici possunt quàm fieri. B R A. Imò fieri æquè facile est. S E. Nescio si tam constanter ipso opere ageres, ut uerbis agendū suades. B R A. Imò expertus es (absit iactantia) nos idem opere effecisse. An præterijt memoria coniuratorū illorum contra nos pugnantiū, qui cū ab Illustriß. principe ex albo illorū qui publicè profitetur expūcti forent, hoc in me referebāt. cōuenere simul, nosq; & maledictis & malefactis irritare cœperūt. At semper cōstātī animo omnia tulimus, multos ex ipsis, officijs & non modicis affecimus, de alijs benedicere non desymus, maledicant ipsi quantum lubet, & quātum possunt. Cumq; amicorum cōiunctiones nostræ sint multo maiores, multoq; ampliores, quàm illorū, omnia quæ dicebant, omnia quæ agebant ad minima nobis referebantur: illa (ut decet) in bonam partē accipiebamus, Deumq; pro illis exorabamus, ut ad bonam frugem redirent, & resipiscerēt. S E. Omnia noui, & scio, si obesse potuissent, etiam suo maximo incommodo obesse non destitissent: tamen non possum mente concipere aliquem esse cui placeat ut de se maledicat quispiam. B R A S. Puto & te nūquam uidisse uel expertū esse uerè integrū uirum, &

uerè humanum. Dic quid aliud est iniuria, quàm aliquem uirum bono priuare? s e. Quæ dicis (nisi apertius loquaris) nō accipio. B R A. Vt accipias curabo. Si aliquis tibi iniuriam facit, quid hic facit? s e. Vel de me obloquitur, uel mea bona furatur, uel filiam corrumpit: hæc, & huius generis alia iniurias esse & insanum uulgus iudicat. B R A. Hoc est quod petebam in illa sententia citata, qua dicebamus, iniuriam esse hominem aliquo bono priuare. Si quis ergo tua bona surripiat, tibi iniuriam facit, quia his bonis te priuat. Si tuam filiam corrumpit, tibi iniuriam facit, quia priuat te pudica filia & uirgine, quod bonum est: & ideo iniuriam facere, est hominem aliquo bono priuare. s e. Iam accepi, & ita esse cōstat. imò & pati iniuriā est aliquo bono priuari in quocunq; genere sit. B R A. Dic autem quid est uerū bonū, nisi uirtus. nā diuitiæ labiles sunt & caduæ. pulchritudo fluida est, & tāquā flos breui euanescit. robur diuturno tempore lāguescit. Vnde nō ab re à Stellato poëta dictū est,

Præter uirtutem non est durabile quicquam,
Diuitiæ pereunt, species quoque, robur, honores,
Cuncta cadunt, Virtus æterna in tempora durat,
Quam fortuna nequit, nec tollere longa uetustas.

s e. Hæc ita esse constat, & nullus uel ignarus inficias it. B R A. At uirtus ab eo auferri non potest, qui illam habet. s e. Et hoc asserunt omnes. B R A. Igitur uir probus iniuria affici non potest, quoniā eius probitas ab eo auferri non ualet, nec unquā hoc bono priuari cōtingit. hoc ferè argumēto aut simili usus est Maximus Tyrius, cū probare contendebat, probum uirum iniuriam non pati.

pati. nam uirtute priuari nequit: & improbus est, qui iniuriam patitur, ac subit. Imò eodem loco probare contendit, improbum uirū non posse pati iniuriam, quia uirtutem non habet qua possit priuari, & longissimis uerbis non esse referendam iniuriam suadere nititur. Dicnum is qui te iniuria affecit, & de te maledixit, aut de alio, à te ipso & ab alijs uituperio afficitur, & uir improbus existimatur? S E. Equidem uituperio afficitur. B R A. At si iniuriam referre uolueris, nonne & tu uituperio dignus eris? S E. Si recta mentis acie contempler, ita esse constat. B R A. Propterea & tu ipse noli hunc uirum in improbitate imitari, ne & tu uituperij participes euadas. S E. A nobis dictum est superius facilius esse hæc dicere, quàm facere. B R A. Et à nobis responsum est, facilius esse facere, quàm dicere. nam facere nihil aliud est, quàm à referenda iniuria abstinere. quod facillimum est, cum inferre iniuriam sit difficillimum: nam opus est media inuenire, per quæ inferatur, pericula euitare, quæ iam contingere possent. Cum igitur te accepisse iniuriam putas, hoc est potissimum documentum, cohibe animum, mentem tuam statim reprime, noli uel minimum temporis supra hanc rem cogitare. Quippe (ut Maximi exemplo utar) sicut inter corporis morbos qui serpūt, contumaciter sanitati resistūt, ac propterea oportet firmum curationis genus adhibere, ut quod superest tibi, saluum fiat: Ita in iniuria referenda, quæ optime serpenti morbo comparatur. nam quandoq; per urbes, quædoque per prouincias adeò serpit, ut infinitorum malorum causa sit, nisi firmum remedium exhibeatur. est au-

tem firmum remedium, cohibere patiꝑ; quod aliquis putabit esse iniuriam: sed iniuria uerè non est, si quid sit iniuria ad unguē consideremus. Nostis his temporibus calamitatibus plenis, uidemus ob iniurias Carolum Imperatorem Quintū copioso exercitu in Galliam ingressum esse, & Franciscum Gallorum Regem non minori exercitu ecōtrario oppugnare. poterat autem uel uno minimo uerbulo pax inter hos componi, sed uterq; putat se iniuria affectum. Quis uerò eorum rectè bellet, aut quis non rectè, nouit gloriosus Deus, qui illi opem ferat, qui studet eius sanctam fidem erigere, cōfirmare, & ampliare, & qui Italiam in tranquilla pace seruare debeat. In reliquis prouideat Deus, faxitq; ut summi pastores, qui in Petri cathedra sedent, & Christi claues habere profitentur, potius bella sedent, quàm ea mouere conentur. S E. Tu igitur neq; Gallorum, neq; Imperatoris factiones sequeris? B R A. Et impense fatuos existimo qui sequuntur. cum Paulo dicam, Quæ supra me, nihil ad me. quantum in me sit, Deum optimum oro, ut integra pace fruatur. Quòd si fieri non possit, is superet qui Deo placebit, & qui Christianam religionem augere debet, & illustrissimum Ducem nostrū in pace relicturus est. sit quicumq; is superet, uincat, fiat totius Christianæ religionis dux, & antesignanus. At ad rem nostrā redeuntes, sola iniuria, uel credita iniuria, tatarū litiū causa est, & alicuius ingētis facinoris erit. S E. Si hi qui summi sunt in Christiana fide procures iniuriā referunt, cur ego homuncio referre non debeo? B R A. De his tam magnis uiris loqui nostrum non est. In genere tamen dicemus illos neq; esse
Chri

Christianos, neq; Christi imitatores, qui iniurias patienter non ferunt. S E. Si hæc à principib. despiceretur, & placide ferrent iniurias, omnes de illis temere maledicerent. B R A. Maledicant quātum lubet, si ipsi Christiani sunt, negligere debent, & prauorum maledicētias contemnere. Quippe principis officiū est, illos punire qui in alios iniuriam inferunt: eis uerò sponte & libenter parcere, qui in ipsosmet Principes inferre conantur. S E. Il-
luc duci non possum, ut credam te libenter iniurias pati. B R A. Hoc ad rem nihil facit. Si tibi cordi est meam naturam cognoscere, eam à cunis usque explicabo. S E. Hoc mihi gratissimum erit, nam forte commonitus iniurias ferre addiscā. Sicuti uxorem meam abs te frænare didici, & iam domi tranquilla pace fruor. B R A. Ego meopte ingenio in uindictam inclinor, & nisi Deus optimus mentem meam direxisset, de omni etiam exili iniuria uindictam referre optarem, nec quicquam minimum ferre possem. Tamen à Deo mihi datum est, ut hanc naturalem inclinationem cognoscerem, & cognitam superare, ac profligare. S E N. Optima uictoria hæc est, quam supra omnes alias collaudat Salomon. sed quomodo teipsam uincere potuisti, & à quo præceptore hanc artem didicisti, ut naturam propriam tibi à materno utero insitam superare possis? B R A. Omnia tibi explanare tentabo si aures porrexeris. Vt dixi, meapte natura, iniurias ferre non poteram. Tamē à pueritia Deus quandam bonam mentem mihi concessit, & in bonum propensam. S E N. Quomodo in bonum propensa erat, si uindictam inferre cupiebas? B R A. Hoc audias, in alijs quibusq;

busq; actibus. nam satis recta erat de se, modo non afficeretur iniuria: nec unquam inferre iniuriam optabat, licet quandoq; referre cogitaret. Itaq; hac recta mente, à Deo (ut arbitror) ductus, omnes actiones meas in Deum dirigebam, illum frequenter exorans, ut dirigeret gressus meos in semitas suas. Imò in puerili illa ætate, quæ prope infantiam est, ante pubertatem, orationes quasdam & preces ad Deum mihi fingebam, quibus maiestatem eius orabam, ut bonū me redderet, & ad discendū aptū, & talem me effingeret, ut continuo mandata eius seruarem: nonnullaq; alia addebā, ut nostræ vires suppetere poterant. Fortè benignus Deus & misericors hūc animum respiciens, in melius direxit, & perseverare fecit. Imò nihil tunc agebam, quin ad uota succederet. Progrediēte ætate humanioribus literis incumbere cœpi, diuinum auxilium non defuit. etenim nullus erat qui me ad bonas literas hortaretur & excitaret. Quin mater mea uiro orbata, ut erat circa filios tenella, cum noctu surgebam ut literis incumberem, conquerebatur, mihi conuitia dicebat. timebat enim ne in illa tam tenera ætate in aliquā sæuam ægritudinem inciderē, & ante diem morte præuenirer. Interim clericus effectus sum, templum frequentabam, linea ueste indutus, ad matutinas horas singulo mane surgebam. Musica incumbere cœpi, sed gloriosissimo Deo non placuit me per hunc modum illi inservire. Cœpi Iuri Ciuili incumbere, & Canonico, nec ista fuit mea illa uocatio, qua à Deo uocandus eram. Cœpi liberalibus artibus incumbere, & duce Deo in trium annorum curriculo ita profeci, ut diebus festis ad dialecticam interpretandam,

tandā, cū adhuc & puer essem & scholasticus, uocarer. Sequenti anno, artiū & medicinæ (ut inquiunt) insignia adeptus sum, & anno 1525 Illustriss. Herculi Alphonsi ducis Ferrariæ primogenito inseruire cœpi, qui me in Galliā duxit 1528. SE. Nescio quorsum per hæc discurras. BRA. Statim intelliges. Cum è Gallia in Italiam redij, protinus uxorem duxi anno etatis meæ 28. Tūc per uniuersum transactæ uitæ cursum discurrere cœpi, & manifestè cognoui me ad hanc usque ætatem per conuenientia media, honesta & laude digna peruenisse, idq; non esse factum ex meis uiribus, ex mea industria, uel ex meo ingenio, sed tantum ex nutu Dei, ex uirtute diuina, Deo optimo ductore, qui me huc perduxit, quasi ita illi ex sua infinita bonitate placuit. Et licet à pueritia omnia quæ agerem, omnia quæ cogitarem, in Deum semper referrentur, id erat uniuersali quodā modo factum, non ita statute ut in hoc particulari discursu 1528, quo tempore intra me disposui, iuraui, ac statui, si non eram futurus probus, saltem studere probos imitari: cœpiq; eo tempore multos Dauidis Psalmos legere, ac relegere, non paucas orationes obmurmurare, multis sacris, quæ missæ uocantur, interesse. officia cū Virginis, tum magnum (ut dicunt) in dies repetere. Sed in his tanta temporis copia conterebatur, ut uix pro negotijs sufficerem, imò re uera non sufficebam. propterea coegerūt me rei medicæ praxis, & publica lectionum interpretatio, tot Psalmos derelinquere, & tot diuina officia, & hoc factum est (me iudice) Deo ipso gubernante, atq; dirigēte. nam & hoc non minus benefacere est, quàm psalmos cantillare, scilicet,

cet, lectionibus incumbere, publicè docere, rem medicam exercere, negotijs familiaribus, & illis quidem multiplicibus providere. Propterea ut probi uiri officio fungeremur, iterum considerare cœpimus, & mentis acie discurrendo probare illum non esse probū uirum, qui multos Psalmos congerat, qui assiduus in sacris inter sit, si in reliquis uitæ operibus malus sit, quamuis illa bona opera sint. An uero meritoria, uel non meritoria, his disputandum relinquo, quibus otium est de his rebus differere: nam mihi satis est in his rebus patrem meū imitari, auum, atauum, atq; abauum, qui semper probissimi uiri ab universo populo crediti sunt. Cœpimus igitur uias alias tentare, ut probi uiri officio fungeremur, & nunquam à recto tramite uel minimum discederemus. Illud occurrit, si nunquam ingeniolo nostro otium daremus, sed in continuis negotijs esset occupatum, non dari illi commodum uel occasionem aliquam cuiuspiā mali perpetrandi. Itaq; & diurnas & nocturnas horas parti cœpimus, ut essemus semper in negotio. Verum cum his etiam perpetuis occupationibus, quibus aliquod uitæ spatium transigimus, si quid mihi interim dicebatur aduersum, si quis retulisset (ut sæpe contingebat) aliquem de me obloquutum esse, aestuabat animus, irascebar, cruciabar, de uindicta cogitabam, & quo modo iniuriam referre possem: quamuis circa alia mirè occupatus essem, nēpe malignus hostis diabolus iniuriæ speciem suggerebat. Tunc nouimus, & hanc non esse perfectam uiam ad probitatem, & ad ferendas iniurias: deniq; multis uijs consideratis, in illam peruenimus, atq; descendimus, & in illa assuescere cœpimus,

cœpimus, perseveramus, & perseveraturos statuimus, quæ est in omni re, in omni cogitatione, in omni negotio, quantum possibile sit Christi uestigia imitari. Cœpi igitur cum aliquis mihi dicebat, in tali uirorum confesso omnes de te honestè locuti sunt, præter magnū illum Satrapam & publicum maledicum, qui murè obloquebatur. Tunc intra meipsum cogitare incipiebam (quamuis arderet animus in uindictā) quid fecit in hoc casu Christus noster? quomodo se gessit in illos, qui eum blasphemijs atq; conuitijs irritabāt; noscebamus, legebamusq; pro illis Deum patrem exorasse, ut illis parceret, qui nesciebant quid facerent. Cœpi & ego Christum imitari, pro his Deum orans, qui de me obloquebantur, qui lædere cupiebāt, & tentabant. Sed primis illis uicibus cum hanc artem exercere cœpi (etenim ars quædā est hæc Christi imitatio) in primo illo uestibulo sensus murè pugnabāt, & imaginatio ipsa fermè refugiebat, distorquebatur animus, ut pedem ferè ab hac bona imitatione retraherent, & pro his orandum esse nolent. Veruntamen ratio ipsa, quæ id sibi agendum statuerat, repugnabat, reprimebatq; sensus. Et hæc erat non mediocris pugna, quia meapte natura in uindictam pronus eram: tamen cum ratio bis, ter, & quater sensum uicisset, deinde facilius & cum minori labore superabat, & facilius cedebant sensus. Mirumq; audias, cum iam ratio sensuum domina esset & præses, in meipso tamen expertus sum rationem ipsam quandoq; facilius, quandoq; difficilior uictoriam assequi. Id ego corporeis humoribus attribuebam, qui in dies regenerātur, & soluantur: cum enim biliosi essent, tunc sensuum appetentia magis

magis uigebat. Verum deniq; rationi submittebantur sensus, coepimusq; non solum uerè, & ex tota mente, & ex tota anima nostra illis parcere, & Deum pro eisde orare, sed etiam ore, aliquibus audientibus, cum mihi simile quid referebatur, dicebam: hi fortè qui de me obloquuntur, magis me cognoscūt, quàm uos faciatis. & certè (in hoc enim non te decipiā) primis illis uicibus, quando hæc dicere coepi, ore loquebar, non corde: postea paulatim assuescere coepi: prius autem natura sæpius repugnante. Imò diabolus (ut arbitror) hominum hostis acerrimus, in memoriam meam plurimum philosophorum, tum poetarum, tum historicorum dicta reuocabat, quibus iubent, inimicis non esse parcendum, sed conuenire, illis se terribilem reddere: quæ cum fidei nostræ opposita esse cognoscerem, statim ad Christi imitationē me uertebam, cuius dicta & gesta his penitus & ex diametro opponerentur, & eū pro summo philosopho, & pro summo poeta, & pro summo historico habebā: in hacq; demonis suggestionē, & rationis pugna, mēs non sine magno labore superabat, & paulatim uictoriæ in hac pugna assuescebat. S E. Non possum non putare hunc laborem esse magnum. B R A. Et hoc unum non prætermittam, in illis primordiis huius imitationis non esse satis uerba Christi legere, atque gesta, nisi aliquem probum uirum adeas, qui iam huic pugnae assuetus sit, & quem actu ita se gerere uideas, & ex animo hoc faciat, non autem ex inani quadam gloriola: nam multi sunt, qui ex inani gloria Christum imitari student, ut uideātur ab hominibus, & probi iudicentur: qui ex hoc suam mercedem habēt.

S E.

SEN. Quem imitatus es in hoc opere? BRA. Elegi præ omnibus patrum meum Ioannem Brasauolum, qui habebatur tanquam probitatis specimē & exemplar in hac urbe, cui animum meum explicavi, & totam mentē aperui. Ille intētionem meam summē laudauit, & simul documenta quedam ad hunc finem assequendum tradidit, quæ supra modum prodesse reperi. SEN. Quæ nam fuere hæc tam salubria documēta? BRA. Vnū fuit, hominē non moueri aliquo intrinseco affectu, sed omnes superare. SE. Quomodo hoc intelligis? nam ad bonos affectus moueri oportet. BR. Loquebatur de affectib. animæ concupiscibilis, scilicet non irasci re etiā quæ ad iram prouocet imminēte, hoc est non multū irasci, & si possibile est, nihil irasci: non gaudere re quæ ad gaudium faciat irritante: non trīstari aduersis, & prosperis non lætari. SE. Volebat ergo te esse stupidum hominē & lapideū. BR. Scito charissime Senex, hoc unum esse ex potissimis documentis, quæ in probitate dari possint: nam qui affectu aliquo nō mouetur, hic necessario probus est. SE. Quomodo potuisti tu non irasci in aduersis, non gaudere in prosperis, atque lætari? BRA. Ingenue fateor, me nondum illuc peruenisse, & ad illam perfectionē accessisse, sed in dies accedo magis atq; magis, breuiq; futurū spero (Deo fauente) me illam affecuturum, non tamen absq; magno labore, cum sensus omnes ex diametro oppugnet. SE. In principio quo nam modo perfectionem istam acquirere cœpisti? BRA. Posteaquā in hanc arenā descendimus, omnia ingenue tibi aperiam: Statui intra me omnia siue bona, siue mala essent, in Deū referre, & de

omnibus etiam uel bonis, uel malis illi gratias agere. Cœpiq; illud sapientiæ promulgatum uerbum consyderare, Si bona accepimus de manu Dei, mala autem quare non? Et cœpi constanti animo credere Deum curare mortalia: itaq; cum aliquid mali cōtingebat, uel referebatur, omnipotenti Deo gratias agebam, sed primis illis uicibus ore dicebam, & animus erat anceps atq; ægreferebat. Si aliquid prosperū continebat, iterum laudabam Deum, sed corde gestiebam. Postea paulatim effeci, ut uix doleam in aduersis, uix in prosperis læter, & breui futurū spero, quòd his affectibus non commouebor: sum enim huic perfectioni satis propinquus, ut his affectibus non mouear. Ab amicis plerunq; refertur nonnullos de me oblocutos esse: eos negligo, & nisi esset primus quidam sensuum impetus, quem nescio an unquā extinguere potero (nam primi motus in nostra potestate non sunt) iam finem operis affecutus essem. Nunc autem in hoc totis uiribus incumbo, ut primos illos motus comprimā. Si quispiam de me bene loquatur, has laudes paruipendo, uideoq; & tota mente percipio, hæc ad integram sanitatem, & uitæ longitudinem multum cōferre. Si filius mihi in lucem prodeat, aut filia, Bene uenerit, inquit, nihil malum est, quod à Deo mittitur: si moriatur, Deus dedit, Deus abstulit. Si lucror, bona sua dat mihi Deus. si aliqua auferuntur, fortè ille indigebat. His uerbis & constanti animo omnes affectus comprimere studeo. frequenter expertus sum patrum meum Ioannem Brasauolum hoc animo affectum esse. & certe hoc documentum pulcherrimū fuit, & supra omnia quæ dari possunt, & in quo

quo opus est frequenter exerceri si integre assequi de-
 beamus. Exercitium uerò ita incipit, Si omnia in Deum
 primò uerbis, deinde corde referamus: nam frequenter ex
 exteriori quodam habitu interiorē prouocamus & ex-
 citamus. Multa uerò sunt, quæ ad hoc nos adiuuāt: unum
 est, si frequenter imbecillitatem nostram consideremus,
 quòd ex terra cōflati sumus, & stercore pleni, citò cor-
 ruptibiles, fœtidi. Aliud est, ut humiles esse studeamus,
 & in ipso nos exerceamus. *SEN.* Quomodo fieri pote-
 rit hoc humilitatis exercitium? *BRA.* Quinque à diuo
 Bernardo referuntur, quæ ad humilitatis exercitium fa-
 ciunt. Primum est, amor uilitatis, ut ea quærat homo, in
 quibus & locus quidam uideatur iniuriæ. Secundo, assi-
 duitas subiectionis, ut semper cum aliquo esse uelit, quē
 reueretur & timeat, ut discat refringere suam uolunta-
 tem. Tertio, comparare se melioribus, ut semper inue-
 niat hominē, cui comparatus ipsi multa desint. Quarto,
 assidue propriam conditionem considerare: ut ad om-
 nem elationis motū occurrat, quid superbis lutum? quid
 superbis cinis? Quinto, considerare occultum inspecto-
 rem, cui etiam aperta sunt arcana cordis. *SE.* Hæc po-
 tius ad cucullatum spectare uidentur, & ad illud nouum
 genus Franciscanorum, quod uulgus à cucullo Scapucia-
 nos uocauit. *BRA.* Imò ad Christianum spectant. *SE.*
 Habuisti ne alia præcepta à patruo? *BR.* Et cōplura, ut
 id, Quòd Christi uerba, mores, & gesta semper in prō-
 ptu haberē, & totus scaterē euangelio, ac Pauli & alio-
 rum apostolorum sententijs. *SE.* Optimum quidē præ-
 ceptum hoc est, sed (ut arbitror) nunquā illud asseque-

rer. BRA. Ne diffidas, ô Senex : nam in illa es ætate, in qua & facile præceptum assequi poteris, & facilius in opus committere. hoc enim in mea ætate difficilius est, quæ uigens est, & in qua feruet bilis, & omnia ad motum prompta sunt. Verum & illud non mediocriter documentum fuit, mortem non esse timendam: nam hic timor multorum malorum causa est. tu enim aperta fronte ueritatem profiteri debes, etiam si ob ueritatem immineat mors. Nec illud prætermittam intactum, sedulo consciētiam suam examinandam esse, & sacerdoti præsentandam. hoc enim facit, ut seipsum cognoscat homo. Imò antiqui nihil præclarius, nihil excellentius in tota humana uita existimarunt, quàm seipsum cognoscere. propterea ab oraculo Apollinis è cælo aurea illa sententia decedit γνῶθι σεαυτὸν. Cognosce teipsum. Quod summus poëtarum Virgilius probum uirum edocte studens innuit, ita canens:

Vir bonus & sapiens, qualem uix repperit ullum
 Millibus è cunctis hominum consultus Apollo,
 Iudex ipse sui totum se explorat ad unguem.
 Quid procures, uaniq; leuis quid opinio uulgi
 Securus, mundi instar habens, teres atque rotundus,
 Externæ ne quid labis per leuia fidat.
 Ille diem quàm longus erit sub sydere Cancri,
 Quantaq; nox tropico se porrigit in Capricorno
 Cogitat, & iusto trutinæ se examine pensat,
 Ne quid hiet, ne quis protuberet angulus, æquis
 Partibus ut coëat, nil ut deliret amussis.
 Sit solidum quodcunque subest, nec inania subtus

Iudicet admotus digitis pellentibus ictus.
 Non prius in dulcem declinat lumina somnum,
 Omnia quàm longi reputauerit acta diei:
 Quò prætergressus, quid gestū in tēpore, quid non.
 Cur ipsi facto decus absuit, aut ratio illi.
 Quid mihi præteritum, cur hæc sententia sedit,
 Quam melius mutare fuit: miseratus egentem.
 Cur aliquem fracta persensi mente dolorem.
 Quid uolui, quid nolle bonum foret. utile honesto
 Cur malus antetuli. num dicto, aut denique uultu
 Perstrictus quisquam: cur me natura magis quàm
 Disciplina trahit. sic dicta & facta per omnia
 Ingrediens, ortuq; & uestpere cuncta reuoluens,
 Offensus prauis, dat palmam & præmia rectis.
 Vides hic chariss. Senex, quàm sanctè, quàm piè, quàm
 religiose, quàm Christianè Virgilius, uel quisquis fuit
 poëta ethnicus, & (ut ab aliquibus falso, ut puto fertur)
 impudicissimus, cecinerit. SE. In sola sui ipsius ferè con-
 sideratione & cognitione, & suorum actuum pensicu-
 latione uirum probum statuit. BRA. Ita est, & nihil
 inueniri potest quod hominem aut meliorem, aut magis
 probum reddere possit confessione (ut nunc utar hoc uo-
 cabulo.) hac enim homo seipsum explorat ad unguem,
 quid fecerit, quid facit, quid se facturum parauerit. SE.
 Hoc equidem non mediocre documentum est, ut homo
 probus euadat. BRA. Imò optimum: nam ita se gerere,
 ut frequenter ab auditore peccatorum eius mala gesta au-
 diantur, est seipsum considerare, & se totū ad unguem
 contemplari, quod ad perfectionem multum facit. SE.

Cum adeo utile sit nostra commissa audiri, de nonnullis minor, qui nostro hoc tempore, confessionem (ut uocant) e medio auferre tentant. B R. Id auferre tentant, quo in nostra religione nihil perfectius, nihil exquisitius, et nihil ad salutem commodius. Nos non solum uidemus apud Theologos confessionem istam ad salutem animarum esse utilissimam et necessariam, sed apud Ethnicos etiam et gentiles quidem eius effectus summe laudatur. S E. Qui nam est hic effectus? B R A. Omitto in praesentiarum omnium delictorum remissionem, si ex toto corde fiat: sed sui ipsius cognitionem intelligo, quam ex confessione, si pura sit, perfectissime acquirimus. Nullus enim pura mente auditori peccatorum sua commissa refert, qui seipsum, id est hominem suum interiorum non examinauerit, atque diligenter excusserit, et non uiderit quibus et quot maculis sit aspersus. Fuit ergo optimum consilium eius, male commissa probo cuidam uiro referre. S E. Dedit ne alia documenta patruus? B R A. Et multa, inter quae illud erat, quod leonino carmine referebat,

Quod tibi tu non uis, alijs fecisse caueto.

Haec enim est naturae lex, ne id alteri feceris, quod si tibi fieret, agraferes. Nec illud praetermisit, nihil ex improviso faciendum, aut dicendum, quin prius considerare, quid contingere possit. S E N. Nec istud fuit uanum documentum. B R A S. Imò et quod Alexander Magnus à Diogene illo Cynico accepit, et eo à morte quandoque liberatus est, cum eius tonsor ante Alexandri aedes sententiam istam prescriptam inuenisset: et hoc potissimum facit illa consideratio, quia si ira percitus es, interim remittitur, aut cessat: si nimio gaudio afficeris, interim dum finem

finem cōsideras remittitur gaudium, & dicta quædam uana effugis, que illi dicere solent qui nimio gaudio affecti sunt. Nos quamplures uidimus, quibus melius & salubrius fuisset, ita repente non respondisse, nempe irreuocabile uerbū. Augustus Imperator puto ab Athenodoro consilium petēs in ira, in quam præter modū accendebatur, respondit, Nunquam in uindictam progredi debere, quin prius uigintiquatuor Græcorū literas recensuerit. Et Platonis sententia refertur, qui à famulo prouocatus noluit illū uerberare, imò dixit: Te uerberassem, nisi essem ira percitus: ac si innueret, nihil agendū cum affectus est animus, sed tūc agendū est, cum affectio, quæ animum occupat, remissa fuerit. S E. Obseruasti ne tu hæc omnia documēta? B R A. Obseruare tētaui, & obseruo. sed nōdum illuc accessi, ut perfectionē habeā: spero tamē Deo duce, me breui illam affecuturū. Volebat præterea omnia in Deū referenda esse, ne in alicuius rei gloriolā ducere mur: unde quicquid occurrebat, id omne ex Dei uoluntate factū esse cēseri oportet. Cum cœpi me in hoc documento exercere, solis uerbis, & non corde proferebam: deinde paulatim exercitatus in id deueni, ut omnia tum bona, tum mala, nutu Dei fieri putē, & omnia in illū referam, non quidē summis labijs, sed ex tota mente mea, & quæcunque à me fiunt, à Deo fieri proculdubio censeo. Hæc sunt documēta, quæ senex ille uenerandus Ioannes Brasauolus probitatis specimen mihi referebat, quibus semper Christi uerba, mores, & gesta coniungebam, & nunc cōiungo: sed utinam illum imitari possem, ut cupio. Ad rem igitur redeuntes, pro qua in hanc ar-

nam descendimus, si quis de te male loquatur, negligito hæc uerba, cogita quid fecerit Christus in maledicos. iudica illa uera esse, quæ à scelesto illo dicuntur: uel time ne uera sint, & animum tuum tunc corrige ac perfice: pro hoc maledico uiro Deum orare ne cesses, ut benedictus fiat, ut integra mente donetur, ut resipiscat & errores suos cognoscat. S E. Deo uindictam committam, & ipse retribuet. B R A. Imò Deum orare debes, ne de hoc uiro uindictam sumat. S E. Ita in sacris literis scriptum inueni, Deo uindictam relinquendam: Mihi uindictam, & ego retribuam. B R A. Id certe in sacris literis scriptum est: tamen non arbitror ex hoc intelligi Deū orandum esse, ut uindictam sumat, imò nec optandum, nec cogitandum: Deum potius orare debemus, ut persequentibus nos parcat. Est uerò huius sententiæ sensus: nullus uir probus uindictam sumere debet, sed Deo derelinquere, qui id agat quod lubet: & tibi cordi non sit, quòd uindictam sumat. S E. Amò à Deo exerceri iustitiam. B R A. Bonus est amor, & laude dignus, si iustitiæ amore mouearis, & non amore uindictæ. Cū uerò hoc potius ames propter uindictam, ob hoc ora, ut uindictam non sumat, sed illi iussello parcat; tuq; paruipendas loquaces, & maledicos, qui non de te uiro probo, sed de seipsis male loquuntur. Quod si feceris, Deo placebis, uir probus euades, tuæ uitæ diuturna tempora adiunges, & hi uiri maledici denique inuidia rumpentur, Deusq; diriget gressus tuos in semitas suas. S E. Hic tuus discursus mihi summe placuit, tuaq; documenta aggredi incipiam, modò assequi possim. B R A. Si sedulò ac frequenter in ipsis exercaris,

cearis, uidebis te paulatim probū uirum euasurum. SE. Experiri decreui, si probus uir fieri possim. BRA. Fies omnino si predictas regulas sequaris: quamuis multæ aliæ sint apud diuū Bernardū, quas data opera prætermisi, ut breuius quàm fieri posset ad institutū nostrum descenderemus. SE. Institutum erat de Catapotijs sermonem habere, sed præscriptæ regulæ sunt animæ catapotia, quibus & ipsa expurgatur, & à prauo in bonum alterari potest. BRA. Hanc igitur lucem in catapotijs conteremus. SE. Nisi refugias. BRA. Ad te potius accedo. SE. Vnde initium sumet oratio? BRA. A nominis interpretatione, & ab expositione unde originem duxerit, si tibi uidebitur. SEN. Imò maximè uidetur.

BRASAVOLVS.

HQC igitur modo exordiamur. Pilulas recentes uocant, quasi paruas pilas: fiunt enim in paruarū pilularū modum pilulæ, hoc est in rotundum: nempe compositiones sunt ex re simplici, uel pluribus in rotundū conformatæ. Hanc uerò figuram præ alijs elegere medici, ut facilius per stomachum & gulam in uentriculum descendant. nam rotundum corpus nullam eminentiam habet, qua impediri possit ne descendat. Præterea plura in rotundo corpore continentur, quàm in alia qualibet corporis figura: est enim capaciſſimum rotundū corpus. Adde, ut undiq; æqualiter liqueſcant pilulæ cum in uentriculo sunt, rotundæ fiunt. hæ sunt ferè causæ cur pilulæ rotundam formā natæ sint. SE. Audiui & illam formam habere, ut diutius in uentriculo morarētur. BRA. Non est causa cur diu in uētriculo commorētur, sed illa,

Pilulæ unde dictæ, quid sint, & de earū forma.

B 5

quia præduræ, non liquidæ, quia prædensæ, non fluidæ, qualia sunt liquida medicamenta, quæ facile discurrunt, antequam in uapores soluta sint. At pilulæ à uentriculo non abeunt priusquam liquefactæ sint, & iecur petierint, & uapores per uniuersum corpus trāsmiserint, & caput potissimam impleuerint: unde passim receptū est, medicamenta in hanc solidam formam redacta facilius à capite educere, quàm si liquida, & in rei potabilis formam accepta. Imò non solùm à capite, sed & à quibuscunque remotioribus partibus. Nec illud prætereundū: cum illa, quæ pilulas ingrediuntur simplicia ut plurimū amara sint, & quæ nauseam inferant sumētibus, hæc rotunda forma inuenta est, ut medicamentum citò descendat, & uix uel nihil degustetur. Orbiculi, & globuli à Latinis nuncupari possunt, à Græcis κίκνοι, & καταπότια dicuntur. s E. Est ne apud Græcos proprium pilularum uocabulum καταπότιον? B R A. Græci non uocant solas pilulas catapotia, sed omnia, quæ integra deuorantur digitis ori admotis, & integra deglutiuntur, ut à medico fiunt, catapotia nuncupant: nempe uerbum habent καταπιῖν, quod est deuorare, à quo καταπότιον dicitur, quicquid integrum deuoratur, quamcunq; habuerit formam. uel quia larynga dicitur καταπότις, per quam hæc transeunt, fortè catapotia dicta sunt. s E. Quicquid igitur insumitur & deglutitur, etiam si rotundum non sit, catapotium dici cōmerebitur? B R A. Equidem. tamē & ipsi in usu habebant catapotia. s E. Et in forma rotunda? B R A. In rotūda. s E. Poteest ne hoc facile probari? B R A. Facillimè, si duo aut tria Græcorum authorum loca adducemus,

Orbiculi.
Globuli.
Κίκνοι.
Καταπότια.

ducemus, quibus sua catapotia in rotundū uergere ostendamus. *SE.* Adducas quæso. *BRA.* Ab hoc incipiam, qui statim menti subiit. Alexander Trallianus libro 2. cap. 4. ubi de tussi ex materia agit, bechica catapotia formare docet, quæ in globulos conformari debere inquit, erui quantitate: certum uerò est globulum in modū erui in rotundum uergere. & libro 3. cap. 21. de dysenteria agens, docet conformari catapotia, quæ singula erui magnitudinem impleant. *SE.* Fortè intelligit quo ad pōdus. *BRA.* De pōdere non intelligit, quia dat bina, aut terna, sed de magnitudine & forma: nam in alijs locis expresse præcepit redigēda esse in globulos, ut lib. 4. cap. 4. Aëtius & ipse lib. 10. cap. 36. de aromatico crunio agēs, docet aloēn reduci debere in catapotia magnitudine ciceris, & duo, aut tria esse dāda. Et in fine noni libri ponit catapotium dysentericū, & quod dicit ad erui magnitudinē conformari, & quinque, aut sex danda. & in uarijs alijs locis, cū de catapotijs agit, in globulos formari docet. & Paulus Aegineta cap. 5. septimi libri, capotia confici ostendit in modū ciceris, quorum dat undecim una uice. Habes igitur in rotundū uergere antiquorum catapotia: quamuis non sit necessaria illa forma, ut apud Cornelium Celsum uidere est lib. 5. cap. 25. qui de catapotijs agit, & quandoq; ad erui magnitudinē conficit, quandoq; ad nostræ fabæ magnitudinē, quandoq; ad fabæ ægyptiacæ. Tamen in eo genere catapotij, quod ad plures dolores per somnū leniendos facit, manifestè ostendit esse etiam catapotium, etsi illam formam non habeat: nam uult cōpositionem illarū reducendā esse ad crassitudinem sordium, postea

postea ex ea aut paulum deuoretur, aut aqua diluatur,
 & potui detur, idemq; facit in sequenti cōpositione. s E.
 Nostri igitur boli, & electuaria, catapotia essent. B R A.
 Electuaria in ore tenentur, & ideo suum nomen habent
 eclegmata: boli uerò quos deuorādos facimus uel ex cas-
 sia, uel ex alia re, omnino sunt catapotia, si uorentur, &
 integra transglutiantur, ut nomen ipsum ostendit. s E.
 Erit ergo inconstans uocabulum catapotium, & non so-
 lum pilulas nostras significabit. B R A. Est equidē: pro-
 pterea uitor potius latinis uocabulis, aut globulos, aut pi-
 lulas nominās. Sed his, quæ in genere dicta sunt, omīssis,
 ad singularia catapotia descendamus: nam infinita pro-
 pmodum Græcorum authorum loca inueniremus, qui-
 bus probari posset catapotiorum formam talem esse, ut
 deglutiri possit. Dic uerò quo ordine catapotia scripsi-
 sti? s E. Vt loculi, & pixides offerebantur. B R A. Igi-
 tur genus primum legas quod in tua scheda scriptū est,
 nam ab eo incipiemus.

S E N E X.

Pilulæ alefan-
 ginæ, & unde
 dicantur.

Pilulæ Alefanginæ nuncupatæ, illæ sunt, quarum pi-
 xis mihi scribenti occurrit. B R A. Nec ab re, nam
 & apud Mesuem primæ sunt quæ in suo libro offerun-
 tur. Aliās uerò tibi dictum est, apud Mauritanos Alefan-
 gin pulueres odoratos significare, & grati saporis, qui-
 bus in obsonijs utimur, & uulgo simplici nomine spe-
 cies uocantur: sunt autem aromata. propterea hæ pilulæ
 de aromatibus interpretantur, non ob id solum, quia aro-
 mata tantum recipiant, sed quia multa capiunt aromata.
 Aliqui ab aloë Aloëfanginas nūcuparunt. Mesue inquit
 ad

Pilulæ de aro-
 matibus, & vn-
 de dicantur.

ad uentriculi dolorem cōuenire, quando ob pituitam do-
luerit, & ipsum roborant coctionem accelerantes: cere-
brumq; & sensus omnes, ac uētriculū à crassīs humori-
bus liberant. tamē ego in hoc casu simplici hiera potius
utor, quā his Alefanginis dictis. Nunc autem eius com-
positionem adducito. s E. Hæc est quæ sequitur,

℞ Cinnamomi
Cubebæ
Ligni aloës
Calamī aromatici
Macis
Nucis muscatæ
Cardamomi
Caryophyllorum
Azari
Masticis
Schœni
Spicæ
Carpobalsami
Absinthij sicci
Rosarum

} añ. 3 i

} añ. 3 v

Terantur contritione crassa, & fundantur ea aquæ lib.
duodecim, & coquantur usque ad consumptionem duarū
partium: deinde fricentur manibus, & colentur, &
eius aquositas exprimatur, & ℞ aloës succotrinæ bo-
næ libram unam, quæ lauetur in lapidea patera uitriata,
aqua pluuiali. deinde exiccetur, & fundatur super ipsam
expressiōis prædictæ circiter libras duas, & terātur in
sole: deinde cum aloë ea que sequuntur misceri debent,

℞ Myrrhæ

Masticis

Crocī

} añ. 3 v

3 iij

Tere contritione bona, deinde prædictæ expressionis residuum super ea fundatur, & conterantur, usque dum exiccentur, & fiant ex eis pilulæ in modū ciceris, & da ex eis à drachmis duabus usque ad aur. ij. & quandoque affectio exigit, ut ex eis minuatur uirtus aloës, & ponimus ex eo 3 iij. & quandoq; exigit dispositio ut lauetur aloë prius cum aqua myrobalanorū, & tūc accipe ex eis ab 3 iij. usq; ad 3 viij. & coque in aqua, & postquam coxeris cum hac aqua, exicca illam, & laua ultimo cum aqua de speciebus, sicut diximus: sunt enim incolumes. Hæc est integra apud Mesuem Alefanginarū cōpositio. B R A. Fuere diu apud recentes medicos probatæ ac laudatæ hæ pilulæ, & re uera nō uidemus cur & nūc laudari non debeāt, nisi in Græcis authoribus alia potiora haberentur, ab ortu ferè mūdi experta & cōprobata, & in quæ eadē ferè simplicia ingrediuntur. s E. Quæ nā hæc sunt? B R A. Earundem ferè uiriū sunt eæ pilulæ, quas de simplici hiera apud Galenū in septimo Methodi mēdēdi libro inuenies: nam & si tot simplicia Galeni cōpositio nō cōplectatur, ea saltē capit, quæ ad affectiones uentriculi, & capitis in materia præsertim frigida potissimū ualēt: propterea Alefanginis pilulis simplicem Galeni hierā nunquā postponimus, imò Galenū potius sequimur. s E. Quid est Azari, quod hæc cōpositionem ingreditur? B R A. Codex mēdosus est: nā pro Azari, Assari legendū est, & re uera ita cōstat in pluribus antiquo

quiorib. codicib. quāuis & apud Damascenos hoc uocabulū Azarū, Affarū significet. s. e. Non possum non ualde mirari de Mesue, qui sibi ipsi in hac cōpositione opponi uideatur: nēpe inquit, decoctionē fieri ad consumptionem duarū partiū. uerū ubi superius de decoctionibus agebat, in ipsis semper ordinē facit, ut illa quæ maiorem decoctionē in ebulliendo patiuntur, præcedāt: quæ uerò minorē, sequantur. In his autem pilulis absinthiū ponitur, quod mediocrē patitur decoctionem, & rosæ adhuc minorem, multaq; ingrediuntur aromata substantiā raram habentia, & facile solubilem, ut ipse Mesue in hac compositione sua documēta seruare non uideatur. B. R. A.

Duo annotāda occurrunt. unum est, Mesuem ea semper non repetere, quæ ab ipso in alijs locis dicta sunt: unde cum hīc decoctionē fieri iubet, eam fieri intelligit secundum generales decoctionū regulas, quas prius ueluti fundamēta iecerat, ut primò illa ebulliant, quæ decoctionem maiore patiuntur: deinde, quæ mediocrem: denique quæ modicā. Vel cum hac in præsentī decoctione posita crasso modo conterenda docuerit, in hisq; pilulis uis quæ in centro est simpliciū exigatur, & non illa quæ in superficie. nam quæ in centro est, roborat, & quodāmodo styptica est: propterea tanta decoctione, tamq; longa usus est. s. e. Tamen non mediocre dubiū apud authores est de pulueribus, quos ipsi uocāt species, an tenuissimē, uel crasso modo in puluerē redigi debeāt. B. R. A. Hanc ambiguitatē nō rarò audiui, sed illam potissimū faciūt in colocynthide, ob diuersitatē authorū in ipsa & oppugnantia, & de qua suo loco dicemus. Vt autem in præsentiarum tibi satisfiat,

satisfiat, dicimus cum decoctio fit (ut in hac Mesue compositione) non exigitur extrema contritio, & in minutissimum puluerem solutio: cum uero simplicia in pilulas conformare uolueris, tunc in puluerem tenuissimum contere. Dic autē bone Senex, lauas' ne aloē? s e. Quid nam petis? lauo, & pluries. b r a. Ne admiratione afficiaris, si de aloēs lotionē interrogauerim, cum & multi sint qui non lauent: & fortē qui lauant, uno quodam errore inter lauandum ducuntur. s e n. Quonam errore duci possunt? b r a. Tuum lauandi modū referas: fortē tunc errorem interim ostendemus. s e n. Aloē accipio, & in puluerem redigo: mox aquam inijcio, & baculo circumduco, deinde hoc cōmixtum relinquo quoad aloē in uasis fundū descendat: & tūc aquam proijcio, aliamq; inijcio, & uehementer circumduco, & iterum descendere sino, idemq; tertio facio. b r a s. Quoties hoc facis? s e. Certum numerum non seruo, sed non minus facio, quā septies uel octies. b r a. Cū lauas, & quoties lauas, nōne aqua illa qua lauas, inficitur? s e. Inficitur quidē, sed sorde aloēs. b r a. Imō tenuiori aloēs parte, quam proijcis simul cum aqua: unde nonnulli extitere, qui aquam nunquam mutassent, sed in eadem aqua perpetuō lauabant: dicentes, lauare quandoq; est alicui rei aquam miscere. ut cum dicimus diluere uinum, hoc nō est lauare uinum, sed aquam uino miscere. s e. Qui ita dicūt (me iudice) Mesuem nō intelligunt: nam hoc modo diluere una solum fit uice, Mesue autem iubet aloē pluribus uicibus esse lauandam. b r a. Nec ego hos laudo, sed ueram lotionem intelligo. s e. Tamen Albucasis ubi de modis

modis abluendi aloën agit, abluit imbibendo simul decoctionem quandam, quam parat. BRA. Quæ nam est Albucasis decoctio? SE. Hæc quæ sequitur.

R^x Cassiæ lignæ

Spicæ nardi

Assari

Squinanti

Carpobalsami

Xylobalsami

Cinnamomi

Ligni aloës

Croci

Masticis

Laccæ

} añ. 3 ij

Contūde & coque in libris sex aquæ, donec huius aquæ medietas cōsumpta sit. Cola, & exprime, & pone in uitreum uas. accipitq; optimæ aloës librā unam, & in puluerem redigit, ac triturat, deinde prædicta decoctione ipsam irrorat, donec tota in aloën imbibatur, ponitq; super uas marmoreum, aut uitreum, & in sole cōtinuo terit: deinde in mundam pateram ponit, & crassiori pāno tegit, quoad exiccetur: cum exiccata fuerit, iterum in puluerem cōterit, & alia decoctionis portione irrorat, & iterū exiccari permittit: quod toties facit, quoties ad plenum imbibita sit decoctio, & exiccata, & deniq; in uase uitreo seruat. Vides hunc esse modū quēdam ablutionis, & tamen non proyici aquam? BRA. Sed nunc te ostendere incipiā, hunc modū non posse intelligi à Mesue, quia, inquit, sæpius abluatur aqua pluuiali: secundū ablutionē

C

à te nuper relatā, opus esset pluuiam aquā imbibī in aloē.
 at hæc aqua frigida est, & humida, quæ qualitates & ab
 intentione pilularū alefanginarū diuersæ sunt, & affecti-
 bus oppugnāt, quibus hæ pilulæ succurrere debēt. Qua-
 re ille Albucasis abluēdi modus à Mesue intelligi nō po-
 test, præsertim quia cum decoctione suorum simplicium
 hanc imbibitionē non facit Mesue. S E. Antiqui docue-
 runt ne lauandi modū, quo aloen lauare possimus? asser-
 tu aut tuū, aut antiquū modum. B R A. Antiquos lota aloe
 usos esse maximè cōstat: nam Galenus in septimo de Arte
 curandi libro, & in his quæ scribit de Cōpositione medi-
 camentorū secundū locos, hieram fieri docet, & ex aloē
 lota, & ex non elota: & sæpius dicit sumendā esse aloen
 elotam, aliàs non elotā. Quo autē lauādi modo uteretur,
 non satis cōstat, tamen aqua lauasse arbitramur. & hinc
 argumentū accipimus, quòd Dioscorides lib. tertio, ubi
 de aloē agit, dicit medicaminibus oculorum ualere tosta,
 uel lota. additq;: lauatur autē, ut quod arenosissimum sit,
 subsidat, abijciaturq;: pinguiissimū uerò & lene tollatur.
 Vides igitur ad quē finem lotio tēdat secundū Dioscor.
 ut scilicet si quid terreum mixtū sit, id omne abeat. unde
 aloen lauandā esse iudicamus, ut crassæ partes atq; terreæ
 abeāt, hocq; aqua fontana fiat, & prima uice totū terreū
 subsistat. S E. Nōne & tu aquam illam eiiciendam iudi-
 cas, in qua ablutio facta sit? B R A. Eiiciendam esse. S E.
 Num & quod tenue est eiicis? B R A. Eiiciam quod te-
 nuissimum est, quia lotionē unam solum faciā, neq; aloen
 in puluerem redigā ut lauem, sed optimā aloen accipiam,
 quæ (ut inquit Dioscorides & Galenus) facile dilui-
 tur &

tur & liquescit. per unam uerò & solam ablutionem, partes solum quædã leues & extrinsecæ abijciuntur: uerum ex hac ablutione id solum acquirit, quod minus educit, & adhuc minus per ablutiones duas, & per tres minus, plures, uel parũ, uel nihil educet. hoc Galenus innuit in septimo de Arte curandi libro, ubi inquit, hieram fieri posse ex aloe lota, & non elota. additq;: hæc itaq; non elota ualentius uacuat, elota uacuat quidem minus, sed roborat uentrem magis. Id igitur facit lotio, quod aloe minus euacuat, sed magis roborat, Paulo & Actio idẽ sentientibus. Galenus etiam in tertio de Simplicium medicamentorum facultatibus lib. cap. 14. cum docet in brassica esse duas cõtrarias facultates, & illasmet posse esse in pluribus, de Aloẽ hĩc agens dicit, ab aliquo posse remoueri partes quæ purgāt. unde inquit: nam si aloe accurate lauetur aut debiliter, aut planẽ nihil uentrẽ subducet. Verba Galeni sunt, ἐπιμεινὲς γὰρ ἀλὲν πλεονέχεια παντάπασι τοῦ ἀδυνῆς ὡς δὲ ἐλὲς ὑπάρχει γαστρίᾳ. Lotio igitur partes illas in aloe aufert quæ subducunt, & quanto lotiones magis multiplicantur, tanto minus subducens efficitur, ut apud Galenum exquisitissima lotio subductionẽ penitus auferrat. s. e. Quæ nam est huius rei causa? B. R. A. Quoniam in omni ablutione tenuiores partes auferuntur, & eyciuntur. unde quantò plures fient ablutiones, tantò plures tenues partes abeunt, quæ sunt basis & fundamentũ eiectionis. s. e. Tamen uentriculum uehemẽtius roborabit? B. R. A. Equidem. & ideo cum intentio harũ pilularum alesanginarum sit, & pituitam educere, ac humores crassos à uentriculo, cerebro, & instrumẽtis sensuũ, & roborare

uentriculum: ex multis aloës lotionibus nihil educunt, & Mesue intentū non habebitur, quod est educere pituitosas materias & crassas. s E. Quid igitur à pharmacopolis agendū est? B R A. Quantum in me sit, Galenū imitauer in septimo Methodi medendi libro, ubi docet parandam esse hierā ex aloë lota, & non elota: nēpe si lota sit hiera, magis roborat, minus educit: si nō elota, minus roborat, magis educit: & ut in quarto De simplic. medicamentorū facultatibus lib. cap. 14. edocuit, si egregiē laetur, aut parū, aut nihil educet: propterea suaderē, ut compositiones duas seruare, unā ex aloë non elota, qua uteremur quoties materierum crassarū euacuatione indigeremus: nam aloë à Græcis inter medicamēta illa cōputatur, quæ à fæcum educatione *ἰννοτρωτὶνὰ*, id est stercoris educitiua nūcupatur. quādo autē sola uentriculi & capitis roboratione indigemus, has pilulas paratas uoluerim ex aloë egregiē elota. s E. Si utroq; indigemus, & roborare, & educere, quid tūc agendū est? B R A. Aloën habebimus medio quodam modo lotam, id est quæ nec egregiē sit elota, neq; penitus illota. s E. Quomodo hoc fiet? B R A. Si semel tantū ablatur, hoc habebis: non enim erit egregiē lota, neq; illota: etenim una sola lotio talis nō est ut educitiuā uim ab aloë auferre possit, & magis roborare potest quā si esset nō elota. s E. De Mesue miror, qui toties lauari cēsuerit. B R. Fortē nō est intelligēdus Mesue, quod hæ pilulæ crassas materias educant, quoniam & si dicat mundificare stomachum à pituita, hoc fortassis intelligit mundificādo, & non euacuādo: & ita egregiē lotā esse oportebit. Dicamus igitur cum harū pilularum usus sit,

mate

materias crassas resolvere, & roborare: propterea aloë pluribus lotionib. lauari debet, ut magis roboret. de euacuatione autem nihil refert, quia hoc non queritur. At si contingat, uel semel, uel bis eum qui accepit euacuari, tanto melius erit: nam ablutio partes illas remouet quæ uim habent educēdi: sunt uerò hæ tenuiores, quæ semper cum abluatur eijciuntur. s E. Quot igitur uicibus lauari debet? B R A. Tertia lotio egregiè aloen lauat, quæ non in puluerem teratur, sed aquæ misceatur: quippe si bona sit, aloë, diluitur facili, & eliquatur. s E. Non dabuntur igitur ut euacuemus. B R A. Non equidē, sed ut resoluamus, ac roboremus. Nunc huius cōpositionis reliquū examinemus. inquit aloen sumendā, quæ prius sit exiccata, deinde supraponēdas esse duas libras illius decoctionis, & in sole ponēdas miscentes quousq; sit exiccata: & hæc commistio à recētioribus nūcupatur, ablutio aloes per uia nutritionis: quia decoctio illa imbibitur aloë, & ea ferè nutriti uidetur. huius nutritionis fortē meminit Galenus 8. de Cōpositione medicamentorū secundum locos, in simplici hiera, cum dicit aloen ali: ea autē exiccata myrrhā commiscet, masticen, & crocū: additq; Mesue reliquum decoctionis supraponi debere aloë, & agitari, quoad exiccetur, postea utaris. Sed peto quot dies exigantur ad exiccationē duarū librarum huius decoctionis. s E. Pro ratione tēporis, sub æstuate Cane, quatuor aut quinque dies satis sunt. B R. De reliquis duabus libris decoctionis quid interim facis? s E. Omnes pulueres una uice non coquo, sed dimidiū solum, postea reliquū iterū coquo, & ad duas libras resoluo. aliter & corrūperetur decoctio

illa, quæ remanet in tali dierum spatio, & ad aliquā portionē salīe resolveretur. B R A. Istud nec probo, nec mihi placet: malo etenim ut una uice fiat tota decoctio, quoniā diuersum cōpositum est, si totā pulueris summā in duodecim aquæ libras ebullieris quousque adeo exiccetur, ut quatuor solum supersint, ab eo si dimidiū pulueris acciperis, & usq; ad duas partes ebullias. S E. Mihi uidetur esse eadē cōpositio. in utraq; enim duæ tertiæ partes resolūtur. B R A. Quantū ad cōpositionis proportionem omnino est proportio, sed nō quantū ad resolutionis tempus, quia pluri tēpore indigemus ad resolutionē octo librarū, quā ad resolutionē quatuor. In hac autem mora puluerū uires decoctionē magis ingrediūtur, præsertim quia crasso modo puluerizati sunt. Adde, quod magis imprimēt totā puluerū coaccruatio in totū, præsertim tanto tēpore ebulliedo, quā pars in partē. S E. Quomodo igitur agendū, ne corrūpatur aut resoluatur, antequā prima decoctionis pars aloes mixta euanescat? B R A. Audias. illæ duæ decoctionis libræ, quæ aloë prima die miscētur, si dies sit canicularis & feruētissima, eademmet die exiccabuntur. S E. Quomodo hoc fieri poterit? B R A. Arte. S E. Hanc artē libēter addiscerē. B R A. Edocebo, si quid persolues. S E. Persoluam. B R A. En sponte edocco, Si octo aquæ libras acceperis, & in arctum uas posueris, deinde alias octo libras in latius uas eijcias, & alias octo in adhuc latius, & alias octo in latissimū, & hæc omnia uasa feruentissimo soli exposueris, deprehēdes latissimi uasis aquam citius resolui, deinde latioris, deinde minus lati, deniq; arcti: nam quanto aqua est altior, tanto tardius resoluitur.

soluitur. ex his inferimus, secundū uasis capacitā aloen
 & decoctionē recipientis tardius & citius exiccare. La-
 tiore igitur uase accepto uitro, in quo hæc ponas, &
 per ipsum decoctio ad semidigri crassitudinē extenda-
 tur, aut etiam minorē, eadem die resoluetur. Itaq; poteris
 secunda die reliquum decoctionis cōmiscere, & eadem
 secūda die, uel saltem tertia exiccabitur. s E. Breui equi-
 dem dissoluetur hoc modo, sed æquē bene cōmisceri non
 poterit in latiori patera, sicuti in arcta. B R A. Quid im-
 pedit? imò facilius commiscebitur, & per omnes partes
 tractari poterit, uolui atq; reuolui. s E. Eo modo multæ
 partes resoluentur. B R A. Aequē resoluentur si per mul-
 tos dies exiccentur. s E. Mihi æquē non uidetur: nam mul-
 tæ partes ab aloe reseruantur. B R A. Imò, ut ingenuifa-
 tear, hoc mihi summè displicet, quòd soli exponantur,
 & misceantur quoad exiccentur: nempe multæ partis
 ui solis à decoctione trahuntur, & per aërem euanescūt.
 s E. Quod resoluitur, parui uel nullius momenti est, sel-
 tota uis in aloen imbibitur. B R A. Nos putamus esse al-
 quid magni momenti. etenim teniores partes aëree,
 igneæ, & aqueæ illæ sunt quæ euanescent: terreæ sol esu-
 persunt, crassæ, & cōsartæ, in quibus nec odor, nec te-
 rus sapor inueniri poterunt. s E. Imò relinquitur odor.
 B R A. Non est uerus decoctionis odor: is enim uaporosa
 substantiæ & tenui innititur, quæ à radijs solaribus ad se
 trahitur, & consumitur ac exiccatur: quippe disputatio
 est in naturali philosophia, an accidentia de subiecto in
 subiectū trāsire possint: & qui transire cēsant, argumen-
 tū habet de odore, qui accidēs est, tamē ex pomo in manū

Accidentia an
 trāsēāt de sub-
 iecto in subie-
 ctum.

transit. Viri autem philosophi, qui cum Aristotele putant non transire, dicunt & si odor ex pomo in manu transire uideatur, tamen de subiecto in subiectum non transit. & si id experimento comprobabis, quia accepto pomo, & per aliquod tempus per manu conuoluto, odor in manu sentitur. Ad hoc experimentum duae sunt diuersae sententiae, quae respondent. una dicit in manu nouum odorem generari, sicuti ex igne nouus calor in linteis fit. Haec autem sententia à magnis philosophis non probatur, sed potius id probant, quod ab alia sententia & uera philosophorum opinione dicitur, odorem scilicet non esse in tota pomi substantia tanquam in subiecto, sed esse in tenuioribus partibus uaporosis, quae partes corpora sunt. cum uero pomum tractamus, ex manus caliditate, meatus insensibiles pomi aperuntur, & uapores illi exeunt qui sunt corpora, & quibus odor tanquam subiecto inhaeret, illique uapores manui inhaerentes, pomi odorem in manu seruunt. Quod autem hoc sit, ex eo uidere licet, quia si hyeme pomum odoraueris, in principio nihil redolet, nam eius insensibiles meatus clausi sunt: cum uero ita manu tractatur, ut caleat, uel alio etiam modo caleat, adeo ut euaporatio in qua odor inest exire possit, tunc odor persentiri incipit. At si pomum diutius tractaueris, denique inodorum efficietur, quia uniuersa euaporatio, cui odor innititur, exibat. Et hoc in omni odorata contingit: propterea odoramenta clausa seruari debent, ne euaporent: alioqui simul exit odor. experientiaque uidemus liquida odoramenta, & quae nihil habent glutinosi, si in detecto uase seruuntur, odorem amittere, quia exhalationes, quibus odor innititur, abeunt: ut in aqua rosacea, & similibus

similibus uidere nihil impedit. Illa uerò quæ glutinosa sunt odoramēta, odorē quidē remittunt, sed penitus non amittūt: tamē tam diu tractari possent, & detecta seruari & exiccari, quòd odorē amitterent: quod in zibetto ac moscho, quæ maxime redolent, experientia ostendit. ab Aristotele igitur non ab re dictū est, odorem esse fumosam exhalationē, id est, fumosæ inniti exhalationi. quod & ante Aristotele sensuit Plato: nam in calce secundi Alcibiadis, odorē in uaporosa re fundari innuit: ubi Socrates de Homero loquēs ita dicit, Troianos cū suburbānum ædificiū molirentur, facere dijs immortalibus præciosa sacrificia, bonū nidorem uerò ex litore suauem ad cælum usq; uentus extolli. quod indicium est odorē esse in uaporibus, & fumo. Hoc autē Plato ex Homero fortē accepit, primo Iliados, uersu 313. cum de sacrificio agēs in hunc modum cecinit:

κνίαν δ' ὀρνέον ἱερὸν ἰλασόμεν πρὶ καπνῷ. id est,

In cælum nidor fumo reuolutus abibat.

Idem sentit & Auicēna in lib. de Origine spiritus, cap. 9. primi tract. ubi docet quid sit subiectum aromatizantis, ut eius uerbis utar: uerum ne hac in re nimis immoremur, & nostro fine frustremur, dicimus fumos à decoctione illa eleuari, quibus fumis odor innititur & uigor simplicium decoctionē ingredientium, solumq; terrestrem partem remanere. s e. Tibi igitur placere non uidetur, ut hāc decoctionē exiccari sinamus. b r. Nempe sol mīrè trahit partes à centro usq; imò & si in umbra exicce tur & nimis immorātur & fumos eleuari opus est. unde potius uoluerim ut pulueres illi immiscerētur aloe, quàm

ut illa decoctio fieret. s E. Putas igitur nihil uirium in aloe ex tali decoctione remanere? B R. Absit ut nihil dicam: parū tamen remanet. s E. De odore ipso non mediocriter ambigo, an in solis uaporibus sit. B R A. Non est opus hanc philosophicā materiam nos hīc differere: sed ipsam uidere si cupias, nostra libri Prædicamentorum cōmentaria perlegas, ubi adeo exaggeratē illa tractamus, ut nihil desit. s E. His pilulis ultimā manū imponamus. B R. Hæc sit ultima manus: pulueres actu potius ingredi debēt, quā decoctio illa quæ postea ui solis exiccetur. s E. Tamē recentes medici, qui pharmacopoliū nostrum frequētant, ita parari uolunt. B R A. Pro ipsis parā: mihi satis est habere simplicē Galeni hieram ex aloe elota, & non elota: uerum apud alios authores compositiones aliæ non desunt ab his diuersæ, quæ alefanginæ pilulæ uocantur. Nēpe Hali in 10. lib. suæ uocatæ practicæ, & in 7. ubi de inordinato appetitu agit, similem ferē descriptionem alefanginarū refert. Et Serapio in Antidotario suo tres descriptiones ponit, quarū prima aliquā affinitatem cum hac habet. s E. Illæ solū in usu sunt, quas Mesue descripsit. Vnū autē scire percipio, cum dicit rosarū ab sinthy añ. 3. v. alij cōtextus habēt añ. 3. v. quid intelligere oportet, 3. v. an 3. v? B R. Miror aliquē esse qui in hac re dubitet, & qui statim suū codicē nō emēdauerit, si dicas uncias, in drachmas. Verū de his Alefanginis satis dictū est, quarum loco utor ego simplici hiera Galeni: propterea non ab re esset, si secundo loco de pilulis hieræ simplicis ageremus, cum quibus magnam affinitatem habent prædictæ, & in eadem intentione eis utimur.

S E N

SE N E X.

Pilulæ de simplici hiera Galeni in nostra scheda secundo loco scriptæ non erant, sed posteaquam tibi animo est, ut illas excutiamus, ut lubet, fiat. **BR A.** Quo modo illas paras? **SE.** Galeni modo paro: nam in primis hieram picram cōstituo, ut Mesue docet distinctio-
ne tertia de medicinis solutiuis. **BR A S.** Illam explica. **SE.** Ita fit à Galeno (ut refert Mesue.)

℞ Cinnamomū

Masticis

Assari

Spicæ

Carpobalsamū

Crocī

Xyloalocis

Cassie

Aloes ad duplum ponderis.

Species hieræ
Galeni.

añ. partes æquales.

Hæ sunt species hieræ Galeni, ex quibus pilulæ de hiera simplici conficiuntur apud Mesuem. **BR A.** Quo liquore misce-
tis hos pulveres, ut in pilulas conformentur? **SE.** Melle rosaceo. **BR A.** Vidisti ne alios, qui hanc compo-
sitionem alio modo componerent? **SE.** Imò sunt Ferrar-
iæ, qui ex sex rebus solum conficiant. **BR A.** Simpli-
cium pondus referre ne pigeat. **SE.** En,

℞ Cinnamomū

Assari

Xylobalsamū

Spicæ nardi

Crocī

Masticis

Masticis

Aloës ad duplum ponderis.

BRA. Quomodo accipis hoc duplū ponderis, an totius cōpositionis, an solū unius simplicis medicamēti? SE. Vnius simplicis, ut si cinnamomū sit uncia una, aloë sint unciae duæ. BRA. Exquisitius fuisset ad duplū pōderis omnium: quia cōpositio magis propinqua fuisset compositioni Galeni. SEN. Non est igitur Galeni descriptio. BRA. Non est quo ad pōdus, nec illa quam facis est Galeni simplex hiera, nec alia quam nōnulli parāt, & Nicolaus Galeno illā attribuit, & simpliciter uocat picrā, id est amarā Galeni: quam dicit ad omnē capitis frigiditātē ualere, & stomachi cōstionem procurare, uomitum stringere, uteri frigiditati subuenire, conceptionē adiuuare, quam dicit exhibendam esse in balneo uel eunti dormitum. Eius compositio hæc est,

Hiera picra.

℞

Aloes optimæ

3 xiiij. s.

Cinnamomi

Nardi

Costi

Crocī

Schoeni

Xylobalsami

Cassie fistulæ

Masticis

Assari

Rosarum

Amomi

Absinthij

} añ. 3 l. gr. vij.

Mel

Mel quod sufficiat.

Hæc est hiera illa picra, quæ in clysterijs nos utimur, & quam præbeo quoties simpliciter indicitur hiera picra à medicis, uel hiera picra Galeni, tamen non est simplex. Scimus nonnullos pharmacopolas, qui alium puluerem parant, quo pilulas istas conficiunt: sed quia picra mihi composita uidetur, & non simplex, ideo de compositione illa nullam mentionem feci. B. R. A. Ab re non est omnia referre, ut errores detegantur, & in ueritatē adducantur. S. E. Hæc est quæ sequitur,

R^x Cinnamomi

Croci

Spicæ

Schœni

Assari

Cassie lignæ

Xyloaloes

Carpobalsami

Violarum

Absinthij

Epithymi

Stæchados

Agarici

Rosarum

Turbith

Colocynthidis

Masticis

Scamonij correcti 3 ij

Aloes hepatici ad pondus omnium.

añ. 3 i.

Omnia

Omnia tenuissimè in puluerē redigit, & in pilulas cōfor-
 mat ex melle rosato, uel re alia secundū intentionē agri-
 tudinis. B R A. Et asserunt hāc esse hierā Galeni? S E.
 Asserunt. B R A. Res profectō mira, & quæ apud Ga-
 lenū nusquā reperitur, & Galenus de turbith mētionem
 nūquā fecit, multiq; hac utūtur pro illa hiera qua in clys-
 matibus utimur. nam & ipsa à Nicolao describitur, &
 talē differentiā facit, quia primam uocat Galeni picram,
 secundā hieram picrā Galeni. Audias & alterū quorū-
 dam errorē qui uerā quidem Galeni appellatam hieram
 ex sex rebus faciūt, & centū drachmis aloes, sed singu-
 lorū simplicium unam solam drachmam ponūt. S E. A te
 certō scire uoluerim quomodo cōfici debeat hęc simplex
 Galeni hiera. B R. Hoc non te celabo. Scito Galenum
 exhibuisse hierā in puluerē redactam, quam ex decocto
 aliquo bibebant, uel iure, uel in eclegmatis formā dedu-
 cebāt, uel catapotiorū & globorū. Sed priusquā de sim-
 plici Galeni hiera loquamur, prius inspectare oportet,
 an à Galeno inuenta sit & cōposita hęc hiera. S E. Cur
 in hoc dubitas, cum & Serapio & Auicēna in hac hie-
 ra Galenū adducāt ueluti huius cōpositionis authorē &
 inuentorem? B R A. Adducunt quidem, quoniam apud
 Galenum scriptam inuenēre: sed an Galeno authore ex-
 titerit, ignorabant: imō hieram aliam scribunt, quā il-
 la sit quæ apud Galenum inuenitur. S E N. Quomodo
 fieri potest tales tantosq; uiros deceptos esse? B R A S A.
 An ipsi decepti sint uel eorum interpretes, & librarij,
 nostrum non est iudicium ferre: id tamen aperta fronte
 profiteri audemus, infinitas esse cōpositiones ab antiquis
 confe-

confectas, quas in Auicēna, Serapione, Mesue, & Halia
 bate, mutilas, imperfectas, & perperam adductas legi-
 mus. En Mesue octo simplicia ponit in hac cōpositione
 præter aloen. Idem Auic. facit, & ponūt duplū pōderis
 aloes. Serapio tres hieræ descriptiones refert, quarū pri-
 ma uera est Galeni simplex hiera: quāuis simpliciū pō-
 dus per haur faciat quod Galenus drachmam dicit. sed
 hoc ad rem nihil facit. Fortē haur apud ipsos drachmam
 significat, quāuis ab omnibus ferē receptū sit significare
 drachmā unā & semis. Verū ad rem nostrā redeuntes di-
 camus hanc simplicē hierā non fuisse à Galeno inuētā,
 sed potius ab Andromacho. s E. Quid inquis? Receptū
 est apud omnes hanc hierā esse Galeni inuentum. Mesue
 id sentit, id sentit Auicēna, & omnes simul recētes. B R.
 Sentiant hi authores quicquid uelint, scito hanc hierā esse
 Andromachi hierā. Nam antiquorū mos fuit, cōpositio-
 nes quasdā à seipsis inuētas habere, quas ipsi suas sacras
 cōpositiones nuncupabant, quoniam eas magnificiebāt,
 & aegris tanquam res sacras exhibebāt. unde Rufi hiera
 reperitur satis probata, hiera Antiochi, hiera Iusti, hie-
 ra Archigenis. s E. Galenus ergo nullam hierā parauit
 quam ipse suomet ingenio constituisset? B R A. Hæc uo-
 cata simplex Galeni non est, ut ibi oculata fide ostēdam:
 sed paulus Aegineta lib. 7. cap. 8. cū hieras refert,
 hieram quandam adducit, quam Galeni hierā uocat. s E.
 Quæ nam est illa? B R A. Hæc quæ sequitur.

℞ Trixaginis
 Piperis longi
 Piperis albi

Stor

Stœchadis	{	Vniuscuiusq; 3 xvi.
Veratri nigri		
Scamonij		
Spicæ nardi		
Scyllæ assatæ		
Epithymi (secundū aliquos)	{	Vniuscuiusq; 3 viij.
Myrrhæ		
Croci		
Guttæ ammoniaci thymiamatis		
Euphorbij		

Quæ cuncta melle excipiuntur. s e. Hæc non est Galeni hiera simplex, neque eiusdem composita hiera quam Nicolaus refert, & tu superius adduxisti. B R. Hanc etiam compositionem apud Galenū inuenire non potui. Aëtius præterea lib. 3. cap. 117. hieram quandā describit, quam Galeno attribuit: cuius compositio ab illa Pauli euariat. Nam inquit,

℞ Pulpæ colocynthidis	{	Singulorum 3 xvi.
Scyllæ assatæ		
Ammoniaci thymiamatis		
Scamonij		
Corticis ellebori nigri		
Stœchadis	{	Singulorū 3 viij In alio codice Chamæ
Hyperici		
Epithymi		
Succi polypodij		
Bdellij		
Aloes		

Chanedryos. in alio co-
dice habetur Eupatorij

habetur 3 ij.

Marrubij

Cassia

Myrrha Trogloditica

Sagapeni

Croci

Aristolochia

Piperis albi

Piperis nigri

Piperis longi

Cinnamomi

Opopanacis

Castorei

Petrofelini

Singulorū 3 iiij

Mellis quod sufficit.

Integra exhibitio 3. iiij. media tres, minima duæ cum
melicrato, & minutissimi salis cochlearij semis. Hæc est
Galenii hiera secundum Aëtium. Tu autem uidere po-
tes quanta sit differentia inter illam Pauli & istam. S E.
Differentia est in simplicibus, & in copia. hæc autem à
te nuper dicta hiera reperitur ne apud Galenum? B R A.
Eam diu quæsiui, & tamen integrè inuenire non potui.
S E. Vnum est, à quo moueor hieram simplicem esse Ga-
leni hieram, quia Paulus lib. 7. cap. 11. illam compositio-
nem referens dicit, Picra Galeni accipit,

Aloes

3 C.

Ligni balsami

Mastiches

D

Crocī

Spicæ nardi

Assari

Cinnamomi

} Singulorum 3 vi.

Sunt qui in iunci rotūdi odorati floris, & cassiæ unius-
cuiusq; 3. vi. admisceāt. exhibe 3. i. in hydromelite. hæc
Paulus. Ex quibus apparet, hanc cōpositionem Galeni
esse existimasse. B. R. Galenus illā non scribit ac si sua sit,
nec à Paulo refertur ac si Galeni sit, sed quia ab ipso
Galeno refertur. uerū ut animus tuus quietior euadat,
nunc ostendamus hanc hieram non esse Galeni. Inuenio
ipsam apud Galenum in quinque locis positam. in tribus
locis in lib. de Compositione medicamentorū κατὰ τόπος,
& in septimo Methodi medendi lib. & in sexto De sa-
nitate tuenda. Compositio, quam omnes passim sequūtur
& adducunt, ex septimo Methodi medendi accipitur,
& hic locus in medium semper affertur, cum de hac hie-
ra mentio fit. Inquit uerò præcitato loco Galenus: Expe-
dit ergo paratam habere, quam omnes medici picram, id
est amaram, uocāt: atque hanc dupliciter confectam, uti-
que ex aloë elota, & non elota. admiscetur autem huic,

Cinnamomi

Xylobalsami

Assari

Spicæ nardi

Crocī

Masticis Chiæ

Aloes

3 c.

} Vniuscuiusq; 3. vi.

Ex his colligere potes, si omnes medici uocant hoc me-
dicamen

dicamentum picrā, non esse eius inuentum: nempe dixisset, quod nos picrā uocamus. Prope finem præterea sexti libri De sanitate tuenda, inquit: In totum ergo, ad aloes drachmas centū, reliquorum cuiusq; conijciuntur 3. sex, quæ ipsæ quoq; sex sunt: atq; hæc est picra quam Romæ omnes præparant. Ex quo apparet, si omnes Romæ habebāt hanc picrā, quòd ab ipso non fuerat inuenta, præsertim quia non tantum immoratus erat Romæ, ut omnes illam parare potuissent: cū multos habuerit æmulos qui Galeni cōpositionem non parassent. In secūdo etiam lib. De cōponēdis pharmacis secundū locos, ubi de ijs qui ex stomachi uitio capite dolent agit, inquit: Præstantissimum præsidium est medicamen ex aloe præparatū, quod nonnulli quidem uocant picram, hoc est amarā: nonnulli hieram ex aloe, ac iniiciunt quidē centū aloes drachmas, sex autem aliorum singulorum, quæ & ipsa sex sunt numero, Cinnamomi, Spicæ nardi, Xylobalsami, Mastiches chiæ, Assari, Croci. Ex hoc loco, quia aliquos uno modo uocare dixit, alios alio modo, suā cōpositionem nō esse deprehendi potest. In octauo autem lib. De componendis pharmacis secundum locos, ubi scribit quas Andromachus tradiderit facultates stomachicas, inquit, Cū Andromachus inscripisset stomachicæ. deinde sic incœpit: Ad stomachicos hiera quatuor. deinde totā eius compositionē ordine tradidit, quæ in hunc modū habet,

℞ Iunci odorati floris

Xylobalsami

Mastiches

Croci

} Singulorum 3 vi.

D 2

Nardi indicæ

Assari

Cinnamomi

Aloes elotæ

3 c.

Simul leuigata reponito. Si ergo Andromachus hac hiera utebatur, qui ante Galenū scripsit, nam de eo in pluribus locis Galenus mentionē facit, qui & libros Therapeuticæ scripsit, propterea hæc hiera Andromacho potius attribuēda esset, quā Galeno. s E. Non tamen dicit fuisse inuentum Andromachi. B R A. Non equidem, quia re uera est inuentū Themisonis, qui ante Andromachum extitit: fuit autem Asclepiadis auditor, ut de eo pluribus locis mentionem facit Plinius, de quo Iuuenalis,

Quot Themison ægros autumnō occiderit uno.

s E. Quomodo hoc scis? B R A. Quoniam Galenus in eodem octauo de Compositione medicamentorum secundum locos, hanc compositionē ponit, & præfixa inscriptio dicit, Antidotū hiera Themisonis ad stomachi subuersiones ualet, & æstuantibus, & ad omnem inflationē, tardam concoctionem, & uteri affectus: est etiā ad urinam probè efficax, summātim facultas admirabilis, hydropicis, iecorarijs, & nephriticis. quin & mulieribus menses educit. Postea descriptionē ponit, quæ præcisè est simplex hiera appellata: ita enim post titulum sequitur,

Aloes

3 c.

Mastiches

3 i.

Crocī

tantundem

Nardi indicæ

Cinnamomi

Carpo

Carpobalsami

Assari

} Singulorū ʒ i.

Contūdito, incernitoq; cribro tenuiſſimo, ſeruatoq; ſic-
cum, ut perſpirare poſſit. Vides eſſe hieram ſimplicem,
et à Galeno hīc nuncupari, Antidotum hiera Themifo-
nis? S E. Igitur qui indicūt, dicere debent: R̄ hiera The-
miſonis? B R A. Ita indicare deberent. quòd etiam à The-
miſone inuēta fuerit, Aëtius teſtis eſſe poteſt lib. 6. cap.
10. ubi curationem melancholicorum ex Galeno ponit,
inquiens dandam eſſe hierā aloes, quæ præ cæteris epi-
thymum recipit, quam conficies ſicuti iubet Themifon.

R̄ Aloes

ʒ c.

Hiera Themí-
ſonis.

Maſtiches

Croci

Spicæ nardi

Cinnamomi, aut du-

plum Caſſiæ

Assari

Carpobalsami

Epithymi

ʒ ij.

} Singulorum ʒ i.

Detur è mulſa ad cochlearis magni meſuram. Hoc eſt ſa-
tis efficax teſtimonium, hanc hieram non eſſe Galeni, ſed
Themifonis, qui multò ante Galenū ſcripſit: quāuis Se-
rapio in tract. de Antidotis eam Andromacho attribuat.
id autem fecit, quia cōpoſitionem iſtam accepit ex 8. de
Compoſitione medicamentorum ſecundū locos, ubi Ga-
lenus refert, quas Andromachus tradiderit facultates ſto-
machicas. in quo loco hierā ponit, qua utebatur Andro-
machus, non tamen hieram ab Andromacho inuentam.

D 3

SE. Quicquid sit, hæc non est Galeni compositio, uel ab Andromacho, uel à Themisone inuenta sit, eam tamen antiquiores in frequentissimo usu habuere. Sed tu in præsentiarum quomodo examusim fieri debeat, edoceto. BRA. Id quàm lubenter agam. Themison ex septem rebus hieram cōposuit, ut Galenus in octauo lib. de Compositione medicamentorum secundum locos, refert. SE. Quæ sunt hæ septem res, quæ secundum Themisonem ingrediuntur? BRA. Hæ sunt,

Aloes	3 c.
Mastiches	3 i.
Croci	tantundem
Nardi indicæ	} Singulorum 3 i.
Cinnamomi	
Carpobalsami	
Assari	

SE. Hanc compositionē superius etiam adduxisti. BRA. Adduxi: sed nunc ut ostenderem ex quibus pararet Themison, adducere denuò non sum grauatus. Tamen huius medicamenti pondus in simplicibus diuersum est apud Asclepiadē, & Andromachū: nēpe Asclepiades aliorū simplicium 3 miscet, hoc est pondo drachmas argēteas octo aut septem semissem. Andromachus autem 3. vi. conueniunt ambo in positione drachmarum centū aloes. Andromachus ponit aloen elotam, Asclepiades non elotam. Andromachus recipit xylobalsanum, Asclepiades carpobalsanum. Andromachus florem iunci odorati miscet, quod non facit Asclepiades. Hic uerò Galeni locus me dubitare facit, An Themison ille fuerit, qui Asclepiadem

dem audierit, cum Asclepiades adducat hanc hierā tan-
 quam Themisonis Antidoū: quod an ita sit, nūc curæ nō
 sit. idq; satis esto, Themisonis hierā nūcupari, quam (ut
 eodē octauo lib. Galenus refert) simpliciter hierā appel-
 larūt, sed distinctionis gratia apposuerūt dia alces, ut di-
 ceretur hiera dia aloes, ad alterius hieræ differētiā, quæ
 dia colocynthidos appellatur: hancq; simplici uocabulo
 picrā, id est amarā, nūcupabāt. s E. Cū nōnulli drachmas
 sex simplicium, nōnulli octo ab aloe ponāt, quos nā imitari
 debeo? B R A. Licet Themison huius cōpositionis inuētor
 uncia posuerit, & idē fecerit Asclepiades, tamen cū fa-
 cile sit inuētis addere, & quod iam inuentū est, perficere,
 Andromachū & Galenū posteriores imiteris, quirem
 interius considerātes, sex drachmas solum simplicium mi-
 scuerunt, ut in præcitato loco, & in 2. libro eiusdem uo-
 luminis, & in septimo Methodi medēdi, & in sexto De
 sanitate tuēda uidere est. s E. Erunt igitur omniū simpli-
 cium præter aloen sex drachmæ. B R A. Ab re fortē non
 erit, si omniū simplicium quæ hanc cōpositionem ingre-
 diuntur, finē consideremus. s E. Imò erit optimū. Po-
 pter quid cinnamomū recipit? B R. Quoniā, ut Galenus
 dicit lib. octauo de Cōpositione medicamentorū scan-
 dum locos, præter id quod tenuissimarū sit partiū, adi-
 tur etiā ut uētris meatus simul adaperiat, abstergat, xte-
 nuetq; si quid glutinosum crassum ue humoribus inkere
 scat: etenim crassos hos humores ob expurgātis faulta-
 tis imbecillitatē aloe nō solet attrahere. Quare & blio-
 sarum in uentre dispositionū præstantissimum est reme-
 diū, ut uno die frequenter multos curauerit, qui stonachi

uitio molestari crediti sunt. auuat & hoc, & omnes
 alios affectus ex prauis succis contractos cinnamomum
 admistum, ut quod uim habeat qua prauas qualitates in
 naturalem statum reducit. hic est igitur finis ob quem com=
 positio hanc cinnamomum recipit. s. e. Cum à te aliàs di=
 ctum sit nos uero cinnamomo carere, quomodo fiet hanc
 integra compositio? B. R. A. Galenus in sexto De sanitate
 tuenda libro de hac compositioe agens, inquit, in defectu
 cinnamomi accipiendum esse duplum cassiae optima, quam
 aliàs a esse uirtute nonnulli putant, ut nihil ab inualido
 cinnamomo absit: quod tamen non credit Galenus, quia à
 genroso cinnamomo etiam talis cassia longè superatur:
 sed inquit, sicuti in boni panis inopia uel uilissimo ue=
 sciur: sic in cinnamomi penuria exquisitissima utemur
 cassia. s. e. Ergo quia cinnamomo caremus, in hac com=
 positioe duodecim drachmae cassiae, idest canellae poni de=
 bet? B. R. A. Omnino, si Galenum & antiquos sequi uolue=
 rius, quauis aloes uis ex hac copia in tali compositioe
 perire denigrabitur. ueruntamen nunc uerum cinnamomum
 ad nos allatum est, ut tibi post hunc sermonem ostendemus.
 s. l. Non mediocri gaudio afficiar, si antequam moriar
 cinnamomum uidere datum sit. Dic uero propter quid mas=
 tiche hanc compositioem ingreditur? B. R. A. Galenus
 octauo lib. de Compositioe medicamentorum secundum lo=
 co, inquit mastichen hanc compositioem ingredi, quia
 apta stomacho gratique odoris, & confringendae uis aloes
 melicametosae efficax. ut autem de omnibus alijs in summa
 tibidica, aliqua sunt abstersoria & tenuia, alia stoma=
 cho apta robore quidem longè cinnamomo inferiora, ge=
 nus

nus autē idem facultatis habētia. Galenus præterea inquit melius esse loco assari carpesiū ponere. cū uerò nobis carpesiū desit, assarū ponere curabimus. hæc q̄; confideratio est in secūdo lib. de Cōpos. medic. secundū locos, ubi etiā de croco differit, an sex drachmæ præcipi debeant, uel pauciores: quia nōnullæ ex his quæ ei adiiciūtur, caput feriūt, quod dicit Galenus frequēter sibi accidere ex solo croci odore. Ideo cōpositionē illam optimā iudicat, quæ recipit croci 3. v. aloes 3. xc. & cū sint aliqui qui facile capite replētur, pro his iij. solum croci 3 inijcit, qua cōpositione in his etiā utitur, qui suffusorū imaginationes, aut accidētia ex stomachi affectu patiuntur. Quibus autē uenter prohibetur, ut mulieribus quæ non probē purgantur, sex croci drachmas ponit, & quadraginta aloes. S E. Ergo aloē quandoq; non debet esse cētum drachmæ? B R A. Minimē, secundū Galenū in secundo de Cōpositione medicamentorū secundū locos. In septimo autē Methodi medēdi huius rei nihil meminit. At in sexto De sanitate tuenda, dicit se fecisse duas picras, præter illam qua omnes utuntur, quæ habet centū drachmas aloes, & sex alias sex rerū. In una uerò suarum picrarū ponit plus eorum quæ calefaciunt, in altera minus: dicit autem immusceri plus calefacientium, si aloes quantitas dematur, ut si aloē sit drachmæ LXXX. alia sint drachmæ sex. Erunt autem illa quæ calefaciunt minus si aloē multiplicetur, ut si drachmæ XX addantur, sitq; aloē drachmæ CXX. reliqua drachmæ VI. S E N. Optarem ego compositionem unam statam & firmam. B R A S. Fieri non potest quin duæ sint. S E N. Quare? B R A S.

Quia paratam habere oportet picrā ex aloē elotā, & ex non elotā: postea si medicus quicquā addere uoluerit, id facere poterit, aut ex aloē, aut ex alijs rebus. SEN. Quas uires habet aloē elotā, & nō elotā? BRA. Superius dictum est. & Galenus in sexto Methodi medendi, & in secundo & octauo de Compositione medicamentorum secundū locos, docet, inquit, non elotā aloē munus roborare uentriculū, sed magis euacuare: ē contrario lotā magis roborare uētriculū, & munus euacuare: quia in clotione tenuiores partes, & quæ habent uim medicamentosā, abeunt, & eyciuntur. SE. Optarim ut compositionem illam affēres, quæ Galeni mentem attingere magis uidetur. BR. Quamuis in locis uarijs illam probet quæ recipit aloes 3. c. aliarū rerum sex: in secundo tamen de Cōpositione medicamentorū secundum locos, & in octauo hanc quæ sequitur, cōponendam innuere uidetur, & seruandam.

R ^x	Aloes	3	x c.	
	Cinnamomū	3	vi.	siue pro eo cassiæ, id est
	canellæ	3	xij.	
	Xylobalsamū			} añ. 3. vi.
	Assari			
	Spicæ nardi			
	Mastiches			
	Croci	3	v.	

Omnia in puluerem redacta misceto & seruato. SEN. Quantam huius picræ quantitatem dare oportet? BRA. Galenus in 7. Methodi medendi, inquit: Si uelimus exhibere maximum eius modū, dabimus duorum magnorum

rum cochleariū mēsuram : si mediocrem modū, duorum paruoꝝ cochlearium : si minimum modum, unius parui cochlearij mensuram exhibebimus. In secūdo autem lib. de Cōpositione medicamentorū secundum locos, inquit: datur autem medicamenti summū 3. i. minimum, dimidium: inter utruq; pondus alia exhibētur, dum quātitas pro ætate corporis, magnitudine, & consuetudine euariat. At in octauo eiusdē uolum. libro, Andromachū adducit, qui inquit, quibusdā dari cochleariū unū, quibusdā duo. Galenus uerò exponere uolēs quid intelligendū sit per cochleariū, exponit drachmā argenteā, quam Romani, inquit, denariū appellāt. hæc uerò nos ubertim discussimus in eo libello, quē De ponderibus medicis fecimus. Aētius lib. 6. cap. 10. exhibet ad cochlearis magni mensurā: sed ipse cōpositionem facit ex octo 3 aliarum rerū, & centū aloes. Paulus lib. 7. cap. 11. 3. i. dari iubet. nos uerò in præsentiarum huius picræ usque ad duas drachmas damus magno profectu. **SE.** Quomodo antiqui hos pulueres miscebāt, ut ægris facilius corrigerentur? **BR.** Galenus, & alij antiqui mxtos seruabant, & uario modo porrigebant. Paulus præcitato loco ex hydromelite propinādos iubet. Andromachus ex aquæ frigidæ cyathis quatuor, aut calidæ. Asclepiades ex aqua frigida, aut ex uino. **SE.** Debebāt uinū & aquam abhorrere per aliquot dies. **BR.** Galenus tamē in octauo de Cōpositione medicamētorū secundū locos, inquit, satius esse si ex mulso aliquis medicamētum hoc exhibeat. Verū ipse iubet dari cum aquæ cyathis non plus tribus. Idem in 2. lib. censet, & in 7. Methodi medendi, ubi etiam

etiam inquit, aliquos excipere hoc medicamentum despu-
mato melle. s E. Et nos hoc modo puluerem ex melle ro-
saceo accipimus, & in pilulas conformamus. Composi-
tionē igitur parabimus, ut superius edocuiſti, ex nona-
ginta drachmis aloes. B R. Equidem & cum aloe elota,
& non elota, & ex melle, uel etiam rosaceo in globum
disponito, & in tali loco seruato, ut perspirare possit:
nam probus medicus ea addere sciet, quæ ad ægrotantis
intentionem conuenient. Galenus etenim plerumque uti-
tur picra exacuta, potissimum in libris de Compositione
medicamentorum secundum locos: intelligit uerò hanc pi-
cram, cui aliud acutum medicamentum additum sit, ut co-
locynthis, aut helleborū. s E. Ad quos affectus ualet hæc
compositio? B R A. Ad quamplures, sed hinc inde positi
sunt in uarijs locis, potissimum uerò uni affectui succur-
rit, cum uentriculi parietes materia pituitosa pleni sunt,
& uentriculis imbecillioribus succurrit in his qui literis
incumbunt, & ualde studiosi sunt, præsertim ex aloe elo-
ta, & his quibus mens aliquo studio occupatur. Nūc illa
singulatim enarremus quæ ab authoribus dicuntur. Primo
igitur (ut Galenus in septimo Methodi medendi testatur)
ualet ad uitiosos succos qui in tunicis uentriculi habentur.
Idem dicit in sexto De sanitate tuenda, & in secundo
& octauo De compositione medicamentorum secundum
locos. Ex secundo eiusdem uoluminis lib. ualet ad suffu-
sionum imaginationes, & ad accidentia ex stomachi affe-
ctu. Ibidem ad hos ualet, quibus uenter prohibetur. Ibi-
dem mulieribus cōuenit, quæ non probè purgantur. Ex
octauo de Compositione medicamentorum secundum lo-
cos,

cos, ubi de stomachicis Andromachi agit, inquit, his dari non debet qui calida & sicca intemperie afficiuntur, nec qui sicca cum frigiditate: nec absolute his qui ex solis qualitatibus particulam aliquam habent uitiatam. Iuuat omnes prauas dispositiones, ex prauis humoribus ortas. Valet ad articulos relaxatos. Ex eodem libro, ubi incipit Antidotum hiera Themisonis, ualet ad stomachi subuersiones. Conuenit aestuantibus. Valet ad omnem inflationem. Ad tardam coctionem. Conuenit uteri affectibus. Ad urinam probe efficax est. Hydropicis, iecorarijs, nephriticis succurrit. menses educit. Succurrit his qui bile uomunt. Inflammationibus interioribus ex hydromelite conuenit. Ad difficiles sanorum coctiones ualet. Valet his qui habent bilem in tunicis uentriculi. Robur particulis adhibet, per quas iter moliuntur. Auget calorem locorum per quos transit. s E. Est ergo mirabile medicamentum. B R. Mirabile, inquam, sed de illo plus satis locuti sumus. s E. Igitur ad alium transeamus. B R A. Vt lubet.

S E N E X.

Pilulae de hiera cum agarico has sequuntur. B R A S. Pilulae de Hiera cum Agarico.
 Quomodo has paras? s E. Hieram Galeni picram a Nicolao descriptam ex sexdecim rebus paro. B R A. Simplicia enumera, & componendi modum. s E. Superius iterum enumeraui, & integram hanc hieram proposui, cum de simplici Galeni hiera loqueremur. B R A. Ne pigeat secundo & illam referre, ut rem ipsam facilius considerare possimus. s E. Hac est ut tibi moram geram, compositio,

℞ Cinnamomi

Spicae

Spicæ
 Croci
 Schoeni
 Assari
 Xylocassie
 Xylobalsami
 Carpobalsami
 Violarum
 Absinthij
 Epithymi
 Agarici
 Rosarum
 Turbith
 Colocynthis
 Masticeis

añ. 3 ij.

Aloes ad pondus omnium.

Mellis quod sufficit.

B R A. Memoriae subit te superius cōpositionē istā ad-
 duxisse, ubi de simplici hiera loquebamur: illa est qua
 multi in clysmatibus utuntur: & quoties indicitur hiera
 picra, hanc tribuūt pharmacopolæ ex melle confectā. fa-
 ciunt & ex melle rosato pilulas, quas de hiera picra ma-
 iores nuncupant. S E. Nos istas uocamus de hiera cum
 agarico. B R. Cur istud? S E. Quoniā agaricū recipiunt.
 B R A. Cur non uocātur de turbith, uel de colocynthis?
 cum utrunq; in eodem & æquali pōdere recipiatur? &
 hæc uehementius soluāt, quā faciat agaricus. S E. Hoc
 ignoramus. B R A S. Igitur non magis appellari debent
 de hiera cum agarico, quā de hiera cum turbith, uel co-
 locyn

locynthide . nec sumi debent pro pilulis de hiera cum
 agarico : nam ita illæ nuncupantur : quia ueræ de hiera
 pilulæ & agaricus totam compositionem ingrediuntur .
 Sed in hac compositione , quam tu paras , & agaricus
 & alia simplicia ingrediuntur : propterea miror , cur
 uos has pilulas de agarico nuncupaueritis , & eas pro
 illis de hiera cum agarico exhibueritis . SEN . Ita didici
 à senioribus huius artis uiris . BRASA . Aetate fortè se-
 niores erant , sed eos doctrina iuniores existimamus .
 Non desunt tamen pharmacopolæ , qui compositionem
 aliam sequantur , quam ex Petro Gallo accipiunt potius
 scriptore , quàm pharmacopola , huic similem in uno so-
 lum differentem , quòd hæc epithymum non recipit , illa
 recipiebat . hæc uerò duas diagridij drachmas recipit ,
 quas illa non recipiebat , & simplicium pondus est 3 . l .
 SE . Extende & tu compositionem istam , quam nonnulli
 sequuntur . BR . Eadē est , tamē ne desideres , ita faciunt .

R^x Cinnamomi

Spicæ

Croci

Schoeni

Assari

Xylobalsami

Xylocassiae

Carpobalsami

Violarum

Absinthij

Agarici

Rosarum

Turbith

Colocynthis

Masticis

Diagridij

3 ij.

añ. 3 . l .

Aloes

Aloes ad pondus omnium.

Cum syrupo de stœchados fiat globus. SEN. Paucissi-
ma est differentia inter illam Nicolai, & istam. BRA.
Sit quomodocunq;, non est hiera cum agarico. propter=
ea melius recentes quidam fecerunt, qui nuncupant hie-
ram Galeni compositam, aut istam, aut illam quam tu ex
Nicolao retulisti. Sunt etiam qui ita particulatim loquan-
tur, omnium simplicium 3.ij. aloes 3.iiij. mellis colati
& expumati 3.vij. At quicquid sit, hæ pilulæ de hiera
cum agarico esse non possunt. SE. Quas ergo deinceps
parare iubebis? BR. Non desunt tamen qui minus errēt
in hac urbe, & qui compositionem affinem hieræ cum
agarico parent. SE. Quæ nam illa est? BRA. Hæc,

Rx	Hieræ Galeni	} añ. 3.s.
	Agarici trochiscati	
	Aloes	
		3 i.

Ex melle rosaceo colato conformentur pilulæ. SE. In
quo errant hi? BRA. Quia perfectam hieram non acci-
piunt. SE. Opto ut in hac charta compositionem expli-
ces. BRA. Scito aliquos uoluisse agaricum poni ad pō-
dus omnium simplicium simul, aloë demptæ: unde erunt
agarici 3.xxxv. uel 3.xxxvi. Si crocus sit 3.vi. Nos ue-
rò putamus satis esse agaricum ad pōdus unius simplicis
poni, ut sit 3.vi. SE. Cōpositionem istam denique ex-
plica. BR. Nōne ex prædictis uerbis accipere potes?
SEN. Possem equidem, sed mihi facilius erit te audire.
BRA. Hæc est compositio pilularum de hiera cum aga-
rico, quam iubeo te paratam habere hoc modo,

Rx Cinamomi, pro quo casia. i. cannella 3. xij.
Mastic

Mastiches		
Assari	}	
Spicæ nardi		
Xylobalsami		
Agarici		
Croci	3	v.
Aloes	3	x c.

ana 3 vi.

Terantur, & misceantur, & cum opus est, ea utaris in quacumq; forma uolueris, & si in pilulas reducere placeat, id facias secundum intentionem quam habes, uel ex syrupo de stoechade, uel ex melle rosaceo, uel ex aqua absinthij, uel ex alia simili re. Hæc enim compositio capiti, thoraci, & uentriculo plurimum conuenit. Laudare tamen ut hæc compositio parata non seruetur. sed quoties prudens medicus ea indiget, agaricum addat secundum morbi exigentiam, nunc plus nunc minus, id ille recte iudicabit. Si uero integram compositionem seruare cupias, pro his medicis, qui componendi artem ignorant, quorum maior est pars, illam parato quam superius scripsimus. s e. Deinceps ita parabo. At quæ agaricum accipere debeo? an trochiscatum? B R A. Antiquiores agaricum non præparabant in trochiscos reducetes, sed eo simpliciter utebantur ut ab arbore uenit: propterea suaderem, ut simplex agaricus sumeretur, nulla re correctus, præsertim cum hiera misceatur: imò ipsum in præsentiarum in puluerem redactum simpliciter exhibeo ex zucchero, & mirè confert.

S E N E X.

DE his iam satis. Pilula de hiera logodion sequuntur. B R A. Ab re non est omnes pilularum compos-

Pilula de hiera Logadij.

E

sitiones prosequi quæ ab hiera nomen habet. unde accepit nomen hæc cōpositio? s e. Nicolaus dicit nuncupari hiera logodion memphitum, à hiera, quod est sacra, logos sermo, & memphitum, id est impeditio, quoniam his succurrit qui habent impeditum sermonē, ex quacunque fuerit causa. B R A. Ha ha ha. s e. Turides? B R A. Equis non rideret in tam pulchris nominum etymologis? Primò Nicolaus ignorat unde dicta sit hæc cōpositio: nempe uocari debet hiera Logadij, quoniam Logadius medicus fuit apud antiquos celeberrimus, qui huius hieræ inuentor extitit. unde nuncupari debet hiera Logadij, non hiera logodion. Superius etiam docuimus antiquiores medicos, qui in aliqua existimatione fuere, suas quasdam cōpositiones habuisse, quas hieras uocabāt, & quibus potissimum utebātur. Sed ut in nomine errauit Nicolaus, putamus non minori errore duci in ipsa cōpositione: propterea tu Nicolai cōpositionem hieræ Logadij adducito, ut antiquæ cōpositioni conferre possimus. s e. His uerbis Nicolaus suam hieram Logadij describit.

℞ Interioris coloquintidæ	} ana 3 ij.
Polypodij	
Euphorbij	} añ. 3 l. s. gr. vi.
Polij	
Cocognidij	
Absinthij	} ana 3 l. gr. xij.
Myrrhæ	
Centaureæ	}
Agarici	
Ammoniacy thymiam.	

Folij

Folij	}	añ. 3 i.
Spicæ		
Squillæ		
Diagridij		
Aloes	}	añ. 3. i. gr. xiiij.
Comarum Thymi		
Cassia		
Camedreos		
Bdellij		
Præßij	}	añ. 3. s.
Cinnamomi		
Opopanax		
Castorei		
Aristolochiæ longæ		
Piperis albi		
Piperis nigri		
Piperis longi		
Croci	}	añ. gr. vi.
Serapini		
Petrofelini		
Hellebori albi		
Hellebori nigri	}	
Mel quod sufficit.		

Hoc intellige pro hiera ipsa Logadij componenda: nos enim accepto melle rosato colata catapotia cōformamus. BRAS. In hac Nicolai hiera Logadij plura simplicia sunt, quàm in uera illa antiqua Logadij hiera, nec idē est in simplicibus pondus. SE. Refer tu, si me amas, uerā Logadij cōpositionem. BRA. Hæc est. SE. A quo authore

illam accepisti? BRA. Ab Aëtio lib. 3. cap. III. dicente,
Hiera Logadij. Postea talis compositio subsequitur,

R ^x	Pulpæ colocynthidis	℥ ij.	
	Scyllæ assatæ		
	Agarici		
	Ammoniaci thymiamatis		} Singulorū 3 xx.
	Thymi		
	Scamonij		
	Corticis hellebori nigri		
	Hyperici		} añ. 3 x.
	Epithymi		
	Bdellij		} Singulorū 3 i.
	Polypodij aridi		
	Aloes		
	Chamædryos		
	Marrubij		
	Cassie		
	Myrrhæ troglodyticæ		} añ. 3 iiij.
	Piperis albi, longi, nigri		
	Cinnamomi		
	Croci		
	Opopanacis		
	Sagapeni		
	Castorij		
	Petroselini		
	Aristolochiæ longæ		

Assumito in melle. Exhibitio integra 3. iiij. media tres,
minima duæ. ubi uerò exhibēda sit, addito salis cochlea=
rij semis. Hæc est hiera Logadij, quæ recipit solum cum
melle

melle simplicia x x v. Illa uerò quam Nicolaus citat trigintatria simplicia cum melle recipit. s e. Igitur non est illa Logadij? B R A. Non, ut uidetur. Eadem ratione illa quæ à Serapione citatur non est Logadij, nec illa quam dicit esse secundū descriptionē Philagrii, & alia secundum Pauli descriptionē. s e. Deinceps compositionem istam hoc modo parabo. B R A. Non errabis, nam summum uirū Aëtium imitaberis. Simplicibus igitur in puluerem redactis, in catapotij formā reduci possunt, uel ex melle rosato colato, uel ex alia re, secundū exhibētis intentionē. s e. Sunt ne illæ descriptiones probandæ, quæ ab Auicenna referuntur? B R A. Neq; illas probarē, nisi Aëtij modo corrigantur, quæ imitari studeas, quoad meliora inuenta sint, si inueniri poterunt. s e. Quibus affectionibus succurrit hæc compositio? B R A. Multis. nam conuenit locutioni impeditæ ex quacunque fiat causa, modo sit ab humoribus. Atram bilem, & pituitam expurgat, epilepsie conuenit, paralyticis, tremorem membrorum habentibus, doloribus capitis cum diutinis & totum occupantibus, tum hemicranicis succurrit, uertigini confert, oculorum obscuritati, & pleuritidi. Ischiam patientes adiuuat, & arthritim, uarias corporum maculas, & lepras emendat, menstrua prouocat.

S E N E X.

DE his satis dictum sit, ad stomachicas pilulas accedamus. B R A. Accedamus quidem & in compositionem quam nullus ferè pharmacopola eandem habet cum alio. Dic tu quam cōpositionem paratā seruas? s e. Illam quam Mesue in principio describit. B R A s. Est

Pilulæ stomachicæ.

igitur prima ex tribus quas refert descriptionibus. s E.
Non ex illis tribus, quæ statim se consequuntur, sed illa
quæ in ordine omnium suarum pilularum est secunda de-
scriptio, & quam dicit stomachum emundare, & iecur,
& sensuum membra, atq; iuncturarum instrumenta, &
quæ tam bilem atram, quàm flauam, & pituitam edu-
cunt. B R A. Descriptionem eius affer. s E. Hæc est.

R ²	Hieræ picræ	3	vij.
	Trium myrobalanorum	3	ij.
	Agarici	3	ij.
	Turbith boni	3	x.
	Epithymi Cretensis	}	añ. 3 ij. s.
	Anisforum		
	Salis indi	3	ij.
	Absinthij	}	añ. 3 ij.
	Scamonij		

Fac pilulas cum penidiarum 3. ij. & succo scariolarum.
dosis 3. ij. B R A. Iam noui quas stomachicas pilulas in
tua officina serues: suntq; & alij pharmacopole qui eas-
dem conficiunt. Medici uerò re non perspecta neq; con-
siderata, in omni ferè uentriculi affectione, & potissimum
in imbecillitate, stomachicas pilulas instituunt dandas:
cum tamen præter euacuationem hæ uentriculo mirè ob-
sint. Sed compositionem istam pressius contemplemur.
s E. Quomodo intelligis obesse uentriculo? B R A. Quia
ipsum perturbant, & imbecilliorè reddunt: nam magna
turbith copia hanc cōpositionem ingreditur, nempe 3. x.
At mirè uentriculum peruertit turbith, ut nonnulli ignari
putarint, turbith à turbando dictum esse: adde & sca-
monium

monium non conferre uentriculo, imò ualde obesse, & agaricum, & quamuis multa ingrediantur quæ uentriculum roborare possint, tamen ab his quæ illum perturbant superantur. sed cur tu diligentissime Senex, hanc compositionem sequeris, cum alij pharmacopola descriptiones alias habeant? s e. Ita didici à præceptore meo antiquo seplasiario. B R A. Certus sum non esse tres seplasiarios Ferrariæ qui eandem compositionem seruent. Nam & tu, & alter, eam quam retulisti descriptionem seruatis: nonnulli uerò in suis officinis descriptionem habent, quæ à Mesue posita est, & dicit stomachum & digestionem adiuuare: cerebrum & stomachum à corruptis humoribus purgare, & appetentiam excitare.

Rx	Hieræ picræ	3	x.	
	Trium myrobalanorum	}	añ.	3 ij.
	Absinthij			
	Masticis	}	ana	3 iij. s.
	Anisi			
	Bellerici			
	Emblici			
	Agarici	}	3	ij.
	Gingiberis			
	Caryophyllorum	}	ana	3 l.
	Salis gemmæ			
	Squinanti	}	3	xij.
	Turbith			

Confice cum succo absinthij, & da 3. ij. uel iij. s e.
Non uidetur esse inter nostrâ & hanc descriptionem magna differentia. B R A. Imò in his quæ soluūt nulla, nisi in

simplicium pondere. In his uerò quæ roborant, differunt: quia in ea, quæ uteris cōpositione aliqua sunt quæ in ista non habentur compositione: & ē contrario aliqua in ista, quæ non sunt in tua: tamen ex sexdecim rebus illa quam nuper attulimus descriptio constat. Illa uerò quæ tu uteris, ex tredecim. s E. Cuperem omnes pharmacopolas idem genus seruare. B R A. Imò & hic est magnus medicorum error. nam instituūt stomachicas pilulas deglutiendas, sed quam compositionem instituunt, nesciunt. Non desunt præterea qui pilulas illas paratas seruent, quas Mesue secundo loco descripsit, & dicit esse in intentione priorū, id est, illarum quas nuper adduximus. s E. Neq; descriptionē istam prætermittamus. B R. En.

Rz Trium myrobalanorum ana 3 iij.

Rosarum

Masticis

} añ. 3 ij.

Cardamomi

Ligni aloes

Sādalarū citrin.

Cubebarum

Caryophyllorum

Nucis muscatæ

Squinanti

Rauedsceni

Turbith

3 s.

3 vij.

Aloes ad pondus omnium.

Confice cum uino odorifero. s E. A prædictis non multum differunt. B R A. Omnes idem cēsant: tamen simplicibus consideratis, quæ utraq; cōpositiones ingrediuntur,

tur, & simpliciũ pöderibus non parum differre uidentur, quamuis in intentione non sit magna differentia. Scito tamen maiorem pharmacopolarũ numerum pilulas il las stomachicas paratas seruare, quas Mesue suas esse dicit, quæ caput & stomachum expurgant, & omni tẽpo re sumi possunt. earum autem descriptio hæc est,

R̃ Turbith 3 x.
Masticis 3 iiij.
Rosarum 3 iij.

Aloes bonæ ad pondus omnium.

Confice cum succo absinthij. s E. Non me fugit quãplures hanc cõpositionem paratam seruare, & quãdo opus est 3. i. uel 3. i. s. præbere: tamẽ ego potius descriptionem primã secutus sum, tum quia ita imbutus sum à pueritia, tum quia multa uentriculũ roborantia recipit. B R. Ex tat & alia apud Mesuem pilularũ stomachicarũ descriptio, quæ ceteris leuior est, & à nullo paratur pharmacopola, quod sciam, ipsaq; caput etiam & stomachũ expurgat, quam ne desyderes, referre statuimus.

R̃ Aloes 3 vi.
Masticis } añ. 3 ij.
Rosarum }

Confice cum succo solatri. s E N. Ex tot tamq; uarijs compositionibus quam præcipue sequi debemus? B R A. Cum hæ pilulæ stomachicæ nuncupentur, stomacho potissimum opitulari debet. Optarim ego, ut probus medicus non segniter cõsideraret, qua re indigeat stomachus, quæ affectione sit laceßitus: propriè autem stomachus uentriculi os etiam significat: quamuis & plerunque

E 5

pro fundo ipso accipitur . Nunc tam pro fundo, quàm pro ore, & omni alia parte accipitur . Si ergo stomachus male affectus sit, affectio ipsa consideranda est , qua afficitur, an sit sola qualitas , uel etiam sit cum materia . Si sola qualitate afficiatur, alterare solum opus est, & non euacuare, idq; sit per oppositas qualitates tam intrinsecè quàm extrinsecè . Si materia adsit, genus materiæ considerare oportet, an pituita, an bilis, an atra bilis, an mixta materiæ: tuncq; euacuandum, ut materia exigit . Scito autem hîc sermonem non fieri de materia, quæ in cauitate sit uentriculi, sed de illa quæ continetur in uenis & eius rugositatibus: nam quæ in cauitate est facile educitur, & plerunq; natura ipsa sponte per uonutum illam expellit, quandoque per inferas sedes . Si uerò materia in his uentriculi uenis & in sensibilibus meatibus contineatur, secundum materiæ genus eo medicamento uti debemus . Si ergo materia sit pituitosa, medicamentum propinamus pituitam educēs: si biliosa, bilem: si atrabilaria, medicamentum atram bilem educente utamur: si materia sit mixta, & medicamentum ipsum mixtum sit . Adde, si eadem materia in capite abundauerit, ea addenda esse, quæ à capite educunt . s e . Quid inferre tētas per hunc tuum tam prolixum sermonem? B R A S . Hoc solum quod quisque notare debet, Medicum primò componendi regulas addiscere . Addiscat ergo, addiscat uerè medicus simplicium naturam, & cōmiscendi modum, & secundum humoris genus, & membri peccantis simul misceat simplia, & medicamentum ad suum commodum & ad ægri salutem paret . s e . Non erit fermentatum tam breui tempore .

B R A S .

BR A. Non indigent fermentatione huius generis medicamenta, quæ ad unā tertiā formam non deducuntur, sed unumquodq; simplex medicamentū per seipsum educere debet, imò si unum simplex post aliud sumeretur, nihil referret. SE. Si per hūc ordinē incederēt, non indigeremus cōpositis medicamētis. BR. Hoc summē probō, ut in officinis sint paucissima cōposita medicamenta, præsertim ex catharticiis: sed medicus prōptus esse debet, & doctus, statimq; ex simplicibus cōposita parare, ut ægritudini cōuenit quā curādā suscepit. De egregijs uerò illis medicamentis, quæ tēpore lōgiore indigēt priusquā cōcocta sint, qualia Theriaca, Mithridatū, secus dicendū est: nam illa parata habere præstat. Vnde si has pilulas ad unguē contemplemur, uentriculo parū conuenire uidentur, ultima descriptione dempta. Tamē in præsentiarum cōpositiones ipsas ad uerbum examinemus. Primo recipiunt hieræ picræ Galeni 3. vij. Est illa de qua superius in uarijs locis apud Galen. descriptū est. SE. Nōne hæc Galeni hiera uentriculo cōuenit? BR A. Imò (ut Galenus in septimo Methodi medēdi lib. refert) præstātissimū est hoc medicamentū ad uitiosos succos, qui in tunicis uētriculi habētur. SE. Hoc Galeni medicamētum leue uidetur. BR. Galen. præcitato loco docet esse leue, mediocre, & forte secundū quantitātē quam accepimus: nempe mediocris modus est, si eo sicco ex aqua utamur duorū paruorū cochleariū mensura. est uerò maximus modus duorū magnorū cochleariū mēsurā, si tēperetur in tribus aquæ cyathis: minimus modus est unius parui cochlearij mensura. Itaq; hoc medicamētum fieri potest,

☞

& uehemens, & debile, & mediocre: nota q̃; Galenum
 dicētem ualere ad succos uitiosos. Sunt uerò succi uitiosi,
 humores prauī cuiuscunque generis. unde & si aloē bi-
 lem educat, tamen ē tunicis uentriculi omnes uitiosos hu-
 mores educit: fieri q̃; potest ex aloē elota & non elota,
 ut superius dictum est. Ego igitur quātum in me sit, sua-
 derem hanc Galeni compositionem pro stomachicis pilu-
 lis parari. aliā uerò, quā turbith recipiunt, dimittantur.
 S E. Hęc compositio æquē non educit, ut illā faciūt quā
 turbith receperunt. B R A. Imò egregiē educit absolutis-
 simus ille prædictus ex Galeno modus. S E. Tamen non
 æquē ut Mesue compositiones faciunt. B R A. Vltimā
 Mesue compositionem prætermitto, quā nō recipit nisi
 aloē, mastichen, & rosas: aliā omnes educunt humores,
 etiam si uitiosi non sint. Compositio autem Galeni solos
 uitiosos insequitur. Mesue igitur compositiones à capi-
 te contemblemur. Primo recipit hieram hanc Galeni
 simplicem nuncupatā, quā omnes succos uitiosos edu-
 cit: postea decem drachmas turbith, de qua radice in sim-
 plicium examine differuimus. uolunt authores tenuem
 pituitam expurgare, quamuis experiētia duce, & cras-
 sam simul expurget. Quod ut exquisitius faciat, à non-
 nullis gingibere commiscetur: tamen (ut ipsi Arabes tur-
 bith inuentores dicunt) subuersionem facit, & nauseam,
 quā in uentriculi affectibus euitanda sunt, nisi cum nobis
 institutum sit per uomitum euacuare. Recipit præterea
 tria myrobalanorum genera, id est citrinos, chebulos,
 & indos. S E N. Cur potius hęc genera intelligit, quā
 bellericos, & emblicos? B R A. Quoniā sunt perfectiora
 genera:

genera: imò Serapio (quē & alij secuti sunt) in uno capi-
te de his tribus uerba facit inscripto De Myrobalanis.
in alio deinde de his duobus, ac si non sint inter myroba-
lanorum genera computanda. Recipit etiam agaricum,
qui pituitam crassam educit, & bilem crassam, & uen-
triculum mirè perturbat, facta quacunque præparatione.
Experientia obseruauimus simplicem substantiam agari-
ci potui dare, lōgè minus obesse, quàm si gingibere, sal-
gema, spica, oxymelite, uel alia qualibet re misceatur.
Epithymum recipit, qui atrabilarios humores educit, &
scamonium, quod bilem purgat. Ex his intelligere po-
tes nos hac compositione solum uti posse, quando omnes
succī fuerint uitiosi, & non quando unus solus. SEN.
Nōne magis unum humorem educit, quàm alium? BR.
Omnino: nā turbit quod pituitā educit, in maiori copia
cōpositionem ingreditur, quàm alia, & etiā agaricus.
Sed à te peterē Senex prudētissime, quid in his pilulis fa-
ciāt penidia. SE. Penidia ex saccharo fiūt in aqua disso-
luto: propterea iudico apposita esse, ut cōpositio cōstet:
nam saccharum ita dissolutum seruat, ne adeò festinè cō-
positiones exiccentur. BRA. Conuenientius igitur fuis-
set dragagantum accipere, præsertim cum in scariola-
rum succo dissoluat. SE. Quid intelligit per scariolas?
BBA. De his in simplicium examine satis dictum est:
nam intubi species est, sed syluestris: à Græcis seri dici-
tur, nostri seriolum, Barbari corrumpentes scariolā uo-
cant: hicq; recentiores affirmant apponi scariolam, ut sit
minus calida compositio, ac si tam pauca succi quantitas
in tottāmq; rebus calidis aliquid possit. Dic iterum nu-
hi

Sal nigrum.

hi præstatiſſime Senex, quid intelligis per ſal indum? & quid pro eo accipis? S E. Sal nigrum accipio. B R A. Et quid hoc eſt nigrum ſal? S E. Noſtrum quod in uſu habemus ſal, quod nigrum eſt, id eſt minus album alijs. B R. Hic eſt maximus error: nam ad quem finem huic compoſitioni ſal addere? S E. Certè nescio. ego compoſitiones paro, ut mihi inſtituitur. quid ergo accipere oportet pro ſale indo? B R. Scito indum ſal eſſe antiquorum ſaccharum, quod intra cannas concreſcit, de quo & Auicēna tractat, ubi agit de linguæ aſperitate, 4. canone, Fen prima. & inquit habere colorem ſalis, & eſſe in dulcedine mellis, de quo in ſimplicium examine per plura. S E. Placet ne tibi hæc compoſitio? B R A. Non ſolum non placet, ſed & illam quoque ſuſpectam habeo: nam cū incido compoſitiones, quæ plura ſimplicia recipiunt ſub uno pondere, & alia deinde ſub alio pondere, poſtea alia ſub eodem pōdere, hæ compoſitiones mihi ſunt ſuſpectæ, ne omnia pondera præter rationem poſita ſint. Nunc ad ſecundam ſtomachicarum pilularum compoſitionem deſcendentes, dicimus à prima non multum differre, & ipſam æquè omnes humores educere, qui ſunt non tantum in uentriculo, ſed etiam in omni corporis parte: unde non ſunt huic ſoli membro ſtatutæ, imò (ut ipſe refert Meſue) caput & iecur expurgant: quin omnia membra expurgare certum eſt, ſi in maiori copia ſumantur. De tertia compoſitione idem iudicium eſt. Quarta compoſitio, quam dicit eſſe ſuam, & ipſa pituitam & bilē educit. Quinta conuenit quodammodo cum ſimplici hiera Galeni. S E. Dic igitur quas pilulas ſtomachicas ſeruare

re

re oportet? BRASAVOL. Ego pro stomachicis pilulis simplici Galeni hiera semper utar, & (ut contingit) secundum varias affectiones simplicia adderem & auferrem, uel potius compositiones illas sequerem, quæ à Galeno octauo de Compositione medicamentorum secundum locos scriptæ sunt, quas Andromachus & Asclepiades sequebantur. Nunc tu aliud pilularum genus è tua scheda depromas.

SENE X.

Masticinæ pilulæ accedunt. BR. Quis fuit harum Pilulæ masti-
pilularum author? SE. Petrus Aponensis, Con-
ciliator nuncupatus, in cap. De indigestione stomachi,
uidetur ipsarum inuentor. Est uero capite 19. Additio-
num in Mesuem, ne longè requiras, ubi dicit stomachum
ab omni lesione præseruare, & esse medicinam uitiosæ
matricis, & uiscerum interiorum. BRAS. Affer hanc
compositionem. SEN. En,

R. Masticis 3 iij.

Aloes electæ 3 x.

Agarici boni 3 iij.

Confice cum succo Altiliæ.

Notaq; in calce uigesimoprini capitis eiusdem authoris iterum repeti. his eisdem utitur Pedemontanus, ubi de medicinis corrupti appetitus agit. BR. Ex his quæ hanc compositionem ingrediuntur, id quod omnia excedit, est aloë. unde potius nūcupandæ essent pilulæ de aloë. SE. Cum aliæ extēt pilulæ, quæ suo proprio nomine de aloë nuncupantur, hæ merito denominationem sortientur à secundo simplici, quod ipsam compositionem copiosius ingre-

editur. id autem est mastix: propterea non ab re mastice dictæ sunt. Et hæ sunt quas in nostris officinis paramus. B R A. Nos potius loco harum, pilulis de simplici hiera uteremur, & si opus esset, adderemus agaricum. Tamen apud recentes medicos reperiuntur & aliæ pilulæ mastichinæ nuncupatæ. Non desuere medici, qui iusserunt nos parare mastichinas alias à Mesue in fine capitis de Caputpurgiis sodæ frigidæ positas. B R A S. Compositionem adducito. s E. Hæc est,

R ^x	Aloes	3	vij.
	Masticis	} añ.	3
	Rosarum		
	Turbith	3	x.

Confice pilulas. dosis earum est à 3. ij. usque ad iiij. Mesue uocat has pilulas de mastiche, quas stomacho & capiti conferre dicit. B R A. Pro me nunquam sumerem. Vidimus & seplasiarios, qui pilulas Nicolai de aloë & mastiche pro mastichinis parabāt. s E. Quæ nam est earum compositio? B R A. Hæc subscripta.

R ^x	Aloes	3.	i.
	Masticis	3.	s.
	Caryophyllorum	} añ.	3. i.
	Rosarum rub.		
	Croci	} añ.	3. ij.
	Diuridij		

Confice cum succo fœniculi, uel absinthij. s E. Compositio hæc uenterculum roborare debet? B R. Magis roborant illæ quæ de simplici hiera dicuntur, & pluribus affectibus cōducunt, ut apud Galenū intueri licet in octa

uo de Cōpositione medicamentorū secundum locos, & in septimo Methodi libro. Nos uerò si cōpositiones aliquas paratas seruari uoluerimus, quæ mastichen recipient, ex his unam parari iuberē, quæ ex Andromacho in præcitato de Cōpositione medicamentorū libro à Gale-
no referuntur, & eam in pilulas reducerem. sed conducibilis est secundum affectum compositionem parare, cum ea indiguerimus. Ad rem uerò redeunt, mastichinæ pilulæ, quas ex Aponense paras, solum conferunt uentriculo, cum in eo uitiosi sunt succi, & in capite, succi inquam biliosi & pituitosi.

S E N E X.

Assaiareth pilulæ mastichinas sequuntur. BRAS. *Pilulæ Assaiareth.*
Quis fuit harū pilularū inuentor? SE. Auicenna in prima Fen quarti libri, tractatu primo, capite decimono-
no, de his mentionem facit. BRA. Non uidi Auicennā de his pilulis aliquam mentionem fecisse: sed cōpositio est, quam Assaiareth uocat, quæ fortè potui datur, uel in aliā formā redigitur. SE. Equidē ab Auicenna nō dicitur pilulas fieri oportere, imò nec addit simplicium pōdus, quæ cōpositionē ingradientur. BRA. Quomodo igitur compositionem tuam paras? SE. Gentilem sequor Fulginatē Auicennæ interpretem, qui his simplicibus pondera statuit. Idem facit in suo Antidotario Mōtagnana. BRA. Quoniam modo conficiuntur? SEN. Isto.

℞ Hieræ picræ	℥	i.	
Masticis			
Myrobalanorum citrin.	}	ana	℥ iiij.
Aloes	℥	ij.	

F

Fiant pilulae cum syrupo de stoechade.

Hieram picram, aloë & mastiche ingrediuntur, hic solum myrobalani additi sunt. s e. Mastiche additur ut maior adsit copia ad uentriculum roborandū, aloëq; iterū commiscetur, ut uehementius educant: myrobalani uerò, ut prohibeantur uapores acuti calidi si in stomacho sint, ne in caput ascendant. B R A. Mihi uidetur hanc cōpositionem uētriculo potius, quā capiti cōuenire: nempe aliud nihil est, quā picra Galeni additis myrobalanis, & mastiche, ac aloë auctis. Syrupus uerò ille, quo conficiuntur & commiscuntur, & si capiti conueniat, uentriculo non obest, nec in tam magna copia ingreditur, ut nullū prodesse possit: imò pulueres solum cōglutinat. De Auicenna igitur miror, qui proprie pro imbecilli solutio capitis Assaiareth posuerit: quamuis si in copia detur possit etiā caput purgare. Nam ut Galen. docet in 8. de Cōpositione medicamentorū secundū locos, in expositione hieræ aloës, medicamentū est imbecille quod euacuat à uentre, & quandoq; à iecore, si in ampliori pondere exhibeatur. Tamen si aliquis ex stomacho caput doleat, hæc cōpositio huic conuenit: sed ideo conuenit quia stomacho confert, quod facile ex Galeno colligi potest, secundo de Compos. medic. secundum locos, ubi de his agit, qui ex stomacho caput dolent: quod fit cum uitiosi humores in uentris tunicis fuerint impacti, & ita impacti ut dilui non possint: scitoq; Galenum præcitato loco potius minuere aloës, quā augere. Propterea recentes malè faciunt, Auicennæ descriptionē in ordinē referre uolentes, & aloës quantitatem magis augentes, quā ipse fecerit, aut facere uoluerit:

uoluerit: imò & præcitato loco Galenus notat crocum
 minui oportere, pro his qui illum non patiuntur. Non est
 igitur compositio quæ simpliciter materias purget, quæ
 capitis affectiones faciunt, sed tales solum capitis affe-
 ctiones, quæ à stomacho dependent. S E. Vnde acceptum
 est hoc nomen Assaiareth? B R A. Ego à te peterem. est
 enim Mauritani nomen. S E N. Vnde originem habeat
 coniectari nescio. B R A. Et ego minus: imò & hoc no-
 men corruptū esse puto. Scito autē Galenū in principio
 secundi capitis secūdi libri de Cōpositione medicamen-
 torum secūdu locos, in capitis dolore hieram exhibere:
 sed addit exacutam, ac si dicat per aliud simplex redditā
 acutā & uehementē: ut inferre liceat hierā capiti ualere,
 si alia addatur. Et nunquā pro capite has pilulas deglu-
 tiēdas iubemus, quin agaricū addamus, aut alia quæ à capi-
 te educūt, uel nisi affectio capitis à uētriculo proueniat.

S E N E X.

Pilulæ de rhabarbaro accedūt. B R A. Quid aliud sunt Pilulæ de rha-
 hæ pilulæ, quàm rhabarbarum ipsum in puluerem barbaro.
 redactum, & in pilulas conformatum? S E. Imò est alia
 compositio, quam paratam seruamus. B R A. Quæ nam
 est? S E. Hæc.

℞ Rued sceni	3 iij.
Succi liquiritiæ	} añ. 3 I.
Absinthij	
Masticis	
Myrobalanorum citrinorum	3 iij. s.
Seminum fœniculi	} añ. 3 s.
Apij	

F 2

Trochiscorum dia rhodon 3 iij. s.

Specierum hieræ picræ Galeni 3. x.

Pilulæ de Ra-
ued sceni.

Confice cum aqua fœniculi, & da 3. ij. cum aqua casei
calida in sero. B R A. Raues sceni Rhabarbarū est. s E.

Equidem, & etiam raues simpliciter rhabarbarum est:
tantum differt raues sceni à rhabarbaro in solo & pa-
tria: quia hoc in Barbaria nascitur, quæ pars Africæ
est, illud in Sceni, quæ est alia pars. B R A. Ita arbitror:
tamen apud Mesuen alia cõpositio est de raues: & cum
raues sit rhabarbarum, erit alia cõpositio de rhabarba-
ro. s E. Videamus hanc cõpositionem. B R A. En Me-
sue liber, uerte folium, adhuc aliud, lege hanc cõposi-
tionem quæ in tergo est. s E. Ecce iam lego.

R	Raues sceni	3	vij.	
	Ammoniæ			
	Serapini			
	Bdellij			
	Lacæ	3	vij.	
	Opopanax	3	iiij.	
	Mezereon			
	Gummi			
	Turbith	3	x.	
	Spicæ			
	Polij			
	Aloes			
	Masticis	3	ij.	
	Myrobalanorum citrinorum	3	x.	

Gummi in uino dissolue, & fac pilulas. dentur ij. 3. cum
aqua casei. s E. Nos hac cõpositione non utimur. Sed
cum

cum à medicis pilulæ de rhabarbaro indicuntur, illas damus, & paratas seruamus, quas ex ipsomet Mesue superius retulimus. BRA. Hæ secundo loco adductæ sunt uehementiores & efficaciores, ualentq; ad obstructiones splenis atque iecoris, & ad hydropem. Tamen & illas quas superius adduxisti, ad idem ualere certum est, & ad febres diutinas ex diuersis humoribus genitas, glutinosis & putridis. SE. Ad easdem igitur affectiones adhiberi possunt? BRA. Ad easdem, sed secundæ uehementiores sunt, & efficaciores primis. Verum cõpositio hæc à me nunquã probabitur: sequaris igitur tuã illam cõpositionem, quæ apud Mesuem in ordine prima est. Reperitur & hæc eadẽ cõpositio apud Serapionem in suo Antidotario, sub hoc nomine, pilulæ de raued. in eo solum differunt, quod Mesue septẽ Raued drachmas recipit, Serapio octo: & ubi Mesue legit poliũ, Serapio habet polyodiũ. utrunq; tamen in hac cõpositione recipi potest. Mesue dat 3. ij. cum aqua casei, Serapio cum uino: tamen & cum uino & cũ aqua casei dari possunt. Videre autẽ nescimus cur magis de raued nuncupetur, quàm de turbi, quod cõpositionem æqualiter ingreditur, & quàm de serapino, uel bdellio, uel ammoniaco, & quàm de myrobalanis citrinis: tamen his authoribus ita denominare placuit, cũ aliæ pilulæ ex alijs simplicibus, quæ hanc cõpositionem ingrediuntur, suũ nomen sortitæ sint. Sed unũ hic notandum est, Serapionem his pilulis addere quatuor sextaria salis, quod nõ facit Mesue: & quãuis sal crassas materias dissoluere possit, tamen tãta quãtitas in hac cõpositione non cõuenit. SE. Sextariũ fortẽ apud Serapionẽ

Sextarium.

est parua mensura. B R A. Imò est nomen ponderis apud Arabes. S E N. Quomodo hoc probabis, si quis inficias iret? B R A. Facillimè, si pondera in quinti canonis fine apud Auic. adduxero, quæ etiam ex Serapione accepta sunt. S E. Proba igitur, ni laborè effugias. B R A. En Auicenna dicit: Mina Romana est 3. xx. & Mina est sextaria 40. Igitur si Mina est 3. xx. & sextaria 40. sextariū erit semiuncia. itaq; in hac cōpositione ingrederetur duæ uncia salis, quod absurdū est. imò quia Auicenna post hæc dicit sextariū esse 3. vi. essent tres uncia: propterea arbitramur Serapionis compositionem non esse probandā, sed illam Mesue potius esse recipiendā. Possem & hoc uarijs alijs modis ex horū authorum cōpositionibus probare: sed id faciemus in ponderū examine, in quo Græca Arabibus cōmiscēbimus, & exponemus. Nunc materiā hanc prætermittamus, ne ex medicamentorū cōpositionibus ad pondera & mēsuras transire uideamur. Vnū tamen animaduersione dignū est, quod hic à Mesue dicitur, dissoluendū esse in uino gūmi, quod in pilulis de rhabarbaro non dicitur: id uerò factū est, quia mastiche sola cōpositionē illam ingreditur. hæc uerò sit regula quæ non fallit: In omni cōpositione, in qua gūmi genera aliquot ingrediuntur, cōsiderare oportet, an gūmi in puluerē redigi possit, absq; alia uehementiore exiccatione, an non possit. Si in puluerē reduci possit, cōpositionem ingrediatur absq; alia dissolutione: si non possit, tunc dissoluendus est, uel in uino, uel in alio liquore. Cum igitur in pilulis de raueā recipiātur serapinū, bdellium, lacca, opopanax, & gūmi, quorum aliqua dissolui possunt,

sunt, aliqua non possunt, propterea hic dicit in uino dissoluenda esse. In cōpositione uerò de rhabarbaro, in qua sola mastiche recipitur, non dixit esse dissoluendā, quia mastiche facile in puluerē reducitur. Nec illud in hac cōpositione prætèrmittendū est, cum fuerit cōfecta, post aliquod tēpus & etiam breue, adeò durescit, ut in puluerem facile resoluatur: idq; faciūt omnes cōpositiones, quæ res glutinosas nō recipiūt. unde suaderem, ut non solū ex aqua fœniculi, sed etiā ex melle rosato cōformarentur, ut diutius seruari possent. nam uis simpliciu facillimè exhalat, ubi glutinosa res aliqua non adfuerit: & ideò harū pilularum uis diu perdurare nō potest: imò si ueterascūt, in uenenū transmutantur, & uehementia tormina faciunt: quod experta est magno suo incōmodo magnifica & generosa uirago Hippolyta Farusina Quaina, cōmater semper uenerāda, & probitatis ac integritatis specimen: hæc à pharmacopola quodam, à cuius nomine abstineo ne quem offendam, huius generis catapotia accepit: sed antiqua puto illa fuisse, quæ à principio cōfecit cum artem exercere cœpit: semis scrupulum tantum accepit, & adeò uehemētibus torminibus uexabatur, ut uires ferè deficerent, & plusquam sexcēties egeßit, ex hacq; occasione ægritudinem incidit laboriosam. uerū Deo duce pristinae sanitati restituta est. Ad rem uerò cœptam redeuntes, si alicui rei glutinosæ misceātur, diutius perdurare possunt. quamplures sanitati restituimus ex pituitosis febribus autumno, & hyeme, unam ex his pilulis pondere unius scrupuli alternis diebus uorandā iubentes. s e. Tibi ergo placet, ut pilulæ de rhabarbaro, quas ex Mesue

retulimus conficiantur. B R A. Illæ fieri debent. uerum exquisitæ de rhabarbaro pilulæ ex solo rhabarbaro confici debent: neque seruandæ sunt: sed tunc rhabarbarum ipsum in pilulas redigendum, cum eo indigemus.

S E N E X.

Pilulæ de tribus cum rhabarbaro.

Pilulæ communes.

C Vm his illæ uenient, quæ de tribus cum rhabarbaro uocantur. B R A. Cur hoc nomen sortitæ sunt? S E. Puto quia sunt pilulæ communes, quibus rhabarbarum addimus. B R A. Prius igitur cōmunes istas pilulas consideremus. S E. Has pro communibus conficio, quamuis notum mihi sit alias esse communes uocatas, quas alij pharmacopolæ conficiunt.

R̄	Aloes	3	iiij.
	Croci	}	añ. 3 ij.
	Myrrhæ		

Confice cum uino albo claro, odorifero. Tamen Pedemontanus iubet cōfici cum aceto: ego autem uino semper usus sum. B R A. Cur Pedemontanum non sequeris? S E. Quoniam longè maioris authoritatis est Rhasis, quam Pedemontanus. Ipse uerò in quarto ad Almanforem, de pestilenti morbo agens, & eius cautela, ex uino conficit. Alij habent suam compositionem hoc modo,

R̄	Aloes	}	añ. 3 ij.
	Croci		
	Myrrhæ		
		3	I. S.

Conficiantur cum uino albo. B R A. Differunt solùm in pondere. Auicēna lib. quarto Fen prima, tract. 4. capite quinto, medicamēta ad pestilentiam enumerās, inquit, fieri debere ex aloe, croco & myrrha: at simplicium pondus prætermit

prætermittit. id fecisse arbitror, quia æquale omnium pō-
 dus esse uoluerit. *SE.* Has à uobis dictas communes pi-
 lulas considerās, illæ esse uidentur quæ ab antiquis Ru-
 fo attributæ sunt. *BRA.* Omnes ita censent. *SE.* Tu er-
 go in his dubitas? *BRA.* Imò non dubito, cum nec Rufi
 sint, nec Rufus compositionem suam in catapotia confe-
 cerit: nam potui dabat in pestilenti morbo. *SEN.* Quæ
 igitur erat apud antiquos Rufi compositio? *BR.* Hæc,
 quam Paulus lib. secundo, cap. 36. describit.

℞ Aloes partes duas.

Pilulæ Rufi.

Ammoniæ thymiamatis partes duas.

Myrrhæ partem unam.

Hæc simul contusa ex uino fragranti colluito, deinde di-
 midium quotidie cyathum potui dato. *SE.* Crocum er-
 go non recipit? *BRA.* Non equidem Rufi compositio.
SE. Cōpositio igitur nostra cōueniens non est? *BR.* Non
 equidē, si pro Rufi cōpositione fiat: sed si alia sit cōposi-
 tio, quæ ita ab Arabibus nuncupetur, & à recentibus,
 scilicet pilulæ de tribus, eam ita conficere nihil refert: &
 cum illam conficis, si rhabarbarum addideris ad pon-
 dus aloes, pilulæ de tribus cum rhabarbaro dici poterūt.
 Veruntamen nec illæ Rufi erunt: nec illæ, quæ passim de
 tribus cum rhabarbaro nuncupantur. Extat in præsen-
 tiarum Rufi liber, in quo prædicto modo cōpositio inue-
 nitur, ut superius ex Paulo retulimus. *SEN.* At Mesue,
 ubi de præseruatione à pestilenti morbo agit, has pilu-
 las, ut superius dictū est, adducit: nullamq; de Rufo men-
 tionem facit. *BRA.* Aut sunt alia catapotia, quæ & ipsa
 conueniunt, & non sunt illa Rufi: aut errat Mesue, Rufi

propositissima adducere uolens. Nam & ipse Auicenna præcitato loco non dicit catapotia cōfici, sed sumi talem compositionem, quam ex propositismate dabat Rufus, & consentit Paulus. s E. Dicam igitur meas communes uocatas pilulas non esse Rufi pilulas? B R A. Equidem. s E. Tamen & in pestilenti morbo conueniunt. B R A. Hoc nihil impedit: uerum & illis Rufi, ut Paulus refert, nullus unquam sua potione frustra usus est, qui pestem non euaserit: sed in tuis communibus catapotijs minorem croci copiam poni laudo, atq; probo, ne caput lædatur. Dic uerò à quo authore catapotia illa de tribus cum rhabarbaro dicta accepisti? s E. A nullo authore, sed ita fieri à meo præceptore didici. B R. Hactenus rem mirā audiui, & quā medici nō cōsiderant. Mihi summè placet, te tuas illas de tribus cum rhabarbaro pilulas eo modo conficere ut retulisti, ex communi tua compositione, & rhabarbaro. At alij omnes pharmacopolæ cōpositionem aliam parāt, quam pilulæ de tribus cum rhabarbaro nuncuparunt. s E. Quæ nam est illa? B R A. Hæc subscripta.

R̄ Rhabarbari

Agarici

Aloes

} añ. partes æquales.

Misce, & ex aliquo liquore pilulas cōfice. s E. Quomodo sunt de tribus cum rhabarbaro? potius nuncupari deberēt de duabus scilicet rebus cum rhabarbaro: & cur potius non sunt de tribus cum agarico, uel de tribus cum aloë? B R A. Ad differentiam fortè illarum pilularum de tribus rebus, quas communes uocas, aut de tribus Rufi: non dicuntur uerò de tribus cum agarico ob rhabarbari nobili

nobilitatem. *SE.* Agaricus maioribus dotibus insigniri uidetur, quàm rhabarbarum, & est medicina familiæ. *BRA.* Tamen maiori pretio uēditur rhabarbarum, nec uentriculum offendit. At de hac re quicquid sit, ne magnificiamus. Pilulæ de tribus cum rhabarbaro apud omnes pharmacopolas hæ sunt quas nuper adduximus: tuæ uero communes cum rhabarbaro, sunt communes quæ rhabarbarū recipiunt. Hoc tantum expeterem in hac re & optarem, ut omnes medici has differentias agnoscerent, ne quandoq; pro suis ægris unam compositionem pro alia reciperent. Sumuntur hæ de tribus cum rhabarbaro, pro capite, thorace, uentriculo & iecore. Sed his omiſſis, ad alia tranſeamus.

S E N E X.

Occurrunt post has cōsiderandæ pilulæ illæ, quæ à materia ex qua cōficiuntur, pilulæ de aloe nuncupantur. *BRA.* Sunt ne compositæ, an simplices? *SE.* Simplicissimæ sunt ex pura aloe elota confectæ. Cur in hoc dubitas? *BRA.* Quoniam apud antiquos compositio extat pilularum de aloe, de quibus mentionem facit Paulus libro septimo, cap. quinto. & Galen. lib. primo de Compositione medicamentorum secundum locos, cap. primo: ubi Galenus quomodo conficiantur perfecte non exprimit. Ita uerò confici dicit Paulus.

Pilulæ de
Aloe.

Rx Interioris colocynthidis partem unam
Succi absinthij
Aloes
Scamonij partes duas.

} añ. partem unam

Cum aqua in pilulas redige, quæ ciceris quantitatem æquant,

quent, quarum pro dosi exhibendæ sunt undecim. Scito tamē apud Galenum alibi haberi ἀλόης μέγιστον β. id est aloes partes duas: propterea Pauli codicem mendosum esse arbitror, & eius loco legendum, ut habet Galenus, scilicet partes duas. uocantur q̄; hæc catapotia à Galeno & Paulo πρὸς ἀλόης. id est De aloë, & cōpositæ sunt, & non de simplici aloë. Tu uerò quomodo tuas de aloë congerere soles? S E. Aloë bis ter q̄; quater q̄; ex aqua endiuivæ lauo, postea in pilulas conformo. B R A. Habes ne paratas ex aloë non elotæ pilulas? S E. Cur hoc petis? quoniam non elotæ semper in promptu est. B R A. Quoniam Galenus in 2. & 8. de Compositione medicamentorum secundum locos, & in septimo Methodi medendi, aloë non lotæ longè efficaciorē esse lotæ edocuit: quāuis de hac re nonnūquā experiētiā fecerimus, & tāta aloës lotæ quantitas efficacius eduxit, quanta non lotæ: fortè fuit ex uiro- rum qui insumpserūt, diuersitate. sed nūc quæ cœpimus prosequētes, nōne sunt & qui aloë ex succo caulium lauent, & ex infusione rhabarbari? S E. Imò & qui succo lactuæ utūtur, alij succo plantaginis. B R. Nouimus & qui ex defruto & hepsenate lauabant. S E. Ut uariæ sunt hominū intēliones, & uarij effectus, ita uario liquore lauāt. uerū lotiones esse nō debent pauciores tribus. B R. Vna satis super q̄; est. sed nūc reliqua prosequamur.

S E N E X.

Pilulæ indæ.

Hic in nostra inordinata scheda pilulæ Indæ suam sedem habent. B R. Quibus constant, & à quo auctore accipiuntur? S E. Mesue illas refert, quas & ipse ab Hali accipit. ex his uerò quæ sequuntur, constant.

R̄

Myrobalanorum nigrorum	}	añ. 3. v.
Hellebori nigri		
Polypodij		
Epithymi	}	añ. 3. vi.
Stæchados		
Agarici	}	añ. 3. iiij.
Lapis lazuli loti		
Colocynthis		
Salis Indi		
Succi eupatorii	}	añ. 3. ij.
Spice		
Caryophyllorum		3. i.
Hieræ picræ		3. xij.

Fiant pilulæ cum succo apij. dosis est, à 3. ij. usque ad aur. duos: & sunt sanæ & expertæ. da cum aqua casei. hæc Mesue. B R A. Hæc quantitas longè maior est apud nos quàm cõueniat. satis enim est 3. i. exhibere, quæ etiã non mediocriter educit, cum sint efficacissimæ & uehemētissimæ pilulæ in ægritudinib. atrabilarijs: propterea mirè competunt quartanæ febrī, duritiæ, ac dolori splenis, cancro, lepræ, & (ut comprehensim dicamus) omnibus atrabilarijs morbis, idq; potissimum faciunt cum materia fuerit exusta. Dic autē colendissime Senex, Lapidem lazuli quonam modo lauas? s E. Lapidē hunc, qui à Latinis cyaneus nuncupatur, in tenuissimum puluerem redigo, postea accepto lapideo mortariolo, hunc puluerem inijcio, & aquam clarā ac limpidā superin=gero, mox pistillo in circulum ducto aquā & puluerem simul cõmisceo, hocq; facio uehementi agitatione, postea per

permitto ut resideat, quo facto hanc aquam abijcio, & aliam superingero, iterum uehementi agitatione commisceo, & idem facio, idq; tertio efficio, postea loco clarae aquae padanae accipio aquam rosaceam, & ter eodem ordine lauo, tuncq; perfecta est huius lapidis lotio. **BR.** Scito neque tres lotiones quandoq; neque quatuor esse satis, sed lotionem perfectam tunc esse deprehendes (quotquot praecesserint) quando neque color aliquis, neque sapor, neque odor in aqua remanet. haecq; tibi sit regula lauandi hunc lapidem, & alios similes, ut is est qui Armenus nuncupatur. Abs te uero discere cupio cur Indae pilulae nuncupatae sint. **SEN.** Nonnulli putant id nomen sortitas esse, quia earum usus potissimum est apud Indos: alij, quia sal Indum recipiunt, & putant sal Indum esse nigrum sal, sed non haberi, longe decepti (ut tu superius ostendisti) quia antiquorum saccharum supra canas concrescens, sal Indum est. **BR A.** Fortè hinc nomen duxere, quia humores nigros & atros ac melancholicos educunt, qui Indis similes uidentur. Quis hominum mentes scire potest, & primorum impositorum proposita? Notaq; confici has pilulas ex succo apiij, quia eupatorij succus non est satis: sunt enim solum duae drachmae. hic uero apiij succus apponitur, quia aperiendi uim habet: & cum simpliciter apium dicitur, hortense apium sumi debet. est uero hortense apium id quod à nostris petroselinum nunc uulgo dicitur. Omnia ferè quae hanc compositionem ingrediuntur uim habent educendi atram bilem. Hiera picra addita est ad roborandum, & bilem crassam è uentriculo educendam. Caryophylli ad roborandum. Colocynthis

cynthis ob pituitosos humores & crassos addita est. Et quia ab abditis membrorum partibus educit, sal Indum recipitur (cuius loco poni debet saccharum, uel etiā candum, quāuis à recentibus negetur) ut aptius pilulæ compaginentur. scitoq; omnia in puluerem redigēda esse & succis commiscenda, & pro hiera picra puluis ipse recipiendus est. Vsus sum his pilulis in flatu hypochondriaco, & mure contulerunt. Nota tamen quod impetu primo obesse uidentur, postea sequenti die prosunt: imò hic est ferè continuus mos in hoc flatu, omnia medicamenta cum applicantur, obesse, uel uideri obesse: postea cum à medicamentis abstinetur, iuuamenta sentiuntur. Denique pro his pilulis, & alijs quæ succos recipiunt, notandum est, succos optimè depurandos esse & excoquēdos, quod nisi fiat, pilulæ breui mucidæ fiunt, & corrumpuntur. Ad alia te conferas.

S E N E X.

EN illæ offeruntur, quas medici Arabicas uocant. Pilulæ Arabi-
cæ.
Et de hoc nomine anceps sum, an quia ab Arabibus inuenta, an quia in Arabia sit frequens earum usus, hoc nomen sortitæ sint. apud quem authorem inueniuntur?
SEN. Apud Gilbertum Anglum, ubi agit de arthritide, & apud Nicolaum in suo uocato Antidotario. ex his uero conficiuntur.

℞ Aloes	℥.	iiij.
Bryoniæ		
Myrobalanorum citrin.		
Bellericorum		
Indorum		

Che

Chebulorum

Emblicorum

Masticis

Diagridij

Assari

Rosarum

} añ. 3. i.

Confice cum succo fœniculi, uel absinthij.

Crocī

3. i.

Castorei

3. iij.

Dicitq; Nicolaus has pilulas per centum annos perdurare, & ualere. B R A. Longè decipitur: nam catopodia illa quæ glutinosa non recipiunt, breui tempore durare possunt, & quodammodo lapidescunt, uel in puluerem rediguntur: itaq; earum uis euanescit, & nisi succi sint bene depurati & excocti, marcescūt. propterea dicimus Nicolaum decipi, & simplicium uim ab his pilulis breui euanescere. s E. Idem Nicolaus has pilulas mirabiles facit, inquiens, omnes humores mirificè purgare, & lætitiā inducere, tristitiāq; auferre, mētem acuerē, amissum uisum reddere: imbecillē fortiores faciunt, auditum restaurant, memoriā inferunt, scotodiniæ conueniunt, uertigini hemicranicæ, oculos iuuāt, dentes, gingiuas, stomachum, splenem, sonitui aurium succurrunt: omnes humores in omnibus ætatibus, in omnibus temporibus sine molestia in uiris & mulieribus purgant. B R A. Si hæ pilulæ tot habent uires, igitur medicamentis alijs non indigemus, uel saltē paucissimis. sed eas singulatim per simplicia perpendamus, uideamusq; an in tota cōpositione tot adsint, quæ omnia hæc efficere possint. Aloe educit bilem,

lem, bryonia serofos humores, citrini myrobalani bilem, chebuli pituitam. Indi atram bilem educunt, & flavam præustam. Bellerici & emblici educunt pituitam, & roborant cerebrum, ac nervos. Diagridium bilem educit. Assarum, rosæ, mastiche, crocus, & castoreum membra roborant, & vim auferunt fortibus medicamentis. SE. Ergo ad omnia illa conueniunt, quæ à Nicolao referuntur. BRA. Certum est quod dicis, si unumquodque secundum suam operationem agat: sed puto nullum esse hominem, qui tot indigeat semel: tamen sunt talis generis catapotia, ut absque molestia educant.

SE N E X.

EN pilulæ Sine quibus offeruntur. BRA. Nicolaus Pilulæ Sine quibus. Ob earum efficaciam eas Sine quibus esse nolo, uocauit: nam tantæ sunt efficaciæ, quod nullus sine illis esse deberet. nunc uerò earum compositionem refero. SE. Hæc est quæ sequitur.

℞ Aloes hepaticæ ablutæ & odoriferæ 3. xiiij.

Myrobal. citrinorum

Bellericorum

Chebulorum

Indorum

Emblicorum

Rhabarbari

Masticis

Absinthij

Rosarum

Violarum

Senæ

añ. 3 i.

G

Agarici

Cuscutæ

Temperentur cum succo fœniculi. Scammonij bene triti
 & puluerizati 3. vi. & s. Ita uerò admisceantur, ut pul-
 uis scāmōnij per pannū cum ipso succo sit expressus, &
 sit tanta succi quātitas, quæ ad confectiōē pilularū satis
 sit. postea inunge manus oleo uiolaceo uel cōmuni ablu-
 to, & reformatur pilule in modum ciceris. B R A. Nos
 in ciceris modum non paramus, sed tres uel quinque pro
 singula drachma conficimus. purgant humores qui sunt
 in superioribus corporis partibus, & proprie conueniūt
 suffusionibus, obscuritatibus, & caliginibus oculorum:
 purgantq; mirè caput à pituita, bile, & atra bile, usumq;
 custodiunt ab omnibus prauis humoribus. quamuis me-
 dicus quidam noster Ferrariensis apprimè excretur has
 pilulas: nam, ut inquit, cū lippitudinem nonnunquam
 pateretur, his pilulis uoratis plurimū creuit. Sed non
 animaduertit ipse, non præcessisse totius corporis purga-
 tionem, non uenæ sectionem, neq; humoris præparatio-
 nem, morbusq; in augmento uniuersali erat. Addeq;, tan-
 tam copiam non insumpsisse quæ materias in capite exi-
 stentes ad infernas partes deducere potuisset, sed à capi-
 te solū ad oculos. His etiam conferunt, qui iliacum do-
 lorem patiuntur: & aurium dolorē sanare solent, si dra-
 chma insumatur non cum ouo, ut Nicolaus dicit, uel fari-
 nata, sed simpliciter deglutita. s E. Igitur omnes humo-
 res educunt? B R A. Educunt omnes prauos. s E. Si aliquis
 non indigeret nisi unius humoris euacuatione, quid tunc
 agendum esset? B R A s. Illa addere oportet uel augere,
 quæ

quæ hunc humorem euacuant . sed posteaquam huc interloquendum uenimus, non erit ab re, quibus additis id fiet, ostendere . Si bilem per hæc catapotia euacuare sit opus, aloen augere oportet, & citrinos myrobalanos ac rhabarbarum, præsertim si sit crassa bilis . si uerò pituita euacuatione indiguerit, agaricum augeamus & chebulos myrobalanos . si atra bilis sit purganda, senam auge, & indos myrobalanos . s E . Nónne perfectius esset his simplicibus uti absque compositione, quæ peccantes humores educunt? B R A . Hoc est hoc inquam, de quo conqueror, de quo continuo exclamo, ut medici simplicium cognitionem habeant, & componendi artem addiscant, & nunquam cõpositis utantur, sed statim simplicia miscere iubeant, cum illis indigent . s E . Hæ igitur pilulæ ex tua regula diu perdurare non possunt . B R A . In hoc dubitas tu, qui iam antiquatus es in arte? Omnino cito pereunt, quia nihil glutinosi recipiunt quod uim puluerũ seruet: nam omnia in puluerẽ redigenda sunt, & commiscenda succo: & cum succus per stamineum, ut uocant, uel panum purior redditur, simul exprimatur scãmoniũ . s E . Dubium est apud pharmacopolas, an scãmoniũ pilulas ingredi debeat in tenuissimũ puluerẽ, uel in crassum redactum . B R A . Cur in hoc ambigunt? s E . Quia scãmonium uenenosum est, & stomacho nociuum: si in puluerẽ redigatur, stomachi rugositates, & insensibiles meatus ingredi posset, & dein in his locis permanens graui symptomata inducere . B R A . Si quis scãmoniũ acciperet in puluerẽ redactũ, & alicui cõpositioni non mixtũ, sed uel ex uino, uel ex iure insumeret, hæc fortè symptomata

contingere possent. At cum in pilulas conformatur, multa habet simul cōmixta, & in tota compositione non est amplius puluis, sed crassius quoddam corpus, & cum à uentriculi calore eliquatur, in puluerem non reducitur: sed in substantiam quandam liquidam. s E. Tamen recentes pharmacopolaë in suis cōpositionibus nunquam scāmonium ponunt, sed loco eius præparato scāmonio utuntur, quod diagridium uocant: præparāt uerò in cotoneo pomo. B R A. Optarim ego ubi uel ab Arabibus in suis compositionibus, uel à Nicolao, uel à Græcis scāmoniū simpliciter dicitur, scāmonium non præparatū recipiendum esse: nam cum Arabes & Barbari de præparato loquuntur, semper diagridium dicunt, & Græci σκαμνίου τοῦ παρασκευασμένου ἐν πυλόνει. Scāmonium præparatum dicunt in cydonio, quo tamen in suis cōpositionibus rarò utuntur. s E. Putabam præparationem istā esse nouum inuentum. B R A. Quomodo nouum, si Galenus lib. primo de Alimentorum facultatibus in cotoneo pomo parare docet? unumq; mirū uidetur, quòd ipse præbet comedendum cotoneum. s E. A nobis tamen uenenosum putatur. B R A. Imò Galenus eodem loco dicere uidetur absq; stomachi subuersione educere. Adest & alter præparandi modus in sartagine ex oleo amygdalarum dulcium. s E. Necessarium ne est pro his pilulis conficiendis manus ex oleo, uel uiolaceo uel communi abluto inungere? B R A. Ad uim pilularum nihil facit, sed tantum conuenit ut facilius in perfectiorem rotunditatem redigantur. Nunc ad alia transeamus, quoniam ostendere ad quid singula ualeant simplicia, superfluum uidetur.

S E N

S E N E X.

Igitur ad pilulas de fumo terræ accedamus. BRA S. Pilulæ de Fumo terræ.
Quæ nam de fumo terræ? SE. Illæ, quæ ab Auicenna
 lib. 4. Fen. 7. in curatione scabiei atq; pruritus, in hunc
 modum describuntur.

℞ Myrobalanorum citrinorum	} añ. 3 v.
Chebulorum	
Nigrorum	
Aloes	3 vij.
Scammomij	3 v.

Confice absq; cessatione cum aqua fumi terræ, & fiant
 pilulæ. BRA. Neq; istæ diu perdurare possunt, quo-
 niam nihil recipiunt glutinosi. scito tamen facta miscella
 ex pulueribus & succo relinquenda esse, ut exiccentur
 in umbra. postea iterum in puluerē redigantur, & exic-
 cētur in umbra, idq; ter fiat: nam hoc modo diutius per-
 durare possunt. Sunt pilulæ imbecilles: dari nō possunt
 in minori copia, quàm quatuor scrupuli. Educunt humo-
 res biliosos, mordicantes, acutos, pituitam salsam, & o-
 mnes adustos qui pruritus faciunt & scabiem: tamen
 non est tanta perfectio in his pilulis quin aliæ sint poten-
 tiores etiam in hac intentione, quas ingrediuntur sena,
 epithymum, polypodium, helleborus niger, præter illa
 quæ superius in pilulis de fumo terræ ingrediuntur.

S E N E X.

Cum de his satis dictū putes, ad pilulas de Agarico Pilulæ de Aga-
rico.
 descendamus. BRA. Sunt ne ex puro agarico? SE.
 Non, quoniam opus est ex his saltem temperentur quæ
 agaricum corrigunt. BRA. Antiqui nulla correctione

utebantur, sed agaricū simpliciter, uel propinandū, uel deglutiendū exhibebant: & nos in præsentiariū simpliciter agaricū præbemus, & mirè proficit: tamē cōpositiōnem illam tuam de agarico ediscere libet. S E N. Hæc est.

R̄ Agarici	}	añ.	3	iij.
Masticis				
Radicis lilij cœlestis	}	añ.	3	I.
Præssij				
Turbith			3	v.
Hieræ picræ			3	iiij.
Colocynthidis	}	añ.	3	ij.
Sarcocollæ				
Croci			3	I.

Confice cum robur. nos tamen id seruamus, ut agarici loco semper agaricum trochiscatum ponamus, quia agaricum ita confectū habet suam malitiā emendatam. B R A. Non adest tanta malitia in agarico quātam tu putas. Verūm has pilulas considerans, non uidentur esse de agarico nuncupandæ, sed potius de turbith, cum in maiori copia hanc compositionem ingrediatur quā alia: tamen si uel tibi, uel alij ita nuncupari placeat, digladiari nolim. Dic uerò quis sit harum pilularum author? S E N. Auicenna lib. 3. Fen decima, tractatu primo, cap. 40. & Mesue in cap. de asthmate. B R A S. Auicenna uidetur quodammodo à tua compositione uariius, nam hoc modo describit.

R̄ Agarici partes tres	}	añ.	partem unam.
Radicis lilij			
Præssij			
			Turbith

Turbith	partes quinque
Hieræ picræ	partes quatuor
Pulpæ colocynthidis	} añ. 3 I.
Sarcocollæ	

Conficiatur cum robub. Vnum est, quo hanc descriptionem uanam esse ostendere possum. s E. Quodnam? B R A. Omnium simplicium pondera indistincte ponit per partes, colocynthida uerò & sarcocollam determinat, quia drachmam unam ponit: possent autem illæ partes tres uel quatuor esse maiores, uel minores, colocynthis uerò & sarcocolla semper habebūt idem pondus, quod absurdum uidetur. s E. In his Auicennæ solum deest mastix: & colocynthis atq; sarcocolla in tua descriptione sunt 3. ij. in hac autem Auicennæ sunt drachma una. Illa præterea compositio quæ à Mesue scripta est, cum his non cōuenit nisi in aliquibus. est uerò in illa parte, in qua loquitur De asthmate. & hæc est eius compositio pilularum de agarico, quarum ipse, ut dicit, inuentor fuit, quæ pectus & pulmonem mundificant, & asthmatici ac tuſsi antiquæ conueniunt. Ita uerò dicit.

Rx Agarici	3 VI.
Ireos	} añ. 3 I.
Præſij	
Turbith	} ana 3 viij.
Hieræ picræ	
Colocynthidis	} ana 3 iiij.
Sarcocollæ	
Myrrhæ	3 ij.

Confice cum rob. & dosis earū sit drachmæ duæ: tamen

drachma una satis est, uel saltem quatuor scrupuli. **SEN.**
 Video magnam esse in pondere differentiam. **BRA.** Imò
 & hic additur myrrha, quæ in illis nō est quæ sunt apud
 Auicennam. **SE.** Et in nostris adest mastix. In uno au-
 tem dubitamus, quia Auicenna accipit lilij radices, Me-
 sue uerò radices ireos: nos uerò in nostra compositione
 habemus, radicis lilij cœlestis, et accipimus radices ireos.
BRA. Scito uulgare lilium, & irim pectori conferre &
 asthmati: tamen quia in his piluliseductio expetitur, &
 lilium non educit, iris uerò educit: propterea laudo ut
 iridis radices hanc compositionem ingrediantur, & ubi
 lilium dicit, irim intelligas: sed tuam descriptionē (ut ui-
 deo) à Mesue accepisti ubi de pilulis agit. **SE.** Accepi.
BRA. Cur non dicebas? **SE.** Te hoc scire supponebam.
BRA. Non est opus supponere, sed mens sua aperienda
 est, ut decernere possimus an alij pharmacopolæ eandem
 compositionem sequantur, & re uera omnes istam para-
 tam seruant, quæ materias crassas à capite mirè trahit,
 & à pectore. uerum & Serapio unam quandam descri-
 ptionem habet pilularum de agarico, quæ ab his non lon-
 gè differt. **SEN.** Quæ nam est? **BRA.** Illa, quam uocat
 pilulæ quæ abstergunt pectus, ita confectæ

Pilulæ pectus
abstergentes.

Rx	Agarici	} añ.	3	ij.
	Turbith			
	Myrrhæ			
	Radicis lilij cœlestis	} añ.	3	i.
	Praßij			
	Hieræ	3	iiij.	
	Colocynthidis	7		

Sarco

Sarcocollæ

} añ. 3. ij.

Teratur & cribellentur, & cōficiantur cum rob uel iuleb. s e. Mihi eadem esse ferè uidentur, in solo pondere differunt. Sed ubi sunt apud hunc authorem? B R A S. In suo Antidotario: tamen non uocat illas pilulas de agarico, sed pilulas abstergentes pectus: imò post hanc compositionem quandam habet, quam pilulas de agarico nuncupat, quæ ab hac prædicta multum differt. s e. Ne quicquam prætermittamus, refer pilulas istas Serapionis de Agarico nuncupatas. B R A. Libenter id faciam. in primis uerò te scire uelim, ad obstructions aperiendas à Serapione dari ex camelarum lacte, & hydropē soluere, ac iecori ualde conferre.

R̄ Epithymi

Aloes

} añ. 3. vi.

Agarici

3. iiij.

Scammonij

Petroselini

Anisi

Seseleos

Seminis apij

Dauci

} añ. 3. ij.

Non exprimit deinde Serapio ex quo liquore conficiendæ sint. s e. Nihil habent cum nostris de Agarico pilulis. B R A. Saltem parum habent. nunc ad illas quæ in communi usu sunt, redeamus, quæ ratione simplicium ingredientium, omnes humores educere aptæ sunt, potissimum uerò biliosos & pituitosos. omnia in puluerem redigenda sunt, deinde in mortariolo sæpe miscenda, &

G 5

adeò commiscenda, ut corpus unum fiat neque molle neq;
durum. Ratione sapæ quæ nonnihil habet glutinosi, diu-
tius perdurare possunt, quàm illæ quæ uel ex uino, uel
aqua, uel succo aliquo conformantur.

S E N E X.

Pilulæ aureæ.

Hic Aureæ pilulæ sedem suam nocte sunt. **BRA.** In
omni pilularum genere nullæ sunt quæ tormina mi-
nus inducant, & naturam minus laceffant istis: quamuis
sint in educendo uehementes, imò alijs multis uehemen-
tiores. Earum uero compositio in medium asseratur. **SE.**
Hæc est quæ sequitur, ex Nicolao accepta.

Rx	Aloes	} añ. 3. v.
	Diagridij	
	Rosarum	} añ. 3. ij. s.
	Seminis apij	
	Anisorum	} añ. 3. i. s.
	Seminis foeniculi	
	Croci	} añ. 3. i.
	Interioris colocynthidis	
	Mastiches	

Informentur in modum ciceris cum aqua infusionis dra-
gaganti: dentur in sero nouē uel undecim, cum mulsæ aut
cum uino. Nos autem hoc pondus non sequimur, sed dra-
chmam unam damus, uel scrupulos duos, & tres pilulas
conficimus, uel quinque, uel unam, uel duas, ut sumenti-
bus placet: nō enim de numero pari uel impari curamus,
modò res ipsa ex integro pondere sumatur. **BRAS.** Et
quæ cura adhibēda est numero, cum nec lupo numerum
curet? tamen quanto pauciores sunt, tanto diutius commo-
rantur

rantur in uentriculo, quia plures ex una drachma facilius
liquefcunt, quam una sola. sunt ad unguem moderata ca-
tapotia, quibus lubentiffimè utor, cum à capite materias
craffas, & etiam tenues, biliofas atque pituitofas educe-
re uolo: omnibus conueniunt fenfibus, & potiffimum ui-
fui: iecori conferunt ac uentriculo, & flatus mure expel-
lunt. nulla eft apud recentes (ex magnis) tutior compofi-
tio ifta: nam & fi diagridium recipiat & interiorem co-
locynthis partem, ab alijs tamen sex rebus moderatur,
& aloe ipfa uentriculo conducit, & uim fortium medi-
camentorum reprimit. Venetijs nonnulli has pilulas fer-
uant Nicolai more factas, nec totius compositionis glo-
bum conficiunt: quod fortè malum non eft, quia draga-
gantum etiam in tam parua maffa totius compositionis
um feruare potefl. s E. Quid intelligis per interiorem
colocynthis partem? B R A. Miror cur in hoc dubites.
s E. Non eft mirandum, quoniam nonnulli & femina &
interiorem pulpam intelligunt. B R A. Sola pulpa & ca-
ro huius fylueftris cucurbitæ accipienda eft, quamuis &
femina ipfa educant. apud antiquos enim cum de interio-
ri colocynthis parte fermo fit, pulpam femper intelli-
gunt: imò & ipfe Mefue in trochifcis alandaal, colocyn-
thim feminibus purgandam efle iubet. s E. Et ego eram
huius fententiæ, neque unquam in tali compositione rece-
pi femina. B R A. Rectè fecifti. s E N. Hoc etiam fententio
prætereundum non eft, nonnullos pharmacopolas pro
aureis nuncupatis pilulis, eas quas de turbith uocat Me-
fue, paratas habere, & quas recentes turbitatas nuncu-
pant, & aureæ Mefuæ dicuntur. B R A S. Errant mure:
uerum

uerum ne compositionem istam prætereamus, eam reser-
ras. S E N. Hæc est.

Rz	Turbith boni	3. xvi.
	Aloes	3. i. s.
	Masticis	} añ. 3. vij.
	Rosarum	
	Myrobalanorum citrinorum	3. x.
	Croci	3. iij.

Confice cum succo absinthij. B R A. Et hæ quoque pi-
lulæ uehementes sunt & minus correctæ ueris Nicolai
Aureis: nam tormina inducunt, quæ ob turbith solū con-
tingere putamus, cum reliqua simplicia potentiā habeāt
reprimendi uim fortium medicamentorum. S E. Ad Au-
reas Nicolai redeunt, in ipsis unum addo, quod & à
multis additur pharmacopolis, quāuis à Nicolao dictum
non sit. B R A. Quid hoc est? S E. Addo duplum scāmo-
nij. B R A. Cur id facis? S E. Vt uehementius educant,
alioqui sunt imbecillioris potentiæ. B R. Hoc absurdum
uidetur, & à nemine sani capitis faciendum: nam potius
augendum est pondus totius compositionis: & si non es
contentus integra drachma, scrupulos quatuor exhibe,
aut quinque si opus est: puto etiam omnes pharmacopo-
las non augere scāmonium, ut tu facis. S E. Maior pars
auget. B R A. Hæc est causa, cur quandoq; uehementer
educant, quandoque ineptius, ut à diuersis pharmacopo-
lis accipiuntur. Suaderem uerò, omnes pharmacopolas
Nicolai cōpositionem præcisè parare, & nihil augere:
nam drachma ex illis egregiè educit. Notaq; has pilulas
diu perdurare, & eandem uirtutem seruare, quia ex de-
coctione

coctione uel infusione dragaganti cōficiūtur, quæ glutinosa est, & apta uim simplicium eas ingredientium diu seruare. Ita uerò fieri debent: omnia in puluerem redigantur, & optime commisceantur, & in unum globum coaceruentur. **SE.** Tamen ratione dragaganti durissimæ efficiuntur, & ferè lapideæ. **BRAS.** Id uerum est: sed cum statim humiditatem sentiunt, liquecunt: Idemq; in uētriculo faciunt, & ob dragaganti lentorem, simplicium uis seruatur: quod aquæ facere non possunt, uel succi. Tamen à pharmacopolis in præsentiarum maior pars pilularum ex melle rosato conficitur, quod ut in omnibus non probo, ita nō improbo. Hæc cōpositio ratione aloes bilem educit, & pituitam: ratione diagridij bilē, & hoc facit à remotis partibus, unde & à capite educunt, atq; iuncturis. **SE.** Ab alijs igitur membris, quàm à capite educere possunt? **BRAS.** Quis ambigit? uentriculum purgant, & bilē ab omni corporis parte tam superna quàm inferna educunt. Renes, & iecur expurgant, ac obstruētos aperiunt: & si qui frigidi humores in uentriculo scotodiniam fecerint, eos educunt, & hominem à tali affectione liberant: coctionem adiuuant, frigidos humores expellentes, qui illam impediēbant, & uentriculum unà calefaciunt. Colocynthis pituitam educit, & glutinosos humores, quos à remotis partibus trahit. Rosæ etiam humores aquosos educunt, & reprimūt uim fortium medicamentorum. Anisum, fœniculi, crocus, mastiche corporis membra roborant, uimq; demunt fortioribus medicamentis: & anisum ac fœniculi flatu exoluant atq; expellunt. Nihil in ipsis adest, quod propriè

atram

atram bilem reprimat uel educat. *SE.* Cur dicunt has pilulas potius à capite educere, quàm ab alijs partibus? *BRA.* Imò & ab alijs partibus educunt, ratione colocythidis & diagridy: tamen facilius est à capite educere, quàm ab alijs partibus à iecore & uentriculo remotioribus, & hoc est ob situm: nam materiae facilius descendunt, & medicamentorum uapores facilius ascēdunt. *SE.* Cur hæ potius uesp̄ri dantur cum mulsa, aut cum uino? *BRA.* Supponit hic auctor, quod propriè purgent caput: illa uerò medicamenta quæ caput purgant, solent post cœnam à recentibus exhiberi, ut medicamētōrū uis à uaporibus ciborum in caput deferatur: nihil uerò est quod magis petat caput, uino. uel rara sunt: propterea cum uino exhibet, uel cum mulsa, quia & ipsa aliquo modo uaporosa est. tamē & illa quæ pro capite dantur, ieiuno atq; uacuo stomacho dari possunt: nobis enim magis placet, ut summo mane accipiātur, & is qui accipit, unius horæ spatio dormiat, adeò ut in actum redigantur. Nos his pilulis utinur pro medicamento quandoque in materia turgida, & mirè conferunt: nihilq; refert, uel ex uino accipiantur, uel ex mulsa, uel simpliciter transglutiantur. hoc autem tertio modo diutius in uentriculo morantur, quàm si liquidæ rei mixtæ sint, cum ex liquore facilius & breuius à uentriculo auferantur. In summa uerò hæc catapota sunt ualde utilia & excellentia, quibus si nōnihil addatur quod uim habeat educendi atram bilem, ad omnes humores, & ad omnia corporis membra crunt & aptissima & facillima.

SEN

S E N E X.

Pilulæ Cochiae huc ueniunt considerandæ. B R A. In Pilulæ cochiae-
his pilulis obseruauit longè diuersos esse pharmaco-
polas. S E. Propter quid diuersos? & in quare? B R A.
Et in pondere, & in ipsis simplicibus. S E. Ego semper
compositionem illam parauit, quæ apud Rhasim est in 7.
ad Almanforem, ubi de hemicranea agit, atque cephalæa.
B R A. Quæ nam est hæc cōpositio? S E N. Nūc referam.

R̄	Pulueris picræ	3. x.
	Colocynthidis	3. iij. & tertiam.
	Scammonij	3. ij. s.
	Turbiū	} añ. 3. v.
	Stœchados	

Misce, & fiant pilulæ ex his, & sint doses decem. B R.
Ex his non habetur ex quo liquore, uel ex quo eclegma-
te conficiantur. S E. Quia hoc non magnificat. B R A. Id
etiam ualde obscurū mihi uidetur, & sunt doses decem.
S E. Hoc ita intelligo, conficienda esse catapotia in modū
ciceris, & dosim esse decem. B R A. Puto decem in pon-
dere esse drachmam unam, uel etiam excedere: de his ue-
rò catapotijs, nunquam excedere drachmā. Tamen scito,
& horum catapotiorum genus esse ualde incorrectum,
& tormina in toto inferiori uētre progignere: propter-
ea eo rarò uel nunquam utor: sed omnes Ferrariæ hanc
compositionem non sequuntur, nam multi Nicolai com-
positionem conficiunt. S E. Nos semper hanc paratam
seruauimus. illa uerò Nicolai quæ nam est? B R A. Hæc,
quam dicit esse Galeni compositionem, & probatam ad
hemicraneam, dolorem stomachi, & ilij.

R̄

℞ Aloes
Absinthij
Pulpæ colocynthidis
Scammonij
Masticis dimidium unius prædictorum.

} æquale pōdus.

Confice cum succo fœniculi, uel absinthij, uel solatri, & fac pilulas . dentur secundum quantitatem uirtutis. Hoc mirū uidetur dicere, fœniculi, absinthij, uel solatri: nam hoc est ac si dictum sit cōficere cum calida re, uel cum frigida: sed simpliciter uel frigidam accipere debuisset, ut calida simplicia quodammodo temperaret: uel sola calida numerare debuisset, ut uenterculus ex ipsis roboraretur. Hæc est illa cochiarum compositio, quam multi parant ex Nicolao: quamuis alij Nicolaum referant, tamen diuersam compositionem in pōdere sequuntur. s e. Quam?

B R A. Hanc quæ sequitur.

℞ Aloes
Scāmonij præparati
Absinthij
Masticis
Colocynthidis ʒ. s.

} añ. 3. ij.

Conficiantur cum succo absinthij. s e. Videntur etiam differre in simplicibus, & non in solo pondere. nempe hieram non accipiunt, neque turbit. B R A. Mesue ipse in eo capite in quo agit De soda frigida, descriptionem quandam habere uidetur pilularum, quas ipse cochias uocari dicit à Mahumeth filio Zachariæ: sed à Mesue eodem loco unum dicitur, quod non parum absurdum uidetur, scilicet ipsas esse in uirtute hieræ, & hieræ nobilitatem

litem habere. Verum illis consideratis, neque uirtutem hieræ, neque nobilitatem habent: intelligo semper cum simpliciter ab his authoribus hiera dicitur, illam simplicem uulgatam Galeni hieram. equidem dici posset habere uirtutem hieræ, id est sacri medicamenti ad euacuandas materias quæ in capite sunt: constat uero esse uehementissimas pilulas, & parum correctas, quæ tormina pariunt. SE. In quo differt hæc compositio ab illa Rhasis, quam nos paratam seruamus? BRA. In pondere, ut percipio. etenim hæc est Mesue compositio.

℞ Pulueris hieræ 3 xx.
Interioris colocynthidis 3 vi. s.

In alio codice habetur,

Trochiscorum alandaal 3 viij.

Scammonij cocti in cydonio 3 v.

Stœchados

Turbith

} añ. 3 x.

Fiant pilulæ, quarum dosis sit à 3. ij. usque ad 3. ij. s. SEN. Hæc dosis est nimis ampla. BRA. Imò & quæ præter tormina, alui profluuiū inducere posset. drachma sola satis est. hæ pilulæ sunt nimis uehementes, & non correctæ: nā sola hiera & stœchas tanta nō sunt, ut colocynthidis, scammonij & turbith uim confringere possint. nec refert quod trochisci alādaal colocynthidis loco accipiātur, & scammoniū in cydonio decoctū sit: quoniā adhuc uis quædam uenenosa in ipsis seruatur, & nihil adest quod turbith medicamentosam uim reprimat. In illis idem intelligo, quas ex 9. Rhasis ad Almansorē adduxisti: nā & illæ tormina faciūt, atque peruersionē. Non deest apud

H

eundem Mesuen alia cōpositio, cū agit de soda frigida ex aggregatione cholerae & phlegmatis, quam Galeno attribuit: & eadē est cum illa Nicolai, in mastiches pōdere solum differens, quia Nicolaus ponit dimidium, Mesue æquale pondus. Ita enim dicit Mesue: Galeni cōfectio pilularum cochiarum conferentium sodæ permixtæ, & mundificantium stomachū, & caput, & instrumenta uisus.

℞ Aloës

Scammonij cocti in cydonio

Interioris colocynthidis

Masticis

Absinthij

} ana partes
æquales.

Confice cum expressione solatri, uel endiuie. dosis earum est à 3. i. usque ad 3. i. s. s. e. n. Cum apud te correctæ non sint, possunt ne corrigi? B. R. A. Et quis ambigit? S. E. Quomodo? B. R. A. Gummi genera addentes, gingiber, rosas, & illa quæ reprimunt uim fortium medicamentorum. S. E. Nisi graue tibi sit, hanc compositionem, ut tibi uidetur moderatam in ordinē dispone. B. R. A. Hunc laborem non recuso. Cum uerò maior pharmacopolarum pars Rhasis cochias paratas seruent, illas in ordinem disponemus, atque emendabimus. Illas igitur in hunc modum conficiendas uoluerim.

℞ Pulueris hieræ picræ 3 x.

Colocynthidis 3 iij. s.

Scammonij 3 ij. s.

Turbith 3 s.

Bdellij

Stæchados

}

Masti

CATAPOTIORVM.

115

Mastiches
Dauci
Galangæ
Seminis fœniculi
Gingiberis
Gummi arabici

ana 3 i.

Misce, & ex melle rosato conformetur globus, ex quo deinde conficiantur pilulæ, quarum dosis est à 3. i. usq; ad 3. iiij. s e. Putas ne à capite educere, si ita confectæ sint? B R A. Quidni? nam à longinquiore corporis partibus trahunt colocynthis, scammonium, & turbith. s e n. Vbi reperiuntur compositiones istæ & Nicolai & Mesue apud Galenum? B R A. Adde & Serapionem pilulas quasdam cochias referre ex Galeno. s e. Quales nam? B R A. Illas Mesue, ut uideo. nam dicit: pilulæ Galeni, quæ nominantur cochia.

R2 Colocynthidis

Mastiches

Aloës

Absinthij, uel eius succi

Scammonij

ana partes
æquales.

Confice cum aqua solatri. dosis est 3. i. s e. Necessariū igitur est, ut ex aliquo Galeni lib. acceptæ sint. B R A s. Nunquam apud Galen. de his pilulis factam mentionem inuenire potuimus. fortè hi authores librum aliquem Galeno adscriptum habuere, è quo hæc compositio accepta est: sicuti in præsentiarum libellus quidam circumfertur inscriptus Galeni receptarium, cum tamen Galeni non sit: imò quamplures uanissimas compositiones continet.

H 2

s E. Vnde nomen sortitæ sunt hæ cochia pilulæ? B R A. Recentiores inquit à coccos dici, quod Græcè significat caput, quoniã caput mirificè expurgant: sed unde hoc acceperint, ignoramus. nam coccos apud Græcos, & coccum significat, & granũ. Ita fortè dictæ sunt, quia in granorum ciceris modum cõformari debent. uel per excellentiam dicuntur coccia, quasi pilulæ, quia Græci uocant pilulas κατὰ πότις & κέννη. tunc uerò per duplex cõscribendæ sunt, & absq; aspiratione. Scito autem hanc compositionem hieram picram recipere, quæ pituitã & bilem educit, sed à propinquis partibus: colocynthidem uerò recipit, quæ & pituitam & crassos humores, ac glutinosos à remotis partibus conuehit, & scāmonium bilem flauã. Turbith uerò à remotis partibus crassos etiã humores ducit, atq; pituitosos: stœchas tantũmodo additur ex his quæ uim habet fortioribus medicamētis frenare imponere: tamen & atrã bilem, ac pituitã cõmouere atque educere creditur. Nos rarissimè his catapotijs utimur: & deinceps nunquã utar, nisi præscripto modo paratas seruaueris. s E. Audiui nōnullos, qui palàm profitebantur, hanc Rhasis cõpositionem à Galeni fonte emanasse. B R A. Longè decipiuntur, cū quia apud Galenũ nusquam reperiatur, tum quia Galenus nō nouit turbith, saltem solo hoc ipso nomine. De his uerò satis dicta sint.

S E N E X.

Pilulæ Aggregatiuæ.

Aggregatiuæ pilulæ amplius differri non possunt, sed huc cito pede currunt. B R A. Cū plures sint aggregatiuarũ pilularum cõpositiones, id primò abs te petere decreuimus, ut illam dicas quam sequeris, & paratam

ratam seruas. SEN. Tres sunt apud Mesuem sub hoc nomine aggregatiuum compositiones, quarum una dicitur pilula aggregatiua ex inuentione nostra. hanc seruo paratam. Maiores uero & minores nuncupatae aggregatiue in usu non sunt. BRA. Imò non pauci pharmacopola & Ferraria, & Venetijs, & Romæ, & Neapoli maioribus aggregatiuis utuntur, & paratas seruât. SE. Tu uero quas ceteris præfers? BRA. Maiores non despicio: sed ipsis illas præfero, quæ ex inuentione Mesue dicuntur, & quas tu parare consueuisti: nam humores omnes prauos educunt, & antiquis febribus conferunt, & his quæ ex diuersis humoribus progignuntur, omnibus capitis ægitudinibus, uentriculi, iecoris, & in summa omnium membrorum conducunt, ut hinc merito aggregatiuarum nomen sortitæ sint: tum quia uniuscuiusque generis prauos humores educunt, tum quia ab omnibus membris, tum quia omni ægitudini conferunt. plerunque ad nos rustici accedunt pro suis ægris medicamēta purgantia expetentes: tamen adeò ignari sunt, ut nec morbum, nec symptoma unum referre sciant, ut opus sit medicum uaticinari. In hoc casu plerunque indico ut has pilulas accipiant: nempe omni ægitudini conueniunt, ab omni membro educunt, & cuiusuis generis prauos humores. Tu uero earum compositionem in ordinem referas. SEN. Id lubenter efficiam.

℞ Myrobalanorū citrinorū	} ana 3 iiij.
Raued sceni	
Succi eupatorii	} ana 3 ij.
Succi absinthij	

H 3

EXAMEN

Scammonij costi in cydonio 3 v.

Chebulorum

Indorum

Agarici

Colocynthidis

Polypodij

Turbiti

Aloes

Mastiches

Rosarum

Salis gemmæ

Epithymi

Anisorum

Gingiberis

} ana 3 ij.

} ana 3 vi.

} ana 3 i.

Electuarij rosarum quantum sufficit ad aggregationem. Fiât pilulæ crassæ. dosis est 3. i. uel 3. i. s. B R A. Hæc catapotia multis nobilitate præferuntur, & optimè emendatæ sunt: nam absq; difficultate educunt, & absq; torminibus. si ea considerare tentes, simplicia recipiunt, quæ omne genus humoris educere possunt, & ab omni corporis parte, tam longinqua, quàm proxima: nullumq; recipit simplex catharticū, cui illa quæ suam uim corrigūt, non addantur. Nota uerò succos illos, qui cōpositionem ingrediuntur, esse integrè excoquendos, & depurandos: alioqui cōpositionem citò mucidam redderēt, imò ocysimè nisi esset electuariū rosatum. s e. Si hyeme compositionem istam parare uoluerim, de succis quomodo efficiam? B R A. Absinthij succus & in profunda hyeme haberi potest. si autem succum illum integræ absinthij ætatis ha

tis habere studeas, qui in mense Maij exprimi potest, eo tempore absinthium tere, & in torculari exprime per linteū: itaq; expressum serua, aliter non depurādo. Seruandi uero modus est, succum in uesticam condere, & soli exponere: nam si depurare uolueris, ut solæ tenues partes & aqueæ permaneant, à solaribus radijs aquositas illa tenuis dissolueretur, & euanesceret, quod contingere non potest, si crassum simul & tenue mixta sint. Et si tibi uestica non placuerit, serua in phiala, uel in uitreo uase: tamen & hic succus excoqui posset, & depurari, & ita seruari. At si copiam harum pilularum in mense Maij parare tentes, quæ tuæ officinæ per annū satis sit, recentes succos bene depura, ne confectus globus mucidus fiat. Ita uerò compositio deducenda est: omnia prius in puluerem redigenda sunt, quibus datū est in puluerem redigi, & in puluerem tenuissimum, idq; effeceris & in colocynthide & in turbith: deinde omnia cum succis bene commisce. denique cum ex succis omnia in unum corpus redigi non possint, adde electuarium rosatū, ex quo & pulueribus, ac succis globum conficito, quem ad usus seruare oportet. **S E.** Nonnulli sunt qui has pilulas conformant ex electuario de succo rosarum, alij ex melle rosato. **B R A.** Hi omnes errāt, sed illi minus, qui ex electuario de succo rosarū conficiūt. Etenim aliās à nobis dictū est, quando in cōpositis Mesue medicamentis aliqua compositio recipitur, quæ diuerso modo ab authoribus fiat, semper illa accipi debet quæ à Mesue edocetur. unde & huius generis pilulæ ex electuario rosato Mesue confici debent. **S E.** Nonne intelligis per electuarium rosatum

Electuarium
rosatum.

Mesue id quod ab eodem authore ita conficitur?

℞ Succi rosarum rub. completarum lib. iiij.

Zucchari tabarzet lib. i. s.

Tereniabim puri & recentis ℥ vi.

Scammonij Antiocheni ℥ i. s.

Coquantur omnia cum facilitate super ignem, qui sit sicut candelæ, quousque habeat spissitudinem mellis: deinde ejice super illud,

Trochiscorum de spodio ℥ i.

Galliæ

Croci

} ana 3 ij.

Trochiscorum de berberis 3 iiij.

Repone in uas uitreum. B R A. Hoc intelligo. S E. Semper in mea officina habui has pilulas ex hoc electuario confectas. B R A. Et id cōuenit: nescimusq; ob quam causam alij pharmacopolæ rem aliam accipiāt, quā à Mesue dictum sit. S E N. Arbitror causam esse auaritiam ipsam, quando ob impensam muscatam galliam parare nolunt. B R A S. Quid hoc ad eos? ægri iuste persoluant medicamenta, ipsaq; sint perfecte concinnata, & nihil in ipsis desit. In his igitur pilulis electuarium rosatum Mesue accipitur, & non illud Nicolai: suntq; talis generis, ut diu perdurare possint. nam electuarium rosatum recipiunt, quod diu perdurare potest: nam glutinosum quodāmodo est, & uim simplicium in puluerē redactorū seruare potest. Ferrariæ igitur maior pharmacopolarū pars has ex Mesue inuentione conficit. Tamen aliqui, & multo plures in alijs Italiæ urbibus maiores faciunt, & potissimum Alexandria Longobardiæ: imò plures

plures medici maiores probarunt, cuius descriptio est
hæc apud Mesuem.

℞	Bdellij	
	Myrobalanorum citrinorū	} añ. 3. iiij.
	Emblicorum	
	Turbith	3. xiiij.
	Seminis apij	} añ. 3. i.
	Fœniculi	
	Anisi	
	Carui	
	Ameos	
	Origani	
	Rosarum	
	Sceitaragi indi	
	Harmel	
	Hermodaetylorum	
	Salis indi	
	Masticis	
	Ammoniacy	
	Cinnamomi	} añ. 3. s.
	Cardamomi	
	Acori	
	Spicæ	
	Croci	
	Cassia	
	Serapini	3. iiij.
	Colocynthidis	3. iiij. arbitror legendum 3. iiij.
	Penidiorum alborum	3. iiij.
	Aloes	3. xv.

H 5

Confice cum succo caulium, & unge manus tuas cum oleo sambucino. S E. Ob quid inungunt manus ex hoc oleo sambucino? B R. Huius rei certa ratio non habetur. ex hoc oleo fortè inungunt, quia & ipsum uim habet educendi per inferna. S E. Videtur & hæc optima esse compositio. B R A. Neque illam despicimus: uerum tamen præscripta longè efficacior est quam Mesue inuenit, & potius iure ipso compositio aggregatiua nuncupāda est, quàm ista: nempe plures humores euacuat, & plura simplicia exoluentia recipit: imò in ista nihil adest quod bilem simpliciter educat, sicut in illa Mesue scāmonium. In hac etiam maiorum compositione solum adsunt nigri myrobalani qui atram bilem educere ualēt: in illa autem Mesue compositione recipiuntur polypodium & epithymus. nec ad omnes ægri tudines conuenire possunt maiores: imò & ipse Mesue inquit, hanc compositionem ad humores crassos conuenire & glutinosos, & inflationem in mirach, & stomacho: & hemorrhoidas solunt, & ualent ad dolorem iuncturarum, & ischiam, & choleram, & podagram ex phlegmate. Vnde liquidò uides maiores aggregatiuas crassos humores potius educere, quàm tenues. propterea morbis conueniunt ex crassis humoribus potius quàm ex tenuibus, quamuis recipiant aloē. Verum illæ quæ sunt ex inuentione Mesue, omnia humorum genera educunt. S E N. Videntur multo plura simplicia ingredi has maiores, quàm illas Mesue. B R A. Quid hoc ad rem facit? nam simplicium multitudo compositionem aliquam potiore non facit. præterea aggregatiuæ maiores recipiunt 27. simplicia, & illæ Mesue decem

decem & octo, postea recipiunt electuariū rosatū, quod ex nouem simplicibus conficitur, inter quæ adest gallia moschata, quæ & ipsa multa recipit, & trochisci de spodio, & trochisci de berberis. unde si ex simplicium numero compositiones probare uoluerimus, multo plura sunt in aggregatiuis Mesuæ simplicia, quàm in maioribus. Non est simplicium numerus, qui peiorē uel ineptiorem faciat cōpositionē: sed est perfecta cōpositio & per cōponendi regulas apte disposita, & quæ cathartica recipiat bene moderata, qualis est illa Mesuæ cōpositio præscripta. s E. Pauca est electuarij rosati quantitas, quæ has pilulas ingreditur. BRAS. Quomodo pauca? nunquam fiūt, quin huius compositionis quatuor uncias ferē recipiant. Tamē quia medicorū opiniones, imò quorūdā ceruicositates adeò in eorum animis fixæ sunt, ut etiam si edoceantur addiscere nolint: propterea qui maiores aggregatiuas absque ratione magis probant, magis probēt, eis utātur, & tali gaudeāt compositione: uerū cum ex succo caulium conficiantur, diu perdurare non possunt. Nam simplicium uis non seruatur, quamuis penidia ingrediātur. nam totius compositionis respectu in modica sunt quātitate, nēpe quatuor drachmæ: imò nisi caulis succus bene coquatur & depuretur, citò mucescēt. s E. In hac tamen cōpositione multa sunt, quæ discussione indigere uidētur. BR. Quæ nam hæc? s E. Primum est inquirere quid sit Sataragi. BR. Hoc nomen uario modo scriptum inuenimus: quandoque Sataragi, alias Sceitaragi, nonnunquam Setoragi. tamen eadem herba semper intelligitur. s E. Quo nomine uti debemus? BR. In his barbaris nominibus

Sataragi.
Sceitaragi.
Setoragi.

Gingidium.

minibus semper utor magis barbaro, & quod uehementiorem clangorem excitare uidetur. Ad rem ipsam redeuntes, si Dioscoridis lepidion contemplemur, constabit statim esse Arabum Sceitaragi. nam Serapio de Sceitaragi agens, Dioscoridem ita dicentem citat: est planta nota, & administratur cum aqua, lacte, & sale, & uirtus foliorum eius est calida, ulceratiua, & propter hoc fit emplastrum cum eis schiaticæ, & pungit multum quando teritur, & mscetur cum radice enulæ, & dimittitur super locum spatio unius horæ: & similiter ponitur super splenem, & linitur scabies ulcerosa cum ea, & aufert eam, & delet maculas unguium, & cōfert baras, & dolori schiæ. & quidam putauerunt quod radix sceitaragi suspendatur in collo habentis dolorem dentium, & sedat illum. hæc Serapio. Dioscoridi modò aurē præsta, qui ita de lepidio uerba facit: Lepidiō, quod nonnulli Gingidium uocant, perspicua omnibus plantula est, coniectum in murias lactis inueteratur: foliorum natura exulceratrix & aspera est. propter hoc ischiadicis illinuntur mirabili effectu, trita cum radice enulæ, impositaq; ita uti post quartam horæ partem soluantur. pariter & ad spleneticos adhibetur, lepras emendat eadem: radix dentium dolorem adalligata collo compescit. Id igitur quod Serapio de sceitaragi dixit, idē esse cum his quæ à Dioscoride de lepidio scripta sunt, constat: tamen spatio quartæ horæ partis applicat Dioscorides, & Serapio integræ horæ. Adducit & Serapio Galenum de sceitaragi: tamen à Galeno illa dicuntur in lepidio, quæ Serapio dicit. inquit enim: Virtus eius, & sapor & odor sunt similia uirtuti,

uirtuti, sapor & odori nasturtij, nisi quia est minus desiccatiuum ipso, & calefacit in quarto gradu. Galenus uerò de lepidio in septimo De simplicium medicamentorum facultatib. libro ita differit, Lepidion ex quarto est ordine calefacientium, simile nasturtio, tum odore, tum gustu, tum uiribus, sed minus eo desiccat. Ex his igitur facile sumi potest Arabum sceitaragi esse lepidion Græcorum. S E. Hoc equidem constat si Serapionem contemplerur. At si Auicēnam in secundo canone legamus ubi inquit, sceitaragi est frusta ligni parua, subtilia, & cortices sicuti caryophylli, alia res apud ipsum esse uidetur quàm lepidion. B R A. Auicenna equidem nescio quid aliud in principio illius capitis uelle uidetur. mox in processu in Dioscoridis lepidion atque Græcorum incidit. tu consydera quibus proficiat secundum Auicēnam, in quo tamē quamplura corrigenda sunt: nam cū dicit, Assimilatur enim eius sapor & odor cardumeni, & similiter uirtus eius. lege ut facit Galenus, nasturtio, & non cardumeni, uel cardamo. & quod legitur apud Auicēnam: suspenditur eius radix super aurem eius qui habet dolorem uesticæ. lege ut Dioscorides: suspenditur eius radix collo eius qui habet dolorem dentium. S E. Optarim scire quid sit hoc Lepidion re, & non nomine: nam Lepidion. idem est apud me audire lepidion & sceitaragi, nisi herbam ipsam ad oculum nouerim. B R A. Et ego illam tibi ostendere curabo. uerum eamus ad diuæ Claræ religiosas, quas corporis Christi sorores uocāt. S E. Fortē lepidion religiosum est. B R A. Non quidem religiosum, sed in religiosarum uiridario nascens. multi putarunt herbam,

Raphanus.

bam, quæ uulgò raphanus dicitur, lepidion esse, & inter
 alios Hermolaus Barbarus. uerū (ut arbitror) decipiun-
 tur: nam lepidion lauri folijs describitur, raphanus uerò
 rumicis folia potius habet. s E. Si lepidion sit Arabum
 sceitaragi, Auicenna sceitaragi folia similia facit nastur-
 tio. Quomodo igitur lauri folia habebit? B R. Incōstan-
 tissimus est & cōfusiſſimus in eo capite Auicēna: nam de
 quatuor rebus simul agit. s E. Quonā modo hoc fieri po-
 tuit? B R. Quomodo factū sit, ignoramus: ita uerò feci s=
 se cōstat. nam primò de sceitaragi indo uerba facit, quod
 est (ut inquit) frusta ligni parua, subtilia, & cortices si-
 cuti caryophylli. & de hoc fortè ista Mesue compositio
 intelligit, quoniam dicit sceitaragi indi. secundò de fru-
 ctu quodā agit, quod inquit declinare ad rubedinē & ni-
 gredinem. tertio de duabus herbis simul loquitur, de una
 quam exprimit & describit, inquires oriri in parietibus
 antiquis, & ubi non mingitur, & habet folia sicuti sunt
 folia nasturtij. Deinde est ualde confusus: nam ipsum
 etiam cōparat folijs cordumeni, uel melius cardami. De-
 nique huius herbæ uires prosequens, lepidij Dioscoridis
 uires affert: ut hinc uidere possis quanta sit in uno capite
 apud Auicē. auihorem confusio, quam ab ipsis librarijs
 factā esse censerī potest, qui in ordinē capitis posuerunt,
 & illa quæ erāt tanquā glossēmata, & illa quæ erant in
 margine ad illū locum etiam non spectantia. s E. Quid
 igitur illud est, quod habet folia nasturtij? B R. Hiberis
 Dioscoridis, de qua & ipse ita dicit: Hiberis siue carda-
 mātice. mātice (quamuis nonnulli non *καρδαμαντινῆ*, sed *καρδα-
 μιν* legendum censuerint, à quibus non dissentio, etsi in
 omnibus

Hiberis.

Cardamātice.

omnibus Græcis codicibus *καρδαμύνη* legatur, de qua re aliàs) foliū habet nasturtij, floret semper, sed Vere magis, amplitudine sesquipedis, aut etiā minore: nascitur locis incultis, lacteū florē æstate fundit, quo tēpore efficacior quoq; habetur. Confundit igitur hoc loco Aui cenna hiberim cum lepidio. & Dioscorides sua lingua illud nō habet in hiberide, floret semper: sed habet *αἰθαλίς* ita uerò ab Hermolao uertitur, qui ex Plinio accepit lib. 25. cap. 8. ut ferē semper facit. S E. Ad lepidion redeūtes quomodo à Dioscor. pingitur? B R. Dioscorides lepidion non pingit, sed notā herbam esse dicit. S E. Mihi uerò ignotiſſima est. B R. Non erit semper ignota, nam à Paulo & Plinio describitur. S E. Nos Paulum legimus septimo lib. tamen nec ipse describit. B R. Id incidenter facit 3. libro, cap. 27. cum de coxendicis affectibus & curationibus loquitur. nec differentiā facere uidetur, nisi quo ad nomen inter hiberidem, lepidion, & agriocardamō: neque Galenus differentiā facere uidetur inter lepidion & hiberidem, nisi uelint hiberim etiā esse nomē lepidij: tamen hiberim Dioscoridis esse aliam herbam, de qua nullā mentionē fecerit Galenus, Paulus & Aëtius. S E. Intueamur igitur lepidij effigiē. B R. De lepidio ita differit Paulus, Quæ uerò apud nos nascitur fruticosa est, folia lauri cōparia, & multo maiora possidens. hæc Paulus. Plinius uero lib. decimonono, cap. 8. prope finem, inquit, exire in cubitalem altitudinem, folijs laurinis, sed mollibus. ut accipere possis Paulum dicere maioribus, Pliniū mollibus: utrunq; uerum est. propterea si coniungantur, dici poterit maioribus & mollibus: tamen

Piperitis.
Siliquastrum.

Peuerella.

tamen non sunt adeò mollia dum ueterascunt. S E. Non-
dum herbam ipsam uisu noui. B R A S. En harum Reli-
giosarum claustra ingrediar, & ad te afferam: nam ipse
ex hac herba optimos intinctus parare solent. S E. Pos-
sum'ne ego ingredi? B R A. Non licet. S E. Si tu qui ui-
gens ætate es, ingrederis, cur ego qui senio iam cōfectus
sum ingredi non possum? B R A S. Aetas ipsa hæc clau-
stra ingredi non facit, sed ars ipsa & necessitas. S E. Ci-
to expedias. B R A S. Nōne citius quàm putasses ad te
redij? en hoc est antiquorū lepidion. S E. Ego putabam
esse piperitim, & illam quæ à Plinio siliquastrum uoca-
tur. B R A. Ita à multis putatur, & ego aliquando aliàs
hanc sententiam sequutus sum. nunc uel meliore, uel peio-
re animi ductu sententiam mutauī, & hanc esse puto lepi-
dion: en cubitalem altitudinem habet, & paulo maiorem
in ista, in hac minorem: folia sunt in modum lauri, hæc la-
tiora, hæc minus lata, hæc æqualia. uide mollitiem in his
folijs iunioribus, in his antiquioribus non est tãta. S E N.
Cur hæc folia sunt laurinis folijs minora? B R A. Non-
dum sunt adulta, sed in adolescentia adhuc crescunt: cum
ad summū creuerint, erūt laurinis folijs maiora. Hi etiā
qui uolunt raphanum uulgo uocatum esse lepidion, dicūt
cum è terra exit, folia lauro similia mittere, postea cresce-
re. At mētiūtur: nam & cum raphanus è terra erūpit, fo-
lia habet lauro dissimilia, imò rumicem semper repræsen-
tant, & folia exeunt ab radice, nec crescit in cubitalem
altitudinem scapus aliquis. Vnde inferre uolumus uoca-
tam à nobis piperitim, uel peuerellā, esse antiquorum le-
pidion. & nunc hæc religiosæ iuxta terram præcidere,
postea

postea iterum crescet, & futuro anno flores & semina
 pariet. s. E. Quid ergo erit uera piperitis, & siliquastrū,
 si ea non sit quam in præsentiariū ostēdis, & quæ uulgò à
 sapore quē habet, peuerella dicitur? BR A. De hac herba
 anceps sum, coepi q; nunc primum suspicari, an hæc her=
 ba quæ passim Ferrariæ in fictilibus supra fenestras ui=
 ret, Hispanum piper nominata, sit Pliny & antiquorum Piper Hispanum.
 piperitis, quæ siliquastrum dicta sit, quoniam semina in
 oblongas siliquas & rotundas contineat: nam lauri fo=
 lia habet paulo maiora, molliora q; (etsi solatrum etiam
 imitari uideantur) caulem habet rubrum cum ueterascit,
 & longum: prius uerò quàm ueterascit, uiride est. den=
 sos habet geniculos, & semen albū, tenue, gustu piperis,
 imò piper excellere uidetur: si etiā experiri tentes, ad ea=
 dem ualere cōperies ad quæ piperitis. Sed unū esset admi=
 ratione dignū, apud authores nullam de folliculo illo in
 quo semina cōduntur, mentionē esse factā: fortè authores
 de folliculo illo aut siliqua mentionem non faciunt, quia
 ab eo nomen acquisiuit, scilicet siliquastrum: unde hoc
 omittunt, uelut ex ipso nomine manifestum, cum in reli=
 quis cōueniant. Hæc uerò per suspicionem dicta sint, &
 potius ad rem herbariam ampliandā, quàm ut id cerui=
 cose sentire uelimus: nam in Simplicii Examine hydro=
 piper esse suspicabamur, & uocatam persicariam esse
 Plinij siliquastrum & piperitim. Vel dicamus Plinium
 idem intelligere per lepidion, siliquastrū, & piperitim:
 tamen in diuersis locis hæc posuit, ueluti ea quæ diuersis
 nominibus appellarentur, re uerò diuersa non essent: ut
 etiam de dasypode facit, atq; lepore: cōstat enim non esse Dasypus.
Lepus.

Iberis.

Vincitoxicū.

aliud dasypodem à lepore. quamuis apud Aristotelem inter dasypodem & leporem differentia poni uideatur, & Theodorus uir egregius dasypodē cuniculum interpretetur. s E. Cum superius de hiberide mentionem feceris, abs te scire optarem, quænam herba sit, & unde dicatur hiberis. B R A. Marcellus unde dicatur nescire arbitratu est. uidetur ab Iberia in qua potissimum crescit, nomen sortita esse. quòd si sit, absq; aspiratione proferri debet. Iberis, hæc est illa herba, de qua tuus Auicenna simul cum lepidio confundens dicit nasci prope antiquos parietes, ubi non mingitur, & habere nasturtij foliū ac saporem. Et Dioscorides dicit habere folia nasturtij, & uerè esse pulchriorem, & nasci locis incultis, habereq; æstate florē lacteū, id est album, binis radicib. nasturtio similibus. Plinius uerò lib. 25. cap. 8. inquit nasci maxime circa uetera monumenta, parietinasq; & inculta itinorum. Floret semper, folio nasturtij, caule cubitali, semine tam paruo ut uix aspici possit, radici odor nasturtij. s E. Ego hanc picturam considero, sed quænam herba sit concipere nescio. B R A. Quid etiam in hac herba suspicer, aperire non negabo. Noscis ne herbā illam, quæ uulgo uincitoxicum à Ferrariensibus dicitur? s E. En hic est prope hunc antiquū parietem Religiosarum diui Augustini. B R A. Illa equidē est, quæ si folia incisa in morē nasturtij haberet, ab hac sententia nō dimouerer, quin hanc hiberidem esse putarem: nam in reliquis ita hiberis est ut nullus uel cæcus nō uideat. s E. Cum herba ipsa in promptu sit, notas omnes tum Dioscoridis, tum Plinij cōsideremus. B R A. Ut lubet. s E. Semper floret, inquit, de
sua

sua hiberide loquentes prædicti authores. BRA. Et hæc uincitoxicum dicta semper floret. en ab hac parte semina decidere, hîc florere incipit, & hîc sunt calyces qui desinent in flores, inter quos alij citius, alij tardius forebût: imò & hyeme non extinguitur, licet frigoris inclemētia decidant folia. uere est pulchra planta, & sua folia sunt *διθαλέτερα*, idest pulchriora quàm cardami folia: nam plenius uirent, & maiorē quandam letitiam præ se ferunt. nascitur incultis locis prope antiquos parietes, & sepulchra, & inculta itinerum: unam radicem habet, & quandoq; duas. Dioscorides duas habere censet, ut plurimū uerò unam habet: caulis inest illi cubitalis, & semē adeo parū ut uix cōspici possit, radixq; nasturtij odorē habet. propterea nisi esset foliū quod non est simile nasturtio, statim hiberim esse dicerē. SE. Mirum uidetur unum indicium posse tot alia corrumpere. BRA. Potest quidem cū indicium ex re ipsa fuerit, quale hoc ex extrinseca figura: uerū quid prohibet dicere, habere folia similia nasturtio, non his similia, quæ prope radicem sunt, et infimis, sed superioribus quæ nō sunt incisa. SE. Hiberis igitur erit nostrū uincitoxicum. BRA. Hoc non assero, sed subdubito, ut alios ad hanc rem cōsiderandam incitem atq; prouocem: nam & pulchrum est alios in certamen uocare, & ad res naturæ speculandas inuitare, etiam si is qui inuitat, nihil probi aut boni dixerit, modò id uerisimile sit, & aliquam habeat apparentiā quod dixit. nam exinde lector sedulus iter apertum uidens multa alia inuenire potest. Aliam herbā hîc Ferrariæ habemus, quæ & in antiquis parietib. & circa antiqua sepulchra

nascitur, ac solitaria loca, quæ ut nasturtiū, incisuras ha-
 bet, & eius radix mansa adurit. s e. Quo nomine uulgò
 dicitur? B R A. An uulguſ aliquo nomine eam uocet, igno-
 ro: sed en hæc est herba. s e. Huius herbæ Ferrariæ co-
 pia habetur: plerunq; illam uidi inter diui Francisci rui-
 nas, post magnum huius templi altare. B R A. Et ego il-
 lam uidi Romæ inter maiores diui Petri ruinas. s e. Si
 radix linguā mordicet, illam esse putarim quæ à Diosco-
 ride hiberis uocatur. B R A. Gusta. s e n. Imò & folia
 quodammodo mordicant: uerum in hac una solū est ra-
 dix, non duæ, ut hiberis habere debet. B R A. Et si Dio-
 scorides hiberi binas radices attribuat nasturtio similes:
 tamen nasturtiū unam habet radicē, quamuis nonnūquam
 in duas fibras dissecta sit. Ego in hanc magis inclinor,
 quòd hiberis sit, quàm in uincitoxicum, propter foliorū
 incisuras quæ huic herbæ insunt, & uincitoxico non in-
 sunt. s e. Neque mordicat uincitoxicū. B R A. Imò mor-
 dicat, non interim dum mādatur, sed posteaquā māsūm
 est. Ad rem uerò longius intermissam redeūtes colligen-
 dum est, in hac pilularū cōpositione pro sceitaragi Ara-
 bes lepidion intelligere: lepidion uerò illa herba esse ui-
 detur, quam nostri puerellam nuncupant. Verū hanc
 compositionem à principio considerans concipere nescio
 quid in ipsa faciat uel facere possit lepidion, quod potius
 humano corpori exterius applicatū apud authores inue-
 nitur, nec potētia habet reprimēdi uim fortiū medicamē-
 torum: tamē sceitaragi ad hanc uim reprimendā huc in-
 greditur. Rursus igitur cōpositionem cōsiderans, cū à
 Mesue dicatur, sceitaragi indi, suspicari cœpi id in præ-
 sentiarum

sentiarum debere intelligi, quod Auicenna dicit esse frusta ligni subtilia, & cortices sicuti caryophylli. arbitramurq; hæc tenuia ligna esse Galeni carpesium: nam, ut ipse docet lib. primo de Antidotis, Carpesiū est tenues festucae, ramusculi cinnamomi similes: quæ sunt similes secundū genus uocato phu: & eius gustū habet. & Quintus pro cinnamomo carpesiū sumebat, ut Galenus testatur: nam ab optima casia uirib. nō dissidet. Arbitramur in hac cōpositione sceitaragi indi esse carpesiū, cuius uis est fortia medicamēta tēperare, & nō lepidij: & nisi addita esset illa particula indi, lectionē corruptā esse putarem. & ubi legitur sceitaragi, legendū esse sitarag, id est fumi terræ: quoniā in hac cōpositione non adsunt nisi indi myrobalani, qui atræ bili aduersentur & adustos humores expurgēt. s E. Deinceps in hac cōpositione fumariam herbā recipiā. B R A. Illam recipiendā suaderem, posteaquā carpesiū abesse certū sit. s E. Aliud etiā non mediocrē scrupū in hac cōpositione cōmouit. B R. Quid hoc est? s E. Harmel. Nam multi pharmacopole pro harmel cicutæ semina accipiūt. B R A. O uiri nefandi & execrabiles: uenenū præsentissimū recipiūt, pro re quæ potius medicamēta frenare deberet. s E. Quid ergo sumendum est? B R A. Nomina corrupta sunt: & ubi legitur harmel, uel absq; aspiratione armel, legi debet armal, cū a, & non cum e, in ultima syllaba. est uerò harmal rutæ genus syluestre, ita à Syris nuncupatū: quamuis Dioscorides dicat rutā montanā à Syris nominari harmalam. Harmala. sed ubi loquitur de tertio rutæ genere, quod uocat rutam Galaticam, dicit ab aliquibus uocari harmalam, & Syri

Carpesium.

Harmel.

Armel.

Armal.

Harmal.

Harmala.

Besafa. nuncupāt Besafa. & hæc propriè illa est, de qua Arabes scripsere. s. E. Quomodo hoc nosti? B. R. A. Ex ipsismet authoribus: nam Serapionis uerba contemplatus cap. 285. ubi de harmel agit, eadē sunt cū his Dioscoridis in hoc tertio genere rutæ. Dicit enim Serapio secundū Dioscoridē, Harmel nominatur moly: & nomināt eam multi rutam syluestre, & est planta quæ egreditur ab una radice cum multis ramulis, & habet folia longiora folijs rutæ alterius, et molliora, habētia grauē odorē, & habet florē albū, & capitella maiora satis quā capitella rutæ domesticæ, diuisa tribus diuisionibus, in quibus est semē, cuius color est ad rubedinē decliuus, habens tres angulos. amarum est id quod de ipsa planta uenit in usum medicinae, & ipsum maturatur, & colligitur in autumnō. Audias modo Dioscoridē de Galatica ruta per hæc uerba differentem: Quidam nomine syluestris rutæ, & eam quæ in Cappadocia nascitur & Galatia, nuncupatā moly intelligunt. frutex est ab radice una cōplures uirgas fundens folijs multo longioribus, & tenuiorib. quā rutæ, grauī odore. flos cādīdus: in cacumine capitella paulo ampliora quā satiua diuisa tripliciter parte plurima, in quibus semen triquetrū, subruffum, & amarissimū sapore, cuius in medicina est usus. autūno maturescit semen. Hinc igitur manifestè apparet tertiū rutæ genus apud Dioscoridē, quod ipse uocat secundū aliquos harmala, à Serapione nūcupari harmel. quod autē ita sit, magis cōfirmari potest ex his quæ de remedijs secundū Dioscoridem adducit Serapio. sequitur enim: quando conficitur cum melle & uino, & felle galli, & croco, & succo fœniculi, con

li, confert debilitati uisus. species ista rutæ uocatur à quibusdā moly, & in Syria nominatur uasach, et ortus eius est ut plurimū in terra pingui, bona, et culta, & humidis locis. hæc Serapio. In quibus uerbis sunt aliqua corrupta nomina: in reliquis idē præcisē dicit quod Dioscorides, cū, inquit, cōuenit quibus hebetes oculi, subigendū cum melle, uino, felle gallinacei, succo fœniculi, atq; croci. hoc genus herbæ aliqui harmala uocauere, Syri besafa: quod Serapio corruptē dicit uasach, Cappadoces moly, quandoquidē à uero moly omnino nō discrepat facies, radice uidelicet pulla & flore albo (hoc à Serapione positū non est) colles amat, & pingua. Idē præterea suaderi potest per illa quæ Serapio ex Galeno adducit: nam Galenū referens inquit, uirtus eius primo est calida in tertio gradu, secūda incidit, & tertia incidit humores grossos, & expellit eos per urinam. Galenus uerò ubi agit de moly in septimo De simpliciū medicamentorum facultatibus lib. inquit: uis eius tenuiū est partium, & calida in tertio ordine: unde & crassos humores desiccet, ac digerit, & urinā mouet. scitoq; apud Galenum non esse aliud moly, quàm istud, quamuis Dioscorides aliud quoddam moly describat. Galenus de hac harmala duobus in locis mentionē facit in libro de Compositione medicamentorū secundum locos. primo, in libro 8. in stomachica illitione ex besafa, id est semine rutæ syluestris secundū Andromachū. secūdo, in libro 9. in secūdo pharmaco ab Asclepiade cōscripto in hydropē: dicitq; Syros uernacula lingua uocare harmala rutā syluestrem. s. e. Hæc omnia uerba sunt, & nugamēta. ostende mihi rutam hanc uocatam

harmala, & harmel à Serapione, & quam Auicēna non describit, sed dicit esse notam, cum tamen mihi ignotissima sit. B R A. Non possum hanc rutam in presentiarum tibi ostendere: uiret tamen in Apēnino prope Mutinam, & Regium Lepidi. S E. A me igitur uel ab his qui hanc compositionē parant quid agendum? B R A. Rutæ syluestris semina accipienda sunt, & non hortensis: & si hæc desint, satiæ rutæ semina recipienda, quæ parum differunt à syluestris rutæ seminibus. S E. In hac tota cōpositione nihil aliud uideo quod ambiguitatē facere possit. B R A. Ut igitur receptui canamus, pro aggregatiuis pilulis illas Mesue semper parandas uoluerim, quas dicit esse ex inuentione sua, & iuberem ut electuarium rosatum Mesue acciperent, cuius magna quantitas compositionem ingreditur. S E. Quāta ingredi potest? B R A. Si succi sint aridi, quales uos seruare soletis, quatuor fere unciae huius electuarij ingrediuntur. Si uerò succi sint recentes, ut semper optarim, duæ unciae satis sunt: & id electuarium ex gallia quæ moschata dicitur, confectum sit, & quam Mesue & non Nicolaus parare docuit.

S E N E X.

Pilulæ de Serapino.

A B re fortè non erit, pilulas de Serapino in concionem uocare. B R A S. Multas legi & uarias apud diuersos authores compositiones, quæ de Serapino pilulæ nomen sortiebatur, & quæ longè differunt: uariosq; inueni pharmacopolas nō solū diuersarū Italiæ urbū, sed unius Ferrariæ: nam aliqui primam Mesue compositionem de serapino ad usum seruant, alij secundam. Tu quam seruas? S E N. Secundam apud Mesuem. B R A S.

Huc

Huc illam afferas. s E. Hæc est quam dicit ad iuncturæ
rum dolorem ualere, atque ischiam, & podagram, &
dolori matricis conferre, ac menstrua proritare.

℞ Serapini	}	añ. 3. ij. s.
Hammoniæ		
Opopanacis		
Bdellij		
Seminis apij	}	añ. 3. i.
Ameos		
Harmel		
Anisforum		
Acori	}	añ. 3. s.
Sceitaragi indi		
Calamenti		
Folij		
Centaureæ		
Polij		
Costi	}	3. vi.
Salis gemmæ		
Aloes		
Colocynthidis		3. v.

Fiant pilulæ, & administrentur. BRAS. Nisi superius
de sceitaragi & harmel disputauissemus, nunc idem fa-
cere necessarium esset. Tu hanc secundam cõpositionem
facis, sed multi primam potius approbant, & conficiunt.
s E. A te peterem, quænam sit magis conueniens. BRAS.
Hanc secundam probare non desinam, quæ magis corre-
cta est & moderata, quàm prima, nec est adeò uehemens.
sed ex quo liquore eam conficis? s E. Ex melle rosaceo.

BRAS. Nec istud contemnere ausim, quoniam hæc compositio diuturnior redditur: scitoq; ratione colocynthidis crassas materias à longinquis educi, & bilem crassam, ac pituitam. Aloe uero à propinquis partibus ducit: ratione colocynthidis iuncturarū doloribus prodest, & podagræ, præsertim cum à crassis materijs contingunt. Reliqua cum aperientia sint, dolori matricis occurrunt, & menstrua proritant: quod etiam aloe facit uenarum ora adaperiens. SE. Morem meum igitur sequar, hanc secundam Mesue compositionem parans. BR. Eum impune sequaris. Verum ne quicquā prætermittamus quod in materialium considerationem non uenerit, hæc est prima Mesue compositio.

℞	Serapini	}	añ. 3. ij.
	Hammoniacy		
	Bdellij		
	Opopanax		
	Aloes		
	Castorei		
	Harmel	}	3. iij.
	Colocynthidis		

Fiant pilulæ cum aqua porri. per hanc uerò aquam intellige succum, nam ex eo facilius penetrant, quamuis in hac compositione mihi displiceat hic succus: propterea & mel rosatum potius acciperem, uel marrubij succum. nam ueteres sæpius confundunt *πράσιον* & *πράσιον*, id est marrubium, & porrum. SE. Eandem ferè intentionem cum prædictis habere uidentur. BRAS. Et eandem habent. nam materias crassas, glutinosas, & frigidas educunt:

cunt: unde à Mesue hic dicitur ualere ad paralysim, & mollificationem, & spasum, & dolorem iuncturarū, dorsi, & podagram frigidam, & soluunt phlegma uiscosum, & una drachma satis est. s e. Quid intelligis per hammoniacum in hoc loco? B R A. Ego intelligendum puto hāmoniacum thynuama, non sal hāmoniacum: nam thynuama hammoniacū colocynthim mitigare potest, & corrigere. s e. Prius à te dictū est authores alios à Mesue pilulas de Serapino descripsisse, quæ à prædictis diuersæ sunt. B R. Diuersæ quidē sunt, quo ad pōdera & aliqua simplicia, sed in intentione conueniūt: nam Auic. talem compositionē parādam instituit, quæ genuū doloribus conuenit, coxendicum & laterum, inquit,

℞	Seminis apij	}	añ. 3. i.
	Harmel		
	Serapini	}	añ. 3. ij.
	Bdellij		
	Hieræ		3. ij.
	Pulpæ colocynthidis	}	añ. 3. i.
	Agarici		
	Turbith.		3. vi.

Fiant pilulæ. dosis 3. ij. cum aqua tepida: tamen nos dicimus satis superq; esse 3. i. Serapio compositionē aliam facit de serapino, qua in hydrope utitur. s e. Quæ nam est Serapionis compositio? B R A. Hæc quæ sequitur.

℞	Aloes	}	añ. 3. iiij.
	Epithymi		
	Agarici		3. ij.
	Serapini		3. vi.

Teran

Terantur & cribellentur, & fiant pilulæ. potio 3. i. Puto legendum esse portio. uel si legas potio, intellige hanc compositionem priusquam sit redacta in pilulas. Imò idem Serapio compositionem habet ad eandem intentionem ad quam tendit secunda Mesue, & quæ recipit similia simplicia, sed differt in pondere: dicitq; ualere ad dolorem aliarum partium dorsi, & ad dolorem matricis, & soluere naturam, & prouocare menses. s E. Hanc compositionem referre ne pigeat. B R A. Non solum non piget, sed etiam libet.

Rx	Seminis apij	}	añ. 3. i.
	Ameos		
	Anisorum		
	Harmel		
	Bdellij	}	añ. 3. ij.
	Serapini		
	Hammoniacy		
	Opopanacis		
	Sceitaragi	}	añ. 3. . .
	Acori Polij		
	Calameti fluuiatilis		
	Centaureæ Costi		
	Salis gemmæ		
	Aloës	3. v.	
	Colocynthidis	3. iij. s.	

Terantur, & fiant pilulæ, & dentur. s E. Omnino eandem habent intentionem cum his quas paro, & est eadem ferè compositio cum secunda Mesue. B R A. Quomodo autem gummi genera in hac compositione disponis? s E.

Idem

Idem facio quod in omnibus alijs pilulis obseruandum censuisti. Gummi in liquorem illum ex quo pilulae conficiuntur, dissoluo, uel sit porri succus, uel quicquid aliud, postea conformo: & si succus aliquis uel liquor non recipiatur, arida gummi in puluerem redigo, mollia uero in electuarium ex quo pilulae conglutinantur, dissoluo, uel in mel rosaceum. BRA. Recte gummi genera disponis. SE. Ex more igitur pilulas de Serapino conficiam, quae à Mesue secundo loco descriptae sunt. BRA. Non errabis.

SE N E X.

Nescio quomodo bechichiae pilulae huc accesserint. Pilulae bechichiae.
BRA. Non accessere, sed tu illas cōportasti. quis
author illas confecit? SEN. A Mesue in capite De tussi
sicca describuntur. BRA. Quae simplicia recipiunt? SE.
Haec quae statim adducemus.

R ^x Succi liquiritiae	} añ. 3. x.
Sacchari boni	
Amyli	
Dragaganti	} añ. VI.
Amygd. dulcium	

Confice cum muccagine psyllij, uel cydoniorum. BRA.
Quomodo insumuntur? SE. Efficitur pilula una ad lupini uel fabae quantitatem, & sub lingua tenetur. BR.
Igitur non sunt catapotia. SE. Quid ais? BRA. ἀπὸ τοῦ καταπίειν, id est à deuorando & transglutiendo dicuntur catapotia. At haec non transglutiuntur: propterea catapotia non sunt. Verum à forma quam habent, pilulae nuncupari possunt: quanquam res erat nullius momenti,
fi

si has pilulas pastillos nuncupasses: imò non ab re fuisset, si potius inter pastillos, quàm inter pilulas numerasses. Cum uerò in hunc ordinem uenerint, & ipsa poma nantent, accipianturq; ac si sint pilulæ, tamen non erunt catapotia, quia pilulæ uocabulum est amplius, quàm catapotium in hoc significato. nam & hæ sunt pilulæ à sua forma, quæ continentur in ore, & non sunt catapotia. hanc eandem compositionem habet Rhasis, ubi agit de tuſsi, ad Almanforem. SEN. Vnde dicuntur bechichiæ?

ΒΥΧΙΝΔΡ me- B R A. Apud antiquos multa bechica inueniuntur, id est dicamentum. contra tuſsim medicamenta: nam Græci tuſsim ΒΥΧΑ nuncupant, & ΒΥΧΙΝΔΡ contra tuſsim medicamentum. A Tralliano lib. secundo, cap. 4. multa bechica, id est tuſsi accommodata referuntur, hoc est contra tuſsim medicamenta. SE. Hoc quod à Mesue descriptum est, habet ne cum illis affinitatem? B R A S. In aliquibus simplicibus conueniunt, in tota autem compositione distincta sunt. SE. Vnam aut alteram antiquorum compositionem referas ex his quæ bechicæ nuncupantur. B R A S. Hæc est una Tralliani compositio.

R. Styracis

Croci

Galbani

Lachrymæ papaueris

} añ. denarij pond
do unius.

Nucleorum pineorum denariũ pondo iiij.

Conformato pilulas quantitatem Aegyptiacæ fabæ æquantes, quarum unam in nocte ægrotanti præbeto. SE.

Magna quantitas uidetur si Aegyptiacam fabam æquet.

B R A. Imò posset triplum & quadruplum illius quantitatis

titatis exhiberi. En alia cōpositio ualde efficax, & quæ etiam tenui fluori succurrit, & quæ una uice sumpta restituit sanitati æ grotantes.

℞ Myrrhæ troglodyticæ denariūm pondo vi.
 Thuris denariūm pondo quinque
 Lachrymæ papaueris
 Corticis radicis hyoscyami } denariūm pō
 Corticis radicis cynoglossæ } do iiij.

Cortices in sole exiccati in puluerem redigantur, & per cribrum trayciantur, postea cum alijs confundantur: papaueris uerò lachrymam aqua diluito, deinde pastillos conformato pondere singulos denarij unius. s e. Nihil habent cum bechicis nostris à Mesue confectis. B R A. Tamen sunt bechica, id est ad tusses ualentia medicamēta. De his uerò quæ sub lingua continentur, quæ ὑπογλωσσε medicamenta Galenus uocat, mentionem facit in septimo lib. de Compositione medicamentorum secūdum locos: postquam locutus est de usu confectiois ex papaueris capitibus, hypoglossa describit, id est ea quæ poni debent sub lingua, ex Charixeno medico, Dioscoride, & Scribonio Largo. s e. Vnum ex his hypoglossis audire uehementer opto. B R A. Vnum ex Scribonio Largo referam, quod facit ad uocem interceptam.

℞ Glycyrrhizæ 3. viij.
 Myrrhæ 3. xx.
 Terebinthinæ 3. xxxij.
 Tragacanthæ 3. xxxviij.

Arida singula per se contundito ac cribrato, resinam autem in pilam coniectam tundito, arida ad ipsam inspar-
 gendo:

gendo: deinde ex unitis omnibus pastillos formato, fabæ Aegyptiacæ magnitudine, quos in umbra siccato, atque usus tempore unum aut duos sub lingua tenendos dato, ac liquecentes deuorandos. Quo tempore igitur pastillos cogis, eodem etiam tundes: resiccantur enim citò, & ob id pastillos ex eo formantem, ad manum simul tūdere oportet. S E. Cū ergo liquecunt, transglutiendi sunt? B R A. Imò paulatim transglutiendi, sicuti & paulatim liquecunt. Sunt multa alia bechica à Paulo, Aëtio, Scribonio, & alijs antiquioribus ac probis authoribus descripta, quæ huc afferre non licet, ne supra modū ex compositionibus quæ in usu non sunt, sermo noster percre-scat. Imò & apud Arabes infinita ferè bechica medicamenta scripta inueniuntur, ut apud Serapionem, Auicennam, Rhasim. Interim omitto recentes medicos, ne de una compositione agentes, omnes alias eiusdem generis in medium reuocare uideamur. S E N. In hac igitur compositione Mesuen sequar. B R. Sequaris quoad antiquorum bechica in usum uenerint. speramus etenim omnes antiquorum compositiones, uel maiorem partem in communem usum reuocare: quanquam semper adsint inuidi, qui benefactis, sua maledicentia suaq; maleficientia aduersari conentur.

S E N E X.

Pilulæ foetidæ.

Cū hæc satis sint, quæ de bechica compositione numerare studuisti, foetidas pilulas huc adducā, ut recto examine perpensæ abeant. B R A. Non minus hæ pilulæ medicorum ignauiam & oscitantem negligentiam ostendunt, quàm prædictæ. S E. Cur hoc? B R A. Quo-
niam

niam rari sunt pharmacopolæ qui cōpositionem ab alijs diuersam non seruent. Nonnulli etenim maiores foetidas parant, quidam minores: alij cōpositionem quandam ex Rhasi in 9. ad Almanforem acceptam seruant. Tu uerò quam cōpositionem sequeris? S E. Illam maiorum. B R A. Ab hac exordium incipiamus, & prima omnium sub iudicium ueniat. quibus constat? S E N. His omnibus.

Rz	Serapini	
	Hammoniacy	
	Opopanacis	
	Bdellij	
	Colocynthidis	
	Harmel	
	Aloës	
	Epithymi	
	Hermodactylorum	
	Alficebran	
	Scammonij	
	Cinnamomi	
	Spicæ	
	Croci	
	Castorei	
	Turbith	
	Gingiberis	
	Euphorbij	
		tertiæ unius partes duæ.

Diffoluantur gummi in aqua porri, & fiant pilulæ. da 3. ij. B R A. Vna drachma satis est, & in imbecillioribus fortè nimis. hanc compositionem considerans omnes humores educit, & tenues, & crassos, & à partibus pro-

pinquis, & à remotis. S E N. A Mesue uerò scriptū est, ex hac humores crassos expelli, & doloribus iuncturarum cōferre, & podagræ, & dorsi, & genuū: & omnē dolorem ex crudo humore auferre, & dolorē stomachi, & colicæ: & à leuce liberat, morphea atq; lepra. B R A. Duo animaduersione digna sunt: unum est, ualere potissimum in his morbis cum inclinant, ut in podagra, chiragra & articulari morbo, & ratione aloēs biliosos humores etiam educit. Ratione scammonij biliosissimos, & tenues: unde omnes humores educuntur, si cōpositio recte consideretur, & tam à remotis, quàm à propinquis partibus. S E. Quid intelligis in hoc loco per Alscebram? B R A. Tu uerò quid eius loco haftenus accepisti? S E N. Esulam: et nisi quid melius inuenerim, esula semper utar. B R A. Consideremus in præsentiariū quid sit apud Arabes Alscebram, uel Scebram: nam illa particula al, articulus est, quem suis nominibus Arabes præponunt, ut faciunt Hebræi, qui à Græcis & nostra uulgari lingua eo differunt, quòd eorum articulus in nominis cōpositionem transit: apud Græcos autem & in nostra uulgari lingua est distinctus à nomine. Hæc igitur herba, de qua in præsentiariū agemus, nuncupatur scebra: addita al, particula, idem est ac si diceremus alscebram. S E. Hæc ad rem nihil facere uidentur. Consideremus potius quid sit hæc planta apud antiquos. B R A. Consideremus: sed non erit facile hoc intelligere, quoniam & Arabes de ea inter se dissident, nec cum Græcis conuenire uidentur, nec Arabum descriptiones satis conueniunt. Quid igitur sit alscebram apud Arabes considerare uolentes à Mesue incipiamus,

Alscebram.
Scebram.

cipiamus, secundum cuius uerba non est facile diuinare quid sit: nam de eius figura nihil penitus loquitur, solum uerò dicit esse speciem lactimiorum, & esse solutium rusticorum. postea distinguit, ex quibus nihil certi habetur quid sit, nisi confuse. Auicenna describit quidem, sed adeò inepta descriptione, ut etià difficile sit apud ipsum eius formam intueri: nam inquit, oritur in hortis habens cannam subtilem, æqualem, & habet pilos, & folia sunt sicut Tarcon, secundum quod existimo, & habet lac. Si uerò petas quid sit Tarcon, in pagina sequente Auicēna docet, inquiens quòd pyrethrū est eius radix. pyrethrum uerò habet folia dauci agrestis, uel marathri. Serapio describit quidem scebram, & talem figuram illi fingit qualem Dioscorides suæ pityusæ. Verum cum de hac re in Simplicium Examine hubertim differuerimus, satis est te ad illum librum remittere. SE. Memoria habeo: sed res est satis confusa. BRAS. Confusissima, quoniam & ipsi authores confusi sunt. Ad rem uerò redeuntes, sunt alij pharmacopolæ qui foetidas minores seruant. SEN. Nescio unde hoc acceperint: nam hoc solum nomen maius, eos incitare deberet ad has conficiendas & formandas: nam quod maius est, respectu minoris excellentiam quandam habere uidetur. BRAS. Imò minores uidentur uehemētiores maioribus, & eandem habēt intentionem. Earum cōpositio hæc est quæ sequitur, in qua sunt paucissima quæ uim fortiū medicamentorū frenare possint.

R^x Serapini
Hammoniaci
Opopanacis

} ana 3 v.
K 2

Bdellij	
Myrrhæ	
Turbith	3 x.
Colocynthidis	3 vi.

Fiant pilulæ sicuti priores. Et da 3. ij. tamen non debemus excedere 3. i. Imò solùm scrupuli duo recipiendi sunt. in his materiæ crassæ solùm educuntur à remotis partibus. Vnde etsi à Mesue dicatur has esse in intentione maiorum, id simpliciter uerum non est: quoniam maiores tenues etiam humores educunt, quas hæ non educunt: sed intelligendus est in intentione maiorum, quanti sit de illa intentione quam ipse retulerat. nempe nihil dixit de humoribus tenuibus, quos tamen euacuat. S E. Quæ nam compositio magis probanda est? B R A. Illa maiorum, quæ magis correctæ est compositione minorum: tamen præcisa Mesue intentio, quæ est humores crassos educere, in his minoribus exquisitius habetur, cum soli crassi educantur, et non tenues. Extant præterea nonnulli phar macopolæ Ferrariæ, et non ex infimo genere, qui in eorum officinis compositionem quandam Rhasis seruant in hono ad Almanforem. S E N. Quæ nam est? B R A S. Hæc in curatione paralysis posita.

Rz	Pulueris picræ	3 x.
	Colocynthidis	3 v.
	Euphorbij	3 ij. s.
	Castorei	} ana 3 i.
	Piperis	
	Assæ fœtidæ	
	Serapini	
		Opopana

Opopanacis

Sceitaragi Indi

Sinapis

Centaureæ minoris

Elaterij

}

} ana 3 v.

Gummi in succo rutæ dissoluatur, & alia simul misceantur, & fiant pilulæ. S E. De minoribus quamplures in suis officinis eas habere nō ignorabamus: de his uerò ab Rhasi editis ignotum erat an aliquis eas pararet. B R A. Imò, ut dixi, aliqui has seruant: & ne putes nos mentiri, ille qui Fontem habet pro insigni, unus est qui parat. S E. O magna inter unius urbis pharmacopolas diuersitas: quomodo faciunt ignari medici qui hæc ignorant? B R A. In his pilulis parum errare possunt: quia ad eandem intentionem accommodantur. S E N. Quæ compositio tibi magis arridet ex his tribus? B R A. Illa maiorum, quamuis (ut ingenuè fatear) nulla possit ad unguem placere. Tamen si quam conficiendam iuberem, esset hæc maiorum compositio Mesue. S E N. Meum igitur morem & deinceps in his pilulis sequar. B R A S. Vt lubet: nos tamen speramus pro nostris ægris illas nunquam esse indicturos. Id uerò non te lateat, & Serapionem, & Aui-cennam, & Haly multas alias & diuersas pilularum foetidarum descriptiones in scriptis reliquisse: sed tres solum præscriptæ in usum uenire. S E N. Vnde dictæ sunt foetidæ? B R A. Recentes dicunt ita nuncupari, quia foetidos humores educūt, ac si aliæ odoros trahant, & non foetidos. Potius dicuntur foetidæ ex malo odore quem habent, & potissimum illæ Rhasis, quas assa foetida ingre-

K 3

ditur. uel quia foetidis morbis occurrunt, quales sunt lepra, scabies, morphea, impetigo, leuce, & alij similes.

S E N E X.

Pilulae de sarcocolla.

HAnc liturâ uix legere potui: & nisi ultima pars nominis atramento detecta esset, pilulae de sarcocolla tuum examen effugissent. B R. Res erat non magni momenti. ex quo authore accipiuntur haec pilulae? S E. Ex Mesue in Antidotario, & in simplicibus. ubi de sarcocolla agit: nam refert pilulas de sarcocolla Haly senioris, inquiens.

R	Sarcocollæ	3	ij.
	Turbith	3	iiij.
	Interioris colocynthidis	}	ana 3 i. s.
	Gingiberis		
	Salis gemmae	3	i.

Sarcocollam in aqua rosacea dissolue, & confice & fac pilulas. educit haec compositio pituitosas materias, & pituitosis morbis succurrit, à longinquis partibus educēs. B R A. Mesue inquit, sarcocollam pituitam educere: nescimus tamen unde hoc inuenerit. nam Dioscorides & Galenus uolunt ipsam conglutinare, & exiccare citra mordicationem. Id equidem uerum est, has pilulas pituitam educere: sed id faciunt ratione turbith & colocynthidis, non ratione sarcocollæ. Putamus igitur sarcocollam uim reprimere fortium medicamentorum, ut alia gummi genera facere solent, & non soluere: in hacq; compositione poni alia ad educendum pituitam, & non sarcocollam. & quamuis fuerit Haly senex huius compositionis inuentor, illum non laudamus, cum nimis uehemens sit, & parum correctæ: nam præter sarcocollam nihil aliud

aliud adest quod non roboret turbith & colocynthim: gingiber etenim & sal gemmæ colocynthim & turbith acuunt magis, & uehementiora reddunt. S E. Igitur sarcocolla non educit? B R A. Adstringit potius: unde Græci omnes dicunt adstringere, exiccare, & conglutinare: propterea inuenit nomen sarcocolla quasi σαρκὸς κόλλα, id est, colla & gluten carnis. Quomodo illam dissoluis in aquam rosaceā? S E. Ego in primis in lac asinæ dissoluo per sex dies, lac quotidie mutans, deniq; percolo, & dissoluo in aquā rosaceam. B R A. Cur lac asinæ accipis? S E. Quoniā ab ipso Mesue in cap. de sarcocolla dictum est. B R A. Mesuem nō intelligis, qui dicit per quinq; dies lacte asinæ nutriri, & tunc esse medicamentū bonū a gritudinibus oculorum, scilicet ponētes illam in oculum. tamen nō dicit ita concinnandā esse cum has pilulas ingreditur: sed immediate dissoluēda est in aqua rosacea, & a sordibus expurgāda, postea rebus alijs cōmiscenda, & in pilulas cōformanda. scitoq; has pilulas multū perdurare, & earū uim citò non solui ob sarcocollæ miscellam.

S E N E X.

HAS sequuntur in hac scheda pilulæ de mezereon, Pilulæ de Mezereon.
 quæ à Mesue dicuntur mirificè aquam educere in hydropes, & non solum citrinam, sed cuiuscunque generis. his uerò conficiuntur.

R Foliorum mezereon infusorum in aceto, &
 exiccatorum 3 v.
 Myrobalanorum citrinorum 3 iiij.
 Chebulorum 3 iiij.

Confice cum tereniabin & tamarindis in aqua endiuie

K 4

diffolutis. B R A. De dosi nihil dicit Mesue? S E. Nihil penitus. B R A. In ascite drachmam excedere non debemus, & in his in quibus abundat aquositas per omnes uenas. S E. Putas ne tu mezereon esse laureolam? B R A. De hoc hubertim egimus in nostro Simplicium Examine, ostendentes Arabes authores thymelæam, & chameleam sub mezereon confudisse. Nunc memoria subiit, in nostro colloquio de his abundè dictum esse. Verùm cum hæc duo sub mezereon confundantur ab Arabibus, & Mesue Arabs fuerit, quodnam duorum intelligi debet, cum hic dicat recipiendum mezereon? B R A. Ego thymelæam acciperem: nam à Dioscoride dicitur per aluum biles aqueas educere. Cum uerò hæc pilulæ ad educendas aquas in hydropse conficiantur, & ut Mesue dicit, citrinæ, thymelæa ad hoc ualet. nempe Dioscorides in chameleæ mentionem non facit quòd aquas educat: sed dicit solùm educere per aluum bilem, & pituitam. S E. Deinceps igitur thymelææ folia accipiam. B R A. Scito autem nisi hæc folia per diem & noctem macerarentur in aceto & in umbra exiccarentur, & nisi adderentur myrobalani, esset compositio uehementissima, cuius satis esset scrupulum accipere. De tereniabin uerò quòd hanc compositionem ingreditur, in nostro Simplicium Examine quid sit apud Arabes disputatum habes.

S E N E X.

Pilulæ de Eupatorio.

P Rædictis iunctæ sunt pilulæ de eupatorio, quæ ad periodicas atq; antiquas febres cōferunt, ad iecoris dolorē, & ad obstructionē. B R A. Tu ergo maiores conficis? S E. Maiores inquam, & in hunc modum paro.

Rx Myro

℞ Myrobalanorum citrinorum }
 Succu eupatorij } añ. 3. iij.
 Succu absinthij }
 Raued sceni 3. iij. s.
 Mastiches 3. i.
 Croci 3. s.
 Aloës bonæ 3. v.

Confice cum succo endiuiae. dosis eius est 3. ij. cum aqua casei. B. R. Recētibus uisum est, hanc compositionē materias biliosas, tenues, educere: cum tamen crassas etiā educat, & eas potius quā tenues. Rari sunt medici qui his utantur. Ego his utor in autumnno in longioribus febribus, & cōferunt, & etiā in obstructionibus lienis. Habet & Mesue minores de eupatorio, quæ in nullū usum uenēre, præsertim nostro tēpore. Illarū cōpositio est hæc.

℞ Myrobalanorum citrinorum }
 Raued sceni } añ. partes
 Succu eupatorij } æquales.
 Aloës }

Confice cum aqua apij. da 3. ij. & in alio cum aqua endiuiae. sunt minus uehementes prædictis, eandem uerò intentionem habent cum maioribus. mirandumq; est cur harum minorum facta sit mentio, cum maiores eandem intentionem habeant, & perfectius illam assequi faciant. mirum igitur non est, si in usum non uenēre. Per raued sceni, rhabarbarum in his compositionibus semper intellige. S. E. Id intelligo. B. R. A. Lector uerò admiratione non afficiatur, si in his compositionibus omnia simplicia exposita non sint, quoniam de his solū mentionem faci-

mus, de quibus in *Simplicium Examine* nihil actum erat. Hæ pilulæ, & maiores diu perdurare nō possunt, quoniam nihil gluinosi recipiunt: imò breui tempore lapidescunt, id est duræ ut lapis euadunt.

S E N E X .

Pilulæ de hermodactylis.

Pilulæ de hermodactylis in examen descendūt. *BR.* Ferrariæ apud diuersos pharmacopolas diuersæ fiunt de hermodactylis pilulæ. Nam nōnulli minores, alij compositionē quandā quæ à Rhasi describitur in 9. ad *Almansorē*, cōficiunt: maior tamen pars maiores parat. Nec desunt qui & maiores & minores seruēt. neminē uidi unquā, qui pilulis de hermodactylis ex inuētiōe *Me sue* uteretur. *SE.* Maiores semper cōfeci, & seruaui, & cū medici pilulas de hermodactylis indicūt, illas præbeo. *BR. A.* Earū compositionem referto. *SE.* Hæc est.

R. Hermodactylorum

Aloës

Myrobalanorum citrinorum

Turbith

Colocynthidis

Bdellij

Serapini

Castorei

Sarcocollæ

Euphorbij

Opopanacis

Harmel

Apij

Croci

} añ. 3. vi.

} añ. 3. iij.

3. i. s.

Confice

Confice cum succo caulium, & fac pilulas. Scito tamen gummi genera potius dissoluenda esse in succo caulium, & expurganda, reliqua deinde cōmiscenda. durescunt mirè: tamē uis simplicium medicamentosa à gummi generibus seruat, & facile dissoluuntur, cum aquam persentiunt. De dosi nihil dicit Mesue. Ego drachmā nunquā excederē. mirè cōferūt iuncturarū doloribus, & podagræ frigidæ: nam humores crassos à remotis corporis partib. ducūt: imò & tenues. De hermodactylis disputatū habes in nostro Simplicium Examine. Cū uerò hermodactylus mihi suspectus sit, quoniā pharmacopolæ ephemerō colchicū accipiūt: propterea harū loco compositione quadā utor pilularum ab Alexand. Tralliano confectarum, quas de nitro nūcupamus, & etiā Alexā dri pilulas. in hac compositione nihil est quod expositione indigeat. Cū uerò simpliciter humores crassos, & frigidos educāt, composuere minores, quæ humores biliosos, tenues, & etiam crassos educerēt, & quæ ad podagrā calidā conferant, sicuti præcedētes ad frigidā cōueniūt. Puto autē in usum uenisse, ut solæ maiores recipiantur: quia non est uerum earum solam materiam frigidam educere: imò educunt & calidam, ratione aloes & aliarum simplicium bilem educentium. Minorum uerò compositio hæc est.

Rz	Hermodactylorum	3. v.
	Scammonij	3. ij. s.
	Myrobalanorum citrinorum	3. iij.
	Rosarum	3. ij.
	Aloes	3. x.

Confice cū cathartico ros. & da 3. ij. tamē satis est 3. i.

☞

Et fortè nimis. Cùm uerò à Mesue dicitur has pilulas fieri cum cathartico rosato, intellige electuariũ rosatũ suum solutione educens bilem, et non electuariũ de succo rosarum Nicolai, quo tamẽ non pauci pharmacopola utũtur, cum à Mesue dicitur accipiẽdũ esse electuariũ rosatum: multiq; ita faciunt propter expẽsas, ut uideãtur medicamẽta uilliori pretio uendere quàm alij faciãt: cum tamen hi et ægros decipiãt, et integras authorũ cõpositiones nõ seruẽt. Est alia de hermodactylis cõpositio Mesue attributa, quã ipse inuenit, et qua potissimũ utũtur Alexandrini ex Alexandria Lõgobardiæ. Ferrariæ uerò nullus unquã ea usus est, quod nouerim. Est uerò cõpositio talis.

Rx Hermodactylorum

Aloës

Myrobalanorum citrinorum

Turbith

Gingiberis

} añ. 3. v.

} añ. 3. ij.

Fac pilulas cum electuario rosato. da 3. ij. Idem uerò intellige per electuarium rosatum, quod superius factum est per catharticum rosatum: nam electuarium rosatum est catharticum, id est purgatiuum. hæc compositio tam tenues, quàm crassas materias educit, et tam à propinquis, quàm à remotis partibus. s e. Compositionem illam quæ ex Rhafi accipitur, nunquam audiui. B R A S. Efficiam ut in præsentiarum illam audias. Vocat autem illam Rhafis, Pilulas de hermodactylis maiores. iubetq; in dolore iuncturarum exhibendas, quãdo nec calor, nec rubor in loco fuerit, et æger sit frigida temperaturæ: et locus, quem tangimus ubi ægritudo est, frigidus sentiatur:

titur: datq; has pilulas in principio curationis . quod an
cōueniat, uel non cōueniat, disputare non est opus. Com
positio uerò est hæc.

℞ Hermodactylorum		
Satyrionis		} añ. 3. v.
Meisahara		
Hieræ picræ	3. x.	
Colocynthidis		} añ. 3. v.
Centaureæ minoris		
Euphorbij	3. ij.	
Turbith	3. x.	
Sceitaragi Indi		} añ. 3. i.
Gingiberis		
Sinapis		
Piperis		
Castorei		

Informetur ex his pilulæ, ex quibus à duabus drachmis
et semis, aut iij. sumatur. hæ nanq; pilulæ ualde confè=
runt, quia non ualētes surgere, incedere faciūt: tamē nos
3. i. non excederemus. Arabes ampliorē medicamētōrū
copiam ferūt, quā nos ferre possimus. s e. Nunquam
uidi aliquē has Rhasis pilulas parantē. b r. Tamē aliqui
parāt Ferrariæ et non ex infimis. Tu uerò semper tuas
seruato, scilicet maiores Mesue, idq; pro alijs medicis fa
cito: nam de ipsis parū curamus, imò illas nunquā indice
mus. s e. Quid intelligit author in hac cōpositione per
Meisahara? b r. Recētes dicūt esse Tithymali speciem: Meisahara.
sed quēnā sit, ignoramus. imò manifestē deprehenditur
non esse Tithymali speciem: quoniam Serapio de eo agēs
cap.

cap. 365. sub nomine Meizaragi, extra Tithymali species describit. quod autē hoc idem sit, licet nō dicat meisahara, ex eo apparet, quia inquit cōferre doloribus iuneturarum & articulorum: quid uerò sit, ignoramus. Etenim arbuscula est, in qua describenda nullā facit Græcorum mentionem Serapio: quod obseruare solet, quādo soli Arabes de eo simplici loquuntur: quippe adducit solū authorem quendam Abuzerig nomine, & aliū qui dicitur Abix. fortē est arbuscula, quæ nucem uomicam producit: nam dicit folia huius arboris si ponantur in aqua, inebriare pisces, quod facit nux uomica. Credendum uerò est herbam etiam idem efficere: tamen de nucem uomica aliās locutus est. In hac re sum ualde anceps, neq; quicquam certi determino, sed hæc anceps profero.

S E N E X.

Pilulæ lucis.

Posteaquā in his de hermodactylis pilulis tanta diuersitas est, ad pilulas lucis sermonē uertamus. B R. Et in his non desunt suæ ineptiæ: quoniā Ferrariæ aliqui parant maiores, alij minores, laborem effugere uolentes tot simplicium quæ maiores ingrediuntur. Maiorū compositionem referas. S E N. E N.

R̄ Rosarum
 Violarum
 Absinthij
 Colocynthidis
 Turbith
 Cubebæ
 Calami aromatici
 Nucis muscatæ

Spicæ

Spice

Epithymi

Carpobalsami

Xylobalsami

Sileris

Seminis rutæ

Squinanti

Assari

Mastiches

Caryophyllorum

Cinnamomi

Anisforum

Fœniculorum

Apij

Casie

Crocī

Macis

Myrobalanorum citrinorum

Chebulorum

Indorum

Bellericorum

Emblicorum

Raued sceni

Agarici

Scenæ

Euphragie

Aloes ad pondus omnium.

} añ. 3. ij.

} añ. 3. iiij.

} añ. 3. v.

3. vij.

Confice cum succo fœniculi. Dosis est à 3. ij. usq; ad 3. iiij. tamē satis sunt 3. ij. ad summū. quippe mutes sunt, quoniam

niam turbith & colocynthis in modica quantitate ingre-
diuntur. reliqua quæ educūt, ut sunt myrobalani, rhabar-
barum, agaricus, & aloë, imbecillia sunt. Nōne tibi ui-
detur hæc compositio mura atque magna? B R A. Magna
quidem, utpote quæ multa simplicia recipiat, sed iudicio
meo inepta. Aliquē fuisse arbitror, qui absq; ratione om-
nia in unum congefferit cū calida, tum frigida, quæ o-
culis conuenire uidentur: neque intentionem cōsidera-
se, quæ est à capite frigidos humores educere, ut inquiūt
recentes. nempe Mesue neque de calidis, neque de frigi-
dis mentionem facit: uerūm hæc compositio calidos etiam
educere potest. Mesue uerò dicit quòd addunt in uisum,
& eum roborant, & abstergunt instrumenta sensuum,
& expellunt superfluitates, & custodiunt sanitatem cor-
poris, & præsumitur super eis absq; necessitate abstinē-
di. hæc Mesue. Ex quibus non accipitur, quòd crassos
humores uel tenues educant. Verūm huius compositionis
author omnia in unum collegit tam calida, quàm frigi-
da quæ uisui conferant, & addit medicamenta omnes ma-
terias euacuantia, tam calida quàm frigida, tam à remo-
tis partibus quàm à propinquis. S E. Tuo igitur palato
non sapit hæc compositio? B R A. Neque meæ menti sa-
pit: etenim absq; ratione omnia in unū collecta sunt, quæ
ad unam intentionem uniuersalem faciunt, absq; ulla se-
cretionē, an sit ob materiam tenuem uel crassam, uel cali-
dam uel frigidam. uerum hæc omittamus. Dic autē quid
accipis in hac compositione pro casia? S E. Communem
casiam. Illam, inquam, quam tu cherath longam, uel fili-
quam oblongam nuncupare soles. B R A. O crassa igno-
rantia.

rantia. Hic pro casia opus est simplex illud accipere uocatum canella, quæ cinnamomū non est, sed antiquorum casia. s E. Subijt nunc memoriæ, te de hac re in Simpli-
cium Examine mentionem fecisse. Verū cū cinnamo-
mo careamus, duplum casia, id est canellæ accipere oportebit. B R A. Id deinceps facito, & longam uocatam casiam in hac compositione dimittito, quæ ad rem nihil facit. Vt autem superius à nobis dictum est, multi pharmacopolæ ut laborem euitent potius quàm impensas, pilulas lucis minores conficiunt: cumq; à medicis pilulæ lucis indicuntur, has minores quas seruant, præbent, quarum hæc est compositio eandem habens intentionem (ut inquit Mesue) cum præcedente.

Rx	Xylobalsami	}	ana 3 i.
	Carpobalsami		
	Chelidoniæ	3	v.
	Rosarum	}	ana 3 iij.
	Violarum		
	Absinthij		
	Euphragiæ		
	Senæ	}	ana 3 ij. s.
	Epithymi		
	Myrobalanorū citrin.		
	Chebulatorum		
	Indorum		
	Bellericorum		
	Emblicorum		
	Agarici		
	Colocynthidis		

L

Squinanti

Licij

Lapidis lazuli

Aloës lotæ ad pondus omnium.

Confice cum succo fœniculi, aut chelidonie. s E. Nulla igitur est inter has & præcedentes quo ad intentionē differētia? B R A. Quantū ad hoc quod uisui cōferunt, nulla: uerū maiores, etsi omne materierū genus educant, potissimū uerò pituitosas educūt: minores uerò potissimū atrabilarias, cū & ipsæ omnes educere possint. Verū quid accipis pro xylobalsamo & opobalsamo? s E. Id quod alij accipiūt pharmacopolæ. B R A. In primis statim huius cōpositionis simplicibus errare incipis, quamuis etsi hæc duo simplicia abessent, non magnifacerem. Vulgus id recepit ueluti proloquiū, opobalsamum uisui mirū in modū conferre: quod tamen nec cōstat, nec rationabile est, nec ab aliquo fide digno authore proditum est. At in usum uenit cū uulgus profert hoc nomen balsamus, statim rem quēdam mirabilem, & ueluti diuinam cōcipiat ac pretiosissimam, qua ægritudines omnes expelli possint. s E. Meum igitur morē & deinceps sequar, maiores lucis pilulas cōficiens. B R A. Vt lubet scito. scitoq; hanc cōpositionem diu perdurare nō posse: quia paucissima glutinosa recipit. intellige uerò glutinosa, ut mel, eclegmata, saccharum, mel rosaceum, & etiam genera gummi, quæ uim simpliciorū seruare possunt. Differunt uerò gummi genera ab alijs: quia & si gummi genera uim seruent medicamentorum, tamen compositiones præduræ efficiuntur. Mel uerò & mel rosaceum, & electua

electuaria compositiones molliores seruant.

SENEX.

Pilule alandaal consequuntur. Pilulae alandaal. BRA. Cum duæ sint apud Mesuen sub hoc nomine compositiones, quam sequeris? SEN. Primam compositionem sequor, quam Mesue dicit esse Hermetis, & illam paro, atque seruo, quæ ualet ad sodam antiquam, & ad difficilem hemicraniam, & ad ægritudines neruorum, & iuncturarum. hæc uerò est illarum compositio.

℞ Trochiscorum alandaal	3	xij.
Hieræ simplicis	3	vij.
Mastiches	3	ij.
Salis gemmæ	aur.	I.
Ladani	℥	I.

Omnia, præter ladanum & mastichen terantur, & cribellentur, & in unū misceantur: mastiche uerò puluerizetur cum pauco oleo nucū, & liniantur cum eo species, id est pulueres triti. deinde cum ladano conficiantur, & in mortario terendo pistillo calido fiant pilulæ crassæ. da à 3.s. usque ad 3.I. BRA. Sunt uehementissimæ pilulæ & quæ à remotis partibus impetuosè ducunt. His quandoque usus sum in morbi Gallici doloribus, cum caput & iuncturas uexant, & mirè cōtulerunt: tamen quia tormina commouent, & uentriculum subuertunt, & is qui accipit per tres dies appetentiā non habet: propterea ab his ipsis abstinere cœpi, & earum loco pilulis Alexandri utor, de quibus postea mentionē faciemus. Pituitam uehementē educūt à remotissimis corporis partibus. De trochiscis Alandaal nihil in præsentiarum dicemus.

qui ex colocynthide confecti sunt, quoniam de ipsis in li-
bello de Trochiscis agemus. Tu locum illum perlege, si
colocynthidis præparationē noscere cupis. s e. Sunt etiā
nonnulli, qui secundā Mesue cōpositionem parāt. B R A.
Scio, & ad eadem ualet ad quæ primam conferre dictum
est: tamen sunt minus calidæ primis. Hæc est earum com-
positio, quæ (ut inquit Mesue) sublimis est ad cerebri
ægritudines, & neruorum pituitosas, & iuncturarum.

℞ Trochiscorū alandaal 3 x.
Salis gemmæ 3 i.
Ladani 3 xij.
Olei rosarum quantum sufficit.

s e n. Per gulam optimè discurrere debent. B R A. Opti-
mè propter oleum. De simplicibus, quæ has cōpositiones
ingrediuntur, in Simpliciorū Examine dictū est. Ladanum
prius cum oleo misceto, deinde sal gēma, & trochiscos.

S E N E X.

Pilulæ de lapi-
de lazuli.

S Væ sedes pilulis de lapide lazuli in hoc loco data est.
B R A. Hæ sunt in magno usu ubique, & alicubi illæ
de lapide Armeno parantur. Tu in præsentiarum com-
positionem pilularum de lapide lazuli in medium affe-
ras. s e. Hæc est apud Mesuen compositio, quæ ad ægri-
tudines melancholicas ualet, & ad bilem adustam.

℞ Lapidis lazuli abluti 3 v.
Euphymi } ana 3 viij.
Polypodij }
Scammonij }
Hellebori nigri } ana 3 ij. s.
Salis Indi }

Agarici

Agarici 3 viij.

Caryophyllorum } ana 3 iiij.

Anisforum

Hieræ picræ 3 xv.

Confice ex succo endiuivæ, & da drachmas duas cū aqua casei. B R A. Ego nunquā excederem 3. i. nam sunt pilulæ satis uehementes. ad cancrum ualent, ad quartanam, ad lepram, & ad alias atrabilarias ægri tudines. Eandem ferè inscriptionem habet Serapio in suo Antidotario. Quomodo autem lapis lazuli abluendus sit, superius dictum est: & ille modus est ac regula abluendi omnes lapides. At cum non desint pharmacopole, qui pilulas de lapide Armeno conficiant, ab re non erit earum compositionem adducere, quæ ualent ad atram bilem euacuandam, & bilem adustam, & omnibus morbis conferunt ab his humoribus factis. ita uerò conficiuntur.

Rx Lapidis Armeni loti

& præparati

} ana 3 v.

Pilulæ de lapide Armeno.

Hieræ picræ

Epithymi

Polypodij

Agarici

} ana 3 viij.

Scammonij cocti in cydonio 3 iiij. s.

Caryophyllorum 3 ij.

Salis Indi 3 i. s.

Confice cum succo solatri. s E. Mihi uidetur uehementiores esse, quàm illæ de lapide lazuli. B R A. Imò sunt uehementiores, & non solum bilem atrā educunt, sed & flauam: quamuis & præcedentes bilem educant ratione

scammonij. Simplicia quæ has cōpositiones ingrediuntur, in nostro Simpliciu Examine expensa iam sunt. Diu perdurare non possunt hæ pilulæ, quia nihil recipiunt glutinosi, & ueluti lapis tempore durescunt. SE. Nōne & Indæ pilulæ atræ bili conducunt? BRA. Conducunt quidem, sed non sunt adeo uehementes ut illæ de lapide lazuli, & adhuc minus quàm illæ de lapide Armeno. Nonnulli putāt non fieri pilulas de lapide Armeno, & in usu non esse, quia Armeno lapide caremus. uerūm hi decipiūtur: nam & lapis Armenus habetur ex Armenia cōportatus, & ex Germania. Non enim existimandū est speciē illam lapidis non esse in alia mūdi parte, quàm in Armenia: sed quia probatissimus est in Armenia propterea Armenus nuncupatur. Habet ferè eundē colorem cum lapide lazuli, de quo in nostro Simpliciu Examine egi. in aurifodinis reperitur, & est ferè semper chrysocollæ mixtus. Nos & ex Armenia, & ex Germania domi habemus chrysocollæ mixtū, & experti sumus ablutam atrā bilē egregiē soluere, & solam 3. i. dedimus hieræ mixtum. Alexanderq; Trallianus cap. 22. primi lib. Armeniū lapidē ueratro præfert, utpote in quo sit minus discriminis quam in ueratro. & dicit habere uim purgandi egregiam, tam per superna, quàm per inferna, & tam lotum, quam non lotum: tamen lotus nullam molestiā nullumq; angorē, afferre potest. refertq; cōpositionē quādam pilularum ex lapide Armeno, hoc modo confectam.

Rx Picræ
Epithymi
Agarici

} singulorum obolos octo.

Lapidis

Lapidis Armeni loti ʒ. s.

Scammonij ʒ. iiij.

Caryophyllorum obolos duos.

Qua autem re conformentur, docet in alia compositione quam statim adducit, iuxta recentiores sui temporis, quæ hæc est.

℞ Picræ

Epithymi

Agarici

Lapidis Armeni loti

Scammonij

ʒ. ij.

Caryophyllorum granum unum.

} sing. diobolos iiij.

Contundito singula de more, & redige in pilulas cum melle rosaceo, uel succo māli medici. Dosis uerò esto ad minimū ʒ. ij. ego usq; ad ʒ. i. exhibeo. Optarim ut hæc compositio passim haberetur: nam (ut idem Trallianus dicit) stomacho robur inducit, & multifarios humores euacuat, præsertim terreos, & atram bilem citra angustiam soluit: neq; est quod in huius lapidis usu quicquam periculi speres, quoniam neque strangulatum aliquem, neque animi deliquia morè uerari albi inducit. Mesue in cap. De soda frigida, hanc secundam Alexandri compositionem per hunc modum refert.

℞ Hieræ picræ

Epithymi

Agarici

Lapidis Armeni loti & præpa.

Scammonij præparati

Caryophyllorum

} añ. ʒ. iiij.

ʒ. v.

ʒ. i.

L 4

Fac pilulas cum aqua rosocea. dosis 3. I. SEN. Parum differunt. BRAS. Imò eadem esse deberent. SEN. Vis ergo ut hanc Alexandri compositionem paratam seruemus, & ex lapide Armeno ex Germania comportato? BRA. Id summè optarem, & simul alij medici quod pro ægris suis indicarent, præscirent.

SENEX.

Pilulae debenedicta.

CONTineri non possunt pilulae de benedicta, quin huc sponte sub examen uenerint. BRAS. Quis est harum pilularum author? SEN. Certè ignoramus, nisi ex Nicolai benedicta accipiantur. BRA. Inde initium habere certum est: nam benedicta Nicolai frigidae podagrae confert, arthritidi, renibus, quoties ex frigidityte affecta sint. Est uerò eius compositio talis.

Rz Turbith	} ana 3 x.
Esulae	
Sacchari	
Diagridij	} ana 3 v.
Hermodytylorum	
Rosarum	
Caryophyllorum	}
Spicae	
Gingiberis	
Croci	
Saxifragiae	
Macropiperis	
Amomi	
Cardamomi	
Lithospermatis	

Petrose

Petroselini	} añ. 3. 1.
Salis gemmæ	
Galangæ	
Macis	
Carui	
Fœniculi	
Sparagi	
Brusci	
Granorum solis	

Mel quod sufficit. Detur in sero ex uino calido, ad modum castaneæ. S E. Hoc est eclegma de benedicta, quo utimur. B R A. Obstetrices Ferrarienses in uteri affectibus hac benedicta absque ulla affectus consideratione utuntur. Pulveres absque melle accipiuntur, & ex succo fœniculi pilulæ fiunt: uel, ut alij, ex melle rosato, ut diutius perdurent. nam ex melle cōfectæ non exiccantur: ex aqua autē fœniculi serè lapidescunt. Datur harum pilularum drachma una, & etiā scrupuli quatuor. Qui hanc compositionem describunt, ita inquirunt.

℞ Specierum de benedicta 3. VI.

Ex melle rosaceo, uel ex aqua fœniculi, quantū satis est, fiant pilulæ. Omnia simplicia quæ hanc compositionem ingrediūtur, in nostro Simplicium Examine prodita sunt.

S E N E X.

Pilulæ de cynoglossa tanquam illæ quæ lento gradu profectæ sunt, ultimo loco accessere. B R A S A. Ex Pilulæ de cynoglossa.
quo authore accipiuntur? S E N. Ex Nicolao. B R A S.
Quomodo ex Nicolao, cum alij pharmacopole ex Me
sue potius accipiant? S E N. Apud Mesuen nunquam legi

L 5

pilulas sub hoc nomine de cynoglossa. B R A. Equidem sub hoc nomine à Mesue non describuntur, sed sub eo nomine, Pilulæ ad omnes morbos catarrhi, & coryzæ, & tussis catarrhalis. S E N. Memini me uidisse has pilulas, & in quorundā medicorū gratiam præparasse. B R. Multi pharmacopolæ has seruant, & non illas Nicolai. sed Nicolai compositionem nunc referas. S E. Hæc est.

Pilulæ ad omnes morbos catarrhi, coryzæ, & tussis.

<i>Rx</i>	<i>Cynoglossæ</i>	} añ. 3. iiii.
	<i>Opij</i>	
	<i>Sem. iusquiami</i>	
	<i>Myrrhæ</i>	3. vi.
	<i>Olibani</i>	3. v.
	<i>Caryophyllorum</i>	3. ij.
	<i>Cinnamomu</i>	} añ. 3. ij.
	<i>Corymbi</i>	

Temperentur cum rhodostomate, id est cū aqua rosacea, & conformentur pilulæ ad modū ciccris, ex quibus dentur quinq; uel sex cum itur dormitū. Nos damus unam maiorem. B R A. In hac compositione duo considerāda occurrūt: unū est, aliquos Nicolai codices legere cozum bri, alios corymbi. Si legamus corymbi, facile est uidere quid sint: nam sunt hæderæ flores, qui in unā massam collecti hoc nomine uocantur. pro eis autē accipienda sunt semina. Tamē neq; apud Dioscoridem, neq; apud Galenum usquā inuentū est corymbos tussi cōuenire, uel destillationi: neq; tenuē materiā crassiorē reddere possunt, sed potius è contrario facerēt: quamuis ex duplici substantia cōstare dicat Galenus, ex frigida, inquā, terræ & adstringēte: ratione cuius tenuē destillationem incrassare possent

possent simul cum alijs in cōpositione præscriptis. constantq; ex substātia calida. Sed ne lōgius te protrahā, suspicor hic nō esse legendū corymbi, sed potius cozūbri. **SE.** Ego semper accepi in hac compositione corymbos: ignoroq; quid tu per cozumbri intelligere possis. **BR.** Arabes uocāt Cozumbri styracis facē: nos uerò hic intelligimus ipsam styracē: nā tujsi cōferre, destillationib. grauedinibus, & faucibus dicit Dioscorides, & Galen. cōfirmat. Cū uerò apud Arabes uocabulū cozūbri sit potius falsi styracis nomen, & eius facis, quā ueri, putamus hinc fuisse corruptū uocabulū: quia Græci styracē adulteratā σκωδανιτλιω uocāt, quasi uermicularē: inde corruptio cōtiguit, & pro scolecite cozūbri legunt. **SE.** Styrax igitur accipienda est. **BRA.** Accipienda, ut arbitror. **SE.** Quidnam illud est quod secundo loco considerandum proponebas? **BRA.** Id est, ex quo tota compositio conficitur & conglutinatur, scilicet rhodostoma. **SEN.** Nōne est aqua rosacea? **BRA.** Equidē: nam Græci sua uulgari lingua ita uocant aquam rosaceam uel ignis eliquatam: tamen suspicati quandoq; sumus, an legi oporteret rhodostacte. Est uerò rhodostacte antiqua cōpositio, qua facile cōcinnari possunt catapotia. Fit autem (ut Paulus docet lib. septimo, cap. 15. circa finē) ex succi rosarū exectis unguibus sextarijs duobus: mellis sextariū unum decoquito usq; despumādo, donec pars quarta coctura euanescat. Si hæc compositio ex rhodostomate fiat, diuturna non est: ex rhodostacte uerò diu perdurare potest, & uim medicamentorū seruare magis, quā si ex aqua rosacea: licet & gūm uim medicamentorū seruēt.

Primò

Cozumbria

Rhodostoma

Rhodostacte

Primò igitur gummi in aqua rosacea dissoluantur, alia
deinde commusceantur. Hæc de Nicolai compositione,
quam tu paras, satis sint. In alijs autem officinis inueniun-
tur pilulæ Mesue de cynoglossa, quas tamen ipse non uo-
cat de cynoglossa, sed pilulas ad omnes morbos catarrhi,
coryzæ, & omnis tussis catarrhalis. At hæc simpli-
citer uera non sunt, quippe solum confert destillationi-
bus calidis & tenuibus, quas egregiè sistit. Nonnulli sunt,
qui eas uocant pilulas alchazaber. uerum idem est ac si
dixissent de cynoglossa, quo nomine etiã alijs in hac com-
positione utuntur: quarum commixtio hæc est.

Rz	Myrrhæ puræ	3. vi.
	Olibani	3. v.
	Opij	} añ. 3. iiij.
	Iusquiami	
	Croci	3. i. s.
	Radicum linguae canis	3. iiij. s.

Fiant pilulæ, & administrētur, & da à 3. s. usq; ad 3. i.
Confici autē debent, aut ex oxymelle, aut rosaceo melle,
aut aqua rosacea. Veruntamen id te non lateat, Mesuen
in fine summæ quartæ in cura catarrhi, descriptionem
quandam pilularum posuisse ex sententia Alexandri,
quas dicit uocari pilulas halchaiber, ubi loquitur de me-
dicamentis ad tussim catarrhalem frigidam. hæc uerò est
earum compositio, ut refert Mesue.

Pilulæ alcha- zaber.	Rz	Myrrhæ	3. iiij.
		Thuris masculi	3. ij. s.
		Opij	} añ. ij.
		Hyoscyami	

Radi

Radicum alchalchacar siccae J

Confice cum succo Alcazaber humidæ. da ex eis à tribus usq; ad quinque in sero: sunt enim mirabiles. SEN.
 Quid significat Alchalchacar? BR. Cynoglossam. SE. Alchalchacar
 Nónne & Alcazaber idē significat? BR. Ita inquiunt:
 sed sunt barbara nomina, & ut arbitror corrupta. SE.
 Reperiūtur ne apud Alexādrū hæ pilulæ? BR. Maxi-
 me: uerū ipse nō uocat pilulas de cynoglossa, sed bechi-
 cas: quarum superius in bechicis pilulis mentionem feci-
 mus. & Paulus has mirificè effert tanquam ualidißimas,
 & quæ medendo acri & tenui fluori plurimū ualent,
 cuius beneficio plures uidi una dūtaxat potione sanatos,
 quæ & succurrūt eximiè sanguinis fluori per quamcūq;
 eat partem. SE. Differt ne compositio, quam refert Me-
 sue, ab illa uera Alexandri? BRASA. Solū in pon-
 dere differunt, & in materia ex qua glutinantur simul
 simplicia. SEN. Alexandri igitur compositionem refe-
 ras. BRA. Hæc est.

Rx Myrrhæ troglodyticæ denariūm pondo VI. Pilulæ Ale-
 Thuris denariūm pondo quinque. xandri.

Lachrymæ papaueris

Hyoscyami

Radicis cynoglossi

} añ. denariūm
 pondo iiij.

Cortices prius in sole exiccatae in puluerē redigātur, &
 per cribrū traijciantur, postea cum alijs confundantur.
 Papaueris uerò lachrymā, quam opium uocāt, aqua di-
 luito, fac deinde pastillos pōdere singulos denarij unius.
 dato cuiq; pro suis uiribus, & morbi magnitudine. hæc
 Alexander lib. 2. cap. 4. SE. Certe parum differunt.
 sed

sed cur dat pro uiribus cum non exoluant? B R. Id facit ratione opij. nam in uiriā imbecillitate ea quæ opium recipiunt, danda non sunt, ne modicus ille calor qui adest extinguatur. Tu igitur institutum prosequaris.

S E N E X

Pilulæ de nitro.

Nihil aliud mihi dicendum superest, cum pilulæ omnes quæ Ferrariæ in usu habentur, iam enarratæ sint. B R A. Tam pauca sunt apud uos pharmacopolas pilularū genera? S E. Non plura Ferrariæ: tamen unum aliud genus mihi in mētem uenit, quo tu uteris, & cæteri qui te sequuntur medici. B R A. Quodnam? S E. Id genus quod tu nonnunquā uocas pilulas de nitro, ut plurimum pilulas Alexandri. B R. Imò neq; istud genus prætermittendum erat: nam à capite uehementer educunt, ab extremis partibus, & à iuncturis, & omne materierum genus expurgant, tam crassarū, quàm tenuium, tam pituitosarum, quàm atrabiliarū & biliosarū. Certè inueni has pilulas in iuncturarū dolorib. muras, in podagra, in chiragra, in capitis dolore: in Gallico morbo ea uidimus quæ dictu ferè incredibilia uidentur. Mesue in cap. De epilepsia, hanc cōpositionē adducit secundum Alexandrū, dicitq; nullas esse fortiores pilulas his ad epilepsiā, arthritim, & podagrā. Earum uerò compositio hæc est.

Rz	Aloes	} añ. partem unam.
	Colocynthis	
	Scammonij	
	Bdellij	
	Hellebori nigri	
	Corticum gummi	
		Euphor

Euphorhij

Baurach

} añ. partem semis.

Confice cum succo caulium. dosis est à 3. i. usq; ad ij. tamen ego nūquam excedo drachmā. s e. Vnum est in quo ambigo in his pilulis, de quo uolui te sæpius interrogare & semper oblitus sum, quid scilicet intelligendū sit per corticem gummi. B R. Respondere possem intelligendum esse corticem arboris gummi mixtum, uel partem crassiorem. tamen quia arbitror ueram gummi compositionem ingredi oportere (si ingredi debeat) & non aliquid superfluum: propterea in Mesue ita legendum arbitror, corth, id est gummi. scriptores uerò simul coniungere illam particulam, id est cum illa corth, & legere corthi, quam dictionem alij transcribentes dixere corticum gummi: cum tamē legi debeat corth, id est gummi: nam hoc nomine Arabes uocāt gummi. Tamen non mihi placet, ut in hac compositione Mesuen imiteris, sed Alexandrum qui de gummi nihil dicit: sed pro gummi, comi scriptum est, cum inquit.

℞ Aloes

Colocynthis

Scammonij

Bdely

Corticis uerari nigri

Comeos

Euphorbij unciam unam.

Nitri unciam dimidiam.

} singul. 3. s.

Excipe succo brassicæ, & redige in catapotia. dosis est 3 iij. seu iij. pro ægri robore. fortè error illius particule
corti

corticū gūmi hic fuit: quia dicit prius ueratri nigri corticis, postea sequitur ameos: Mesue autem dixit ami, & librarius coniūxit illam particulā corticis cum illa ami, legitq; gummi & ami. Quicquid uerò sit, tu cōpositiōnem illam conficere debes, quam nuper ex Alexandri lib. 1. cap. 21. adduximus. S E. Eam deinceps parabo. B R A. Extat & apud Galenum prope finē quinti libri Methodi medendi cōpositio quædam, quæ huic similis uidetur. & Galenus eodem loco dicit has esse suas pilulas, quæ à capite purgant plures excrementorū species. S E. Compositionem refer. B R A S. Hæc est.

R̄	Aloes	} añ. partes æquales.
	Scammonij	
	Colocynthidis	
	Agarici Bdellij	
	Gummi Arabici	

Pilulæ de sex
rebus.

Misce, & fiant pilulæ. S E. Plerunq; hanc cōpositiōnem in Nicolai Leonici gratiam conficiebam, & ipsi illam uocabat, Pilulas de Sex rebus. B R. Mihi uerò nūc succurrit in tua officina nonnunquam audiuisse eundem Leonicum pilulas de sex rebus indicentem. S E. Fieri potest.

B R A S A V O L V S.

Pilulæ sebelliæ.

A Te scire uelim diligentissime Senex, cur sebellias pilulas à Sebellio auctore inuētas nō sequetis. S E. Nunc non succurrunt mihi hæc pilulæ. B R. Vltimæ sunt in Mesue Antidotario, ubi d: pilulis agit. Hæc autem est illarum cōpositio.

R̄ Spicæ Indæ 3. V.

Spicæ

CATAPOTIORVM.

177

Spicæ Romanæ	3 ij.
Raued	} ana 3 iiij.
Agarici	
Epithymi	
Costi	} ana 3 iij.
Mastiches	
Chamedreos	
Amomi	
Croci	3 ij.
Myrrhæ	} ana 3 i.
Cinnamomi	
Caryophyllorum	
Squinanti	
Aloës	3 x.

Fiant cum uino antiquo .da 3 .ij. cum uino permixto. Hæ
 Mesue sunt pilulæ satis mites, & quæ plurimum pro=
 sunt. soluunt enim materiam biliosam, crassam, & ieco=
 ris, splenis, ac stomachi obstructions aperiunt. hydropi
 conferunt aquam educentes. s e. Memini me quandoque
 seruasse has pilulas in officina: sed posteaquam uidi nul=
 lum medicum ipsis uti, & pixidẽ & pilulas ab officina
 eieci. B R A. Vtinam id fecisses de multis alijs pilularum
 compositionibus: nam paucissimæ sunt quas uerè probẽ.
 Sed cur Imperiales pilulas omisisti, & de styrace, de cro
 co, de colocynthide, & multas alias? s e. Quia Ferrariæ
 in usu non sunt: & si quis eas cõficere uoluerit, nõquam
 uendentur. B R A. Igitur huic jermõni de Pilulis finẽ fa=
 ciamus. s e. Vt lubet, modò singulatim omnes pilulas ite=
 rum recenseas, de quibus superius dictũ est, & breui ad

M

quid conferant, explicare tentes. BRAS. Vis igitur ut eundem laborem iterum sumamus? SEN. Non erit idem labor: sed erit, breui in memoriam reducere ea quæ iam promiscuè, sparsim & confuse explicata sunt. BRA. Ne uidear in re tam exigua tibi obtemperare nolle, id libenter efficiam: sed tali ordine pilulas explicabo, ut mihi in mentem uenient. SE. Res est nullius momenti hic ordo. BRA. Audias igitur.

Pilulæ aggregatiuæ omnes humores educunt, præsertim illæ Mesuæ, & antiquis febribus conferunt, & ægritudinibus capitis, stomachi, iecoris, lienis, & omnium membrorum. Aggregatiuæ autem maiores humores crassos potius educunt.

Pilulæ Alefanginæ educunt humores crassos, pituitosos. mundificant stomachum, cerebrum, & instrumenta sensus. concoctionem adiuuant, & doloribus uentriculi & intestinorum conueniunt.

Pilulæ de hiera simplici educunt biliosas materias, crassas, & pituitam quæ in uentriculo, iecore, ac uis potissimum sit: & uentriculo, ac capiti imbecillioribus conueniunt. his mirum in modum prosunt, quibus uel ob studium literarium, uel ob aliud simile uentriculus imbecillis effectus sit.

Pilulæ de hiera cum agarico bilem educunt, & pituitam: capiti conferunt, uentriculo, & pectori.

Pilulæ de hiera Logadij atrabilarias materias & pituitosas uehementer educunt, imò & bilem educunt. impeditam locutionem ex quacunque causa fuerit sanitati restituunt: paralyti conueniunt, tremoribus, epilepticis,

pticis, & omnibus ferè capitis morbis, extremitatum,
& partium neruofarum.

Pilulæ de rhabarbaro biliosos humores & crassos edu-
cunt: febribus ex diuersis humoribus putridis confe-
runt: dolori iecoris, & hydropi succurrunt.

Pilulæ de tribus cum rhabarbaro bilem crassam, & pitui-
tam educūt. uentriculo cōueniunt, capiti, atq; pectori.

Pilulæ Assaiareth uentriculo cōueniunt, capiti, & ieco-
ri, & bilem crassam educunt, ac pituitosam materiam.

Pilulæ Indæ atram bilem exquisitè educunt, ægritudini-
bus atrabilarijs cōueniunt: quartanæ, tremori, mania, &
& lienis duritiei.

Pilulæ Sine quibus esse nolo, educunt bilem atram, atque
flauam, & pituitam: caput mirè purgant, suffusioni-
bus conueniunt, oculorum obscuritati, iliosis, & au-
rium dolorem soluunt.

Pilulæ de Agarico educunt humores crassos, putridos,
pituitosos: pectori cōferunt, asthmati, et tussi antiquæ.

Pilulæ aureæ bilem purgant, & pituitam: capiti confe-
runt, oculis, uentriculo, iecori.

Pilulæ fœtidæ humores crassos educunt, pituitosos, &
atrabilarios. iuncturarum doloribus conferunt ex cru-
do & pituitoso humore: lepræ conueniunt, morpheæ,
& dolori uentriculi à materia crassa & flatu.

Pilulæ cochicæ biliosos humores educunt, & pituitosos
crassos. hemicranæ conueniunt, dolori uentriculi, &
ily.

Pilulæ de hermodactylis maiores frigidos iuncturarum
humores educunt, & frigidis morbis conueniunt.

minores ualent ad materias calidas iuncturarum, & calidis morbis conferunt.

Pilulæ Arabicæ purgant omnes humores tam frigidos, quàm calidos: tam crassos, quàm tenues. lætitiā inducunt, sensus roborant: capitis doloribus, aurium, & dentium conueniunt. idq; faciunt in omni ætate.

Pilulæ lucis maiores pituitam magis educunt, minores atram bilem magis. uisum & sensus roborant: caput, & totum corpus ab omni materia euacuant.

Pilulæ cōmunes, biliosas materias, crassas, educunt. uentriculo cōferunt, & capiti, & à pestilentia præseruāt.

Pilulæ bechichiæ nihil educūt, sed tussī conferunt ex materia tenui calida, & destillationi quæ ad pectus fluat.

Pilulæ de cynoglossa magis quàm bechichiæ (quamuis & ipsæ bechichiæ sint) ualent ad destillationē tenuem & calidam, & ad omne genus catarrhi & tussis, potissimum ex tenui materia.

Pilulæ masticinæ biliosos humores educunt, crassos, & pituitosos. uentriculo conueniunt, pectori, & capiti.

Pilulæ stomachicæ biliosos humores & pituitosos educunt. concoctionem perfectiorem faciunt: cerebrum & stomachum à corruptis humoribus purgant, appetentiamq; excitant.

Pilulæ Alandaal pituitam & humores crassos educunt, idq; faciunt à iuncturis, & à capite, & à partibus longinquis, & capitis doloribus conferunt.

Pilulæ de mezereon educunt aquam citrinam, & aliam præterea. asciticis mirum in modum conferunt.

Pilulæ de benedicta pituitam cum bile à remotis partibus edu-

bus educunt, & à iuncturis. potissimum renibus conferunt, & uesticæ.

Pilulæ de eupatorio bilem crassam educunt, & pituitā: periodicis febribus conueniunt, & longis: iecoris doloribus & obstructionibus opitulantur, & icteritiam delent.

Pilulæ de sarcocolla pituitam educunt, & omnibus pituitosis ægritudinibus conferunt.

Pilulæ de serapino educunt pituitam crassam, glutinosam. paralyti conueniunt, iuncturarum doloribus ac dorsi, modò à frigida causa contingant. podagræ succurrunt, & frigidæ chiragræ.

Pilulæ de Aloë educunt bilem crassam pituitæ mixtam. roborant uentericulum: & capitis doloribus, qui à uentriculo dependent, conferunt.

Pilulæ de lapide lazuli humores atrabilarios educunt, & adustā bilem: quartanæ conferunt, cancro, & omnibus morbis atrabilarijs. Indicis præponendæ sunt.

Pilulæ de lapide Armeno ad idem ualent, & sunt adeò mites, ut absque molestia & angore educāt, & omnes alias præcellunt ex his que atram bilem educunt.

Pilulæ de nitro omnes humores educunt, tam tenues, quàm crassos: tam calidos, quàm frigidos, & ab omni parte tam longinqua, quàm remota: unde omnibus iuncturarum morbis, & capitis competunt. Hæ sunt (ut arbitror) uenerande Senex omnium Pilularum uires, quarum superius in Examine mentio facta est: nisi genus aliquod mentem nostram effugerit. s E. Nullum genus mihi succurrit de quo uires adductæ non sint.

BRAS. Prandij hora instat, & à me ægri quidam in-
 uisendi sunt, ut illis uictū instituā: uel hīc me expecta-
 to, uel negotia quædam interim expedias, ut opportu-
 nè in prandio mecum esse possis. SE. Hoc tibi spon-
 dere non decreui: sed à prandio statim ad te accedam,
 ut denique huic sermoni de Compositis medicamentis
 finem faciamus. Nam post Catapotia, uehemēter opto
 ut medicamenta cathartica recensamus, quæ uel liqui-
 da sunt, uel consistentiæ mellis formam habent, aut
 paulò densiorem: ne in his componendis error
 aliquis in nostra officina contingat. BRAS. Id
 pro uiribus efficere nitar, ut in eo quod pos-
 sum tibi faciam satis. Interim ô famule
 mulam adducito. Vale Senex, &
 posteaquàm in prandio nobis-
 cum tibi esse non licet, à
 prandio te expecta-
 bo. SEN. Statim
 accedam.

FINIS.

Index eorum quæ in hoc

P I L V L A R V M

libello continentur.

A		E	
A	ccidentia an transeant de	Electarium rosatum	120
	subiecto in subiectum 39	Esula	146
	Alchalchacar		
	173		
	Aloë quomodo lauari debeat 32	Gingidium	124
	Alscebram	Globuli	26
	146		
	Armal		
	133		
	Armel		
	ibid.		
B		H	
	Benedicta compositio	Harmel	133
	168	Harmal	ibid.
	Besasa	Harmala	ibid.
	134	Hiberis	126
	Βηχιον medicamentum	Hiera picra uocata	44
	142	Hiera Themisonis	53
C		Hypoglossa medicamenta	143
	Cardamantice	Hippolytæ Farusinae mentio	87
	126		
	Carpesium		
	133		
	καταπότια		
	25		
	Chamelea		
	152		
	κόκκοι		
	25		
	Cozumbri		
	171		
	Cuniculus		
	130		
D		I	
	Dasypus	Iniuria quod non referenda, &	
	129	quod is sibi facit iniuriam, qui	
		alijs iniuriam referre studet 9	
		Iberis	130
		L	

I N D E X.

Lapis lazuli, uel Cyaneus	93	ro	88
Lapis Armenus	94	Pilulæ communes	ibid.
Lepidion	125	Pilulæ de tribus Rusi	89
Lepus	129	Pilulæ de aloë	91
		Pilulæ Indæ	92
	M	Pilulæ Arabicæ	95
Meisahara	157	Pilulæ Sine quibus	97
Meizaragi	158	Pilulæ de fumo terræ	101
Mezereon	152	Pilulæ de agarico	ibid.
Moly	134	Pilulæ quæ abstergunt pectus	
	O		
Orbiculi	26	104	
	P	Pilulæ aureæ	106
Peuerella	128	Pilulæ de turbith	108
Pilulæ unde dictæ, quid sint, &		Pilulæ cochicæ	III
de earum forma	25	Pilulæ aggregatiuæ	116
Pilulæ Alefanginæ, & unde di-		Pilulæ de Serapino	135
cantur	28	Pilulæ bechichicæ	141
Pilulæ de aromatibus, & unde di-		Pilulæ foetidæ	144
cantur	ibid.	Pilulæ de sarcocolla	150
Pilulæ de simplici hiera Galeni		Pilulæ de mezereon	151
43		Pilulæ de eupatorio	152
Pilulæ de hiera cum agarico	61	Pilulæ de hermodactylis	154
Pilulæ de hiera Logadij	65	Pilulæ lucis	158
Pilulæ stomachicæ	69	Pilulæ alandaal	163
Pilulæ masticinæ	79	Pilulæ de lapide lazuli	164
Pilulæ Assaiareth	81	Pilulæ de lapide Armeno	165
Pilulæ de rhabarbaro	83	Pilulæ de benedicta	168
Pilulæ de raued sceni	84	Pilulæ de cynoglossa	169
Pilulæ de tribus cum rhabarbaro		Pilulæ ad omnes morbos. catar-	
		rhi,	

I N D E X

<i>rhi, coryzæ & tuſſis.</i>	170	<i>Sal nigrum</i>	<i>ibid.</i>
<i>Pilulæ alchazaber</i>	172	<i>Sataragi</i>	123
<i>Pilulæ Alexandri</i>	173	<i>Scebram</i>	146
<i>Pilulæ de Nitro</i>	174	<i>Sceitaragi</i>	123
<i>Pilulæ de Sex rebus</i>	176	<i>Setoragi</i>	<i>ibid.</i>
<i>Pilulæ Sebelliæ</i>	<i>ibid.</i>	<i>Sextarium</i>	86
<i>Piperitis</i>	128	<i>Siliquaſtrum</i>	128
<i>Piper Hiſpanum</i>	129	<i>Species hieræ Galeni</i>	43
R		T	
<i>Raphanus</i>	126	<i>Thymelæa</i>	152
<i>Rhodostoma</i>	171	V	
<i>Rhodostactæ</i>	<i>ibid.</i>	<i>Vincitoxicum</i>	130
<i>Ruta ſylueſtris</i>	135		
S		F I N I S.	
<i>Sal Indum</i>	78		

M 5

FRANCISCI BOVII FERRA=

riensis, ad lectorem epigramma.

Moribus & uirtute prius Centaurus Achillem,
Mox etiam medicis artibus instituit.
Sic tibi dat M V S A E Brasauli, lector, utrumque
Exiguus chartis, magnus at arte liber.
Nam docet, affectus qua sit ratione regendus:
Ne qua cupido animum, neu grauis ira premat.
Tum globulos medicos examinat ore uorandos,
Qui sint, quas uires, pondera quanta ferant.

Enumeratio me-
dicamentorum pur-
GANTIVM, VOMITO-
riorum, & aluum bonam facien-
tium, iuxta ordinem
alphabeti.

CONRADO GESNERO
A^UTHORE.

CONRADVS GESNERVS

MEDICVS TIGVRINVS

LECTORI S.

SIMPLICIA aluum deijcientia, quortan apud an-
tiquos usum fuisse cognoui, uel etiamnum esse, quan-
tum peruestigare licuit, per alphabeti ordinem ante ali-
quot annos in tabulam digessi, & ubi ueterum authori-
tate fieri potuit, quos peculiariter humores educant, ad-
scripsi, flauam ne uel atram bilem, pituitam aut aquas:
item quæ simpliciter purgant, uidelicet excrementa uen-
tris solum, non autem remotius attrahētia. Eisdem uomi-
toria pharmaca coniunxi. Ea uerò quæ bonam faciunt
aluum, aut molliunt tantūmodo, seorsim de industria col-
legi. Hanc tabulam fortè inter fasciculos chartaceos re-
pertam studiosis cōmunicare uisum est, quibus hanc ope-
ram non ingratham nec inutilem fore spero. Hoc admo-
nendus es Lector, humorum nomina singulis ferè literis
initialibus designata, ita ut P. pituitam, B. bilem fla-
uam, M. melancholicum humorem significet. Vale.

ENVMERATIO SIMPLIC.



ABSINTHIUM B.

Absinthium marinum uel seriphium aluum leniter deijcit.

Adianthum, uel capilli ueneris B.P. & humores crassos. Sunt qui adjiciant M.

Aeris flos, uel chalcanthum, uel atramentum sutorium crassa per aluum exigit. Diosc. idem naribus infusus bilem largam euacuat. Aëtius. Serapio P.

Aeris squamma aquam ducit & P.

Aëromeli, uel manna Arabum B.

Aes uustum uomitorium est. Diosc.

Agaricum B. P. & spissos humores.

Agni semē cum pulegio & melle potum purgat aluum.

Alisma. uide Damasonium.

Alypon M.

Alypium Aëtius turbidū albū interpretatur. Sed Paulo Alypias eadem quæ alypon uidetur.

Aloe B.

Alysson M. etiam per superiora.

Amygdalinum oleum.

Ammoniaca gutta aquas.

Anacardi P.

Anagallides ex aqua mulsa. Sanat & hydropicos earum succus.

Anagyris semen uomitorium est.

Androsæmi semen B.

Aphronitru, id est nitri spuma. Arabes baurach uocitāt, quanuis id Mesue cum nitro confundat. P. crudam uiscosamq̃.

Apios

E N V M E R A T I O

Apios uel ischas p. & B. utrinq; radix, superior uomitu, per aluum inferior.

Apij, uel ischados dimidium quod ad radicem est manducatum, nonnulli id chamæraphanum uocant, p.

Aqua maris aluum turbat.

Aqua mulsa è melle crudo pota uentrem mouet, glutinosa extenuat.

Ari folia inaniunt ex sale & aceto sumpta. Sed quoniam apud nos acrimonia feruent nimia, semel aut iterum folijs decoctis utendum suaderem: quod & in dracunculi radice Galenus fecit.

Aristolochia clematidis, colocynthidis more purgat.

Aristolochiæ clematidis semen B. & p. stomacho quoq; confert. Arabes etiam rotundam cõmendant ad p. & iuxta alios bilem quoque.

Armenicum M. & quicquid crassum uiscosumq; corpori adhæret.

Ascyri, & ascyroidis semen B.

Affhodeli radix purgat, uomitiones adiuuat. Eiusdem semen, & flores. Succus quoq; ad purgandum triticeo pani miscetur.

Assa foetida. uide Sagapenum.

Astrantia, meisteruurtz, siue meo iudicio petroselinum Estreaticũ, & Macedonicũ cõmuniter dictũ, de quo apud Galenũ de Antidotis lib. 1. aquas ducit, sed magis per urinã: & M. purgat, ut multorũ fert sententia.

B Alaninum oleum p

B Balanus myrepfica, siue ben Arabibus, uomitionibus & aluo p. euocat.

Balsami

SIMPLICIVM.

- Balsami semen potum ex uino iuuat uētre[m]. Marcellus.
Baurach. uide Aphronitrum.
Bdellium Arabicum, perlucidum ac flauum p.
Betonica folia aluum subducunt.
Betonica radix faciles præstat uomitiones, hellebori modo.
Betonica semē omnia mala medicamēta exigit per aluū.
Brassica marina aluum maximē soluit.
Brassica succus, ut quidam uolunt, m.
Britannica succus, apud Marcel.
Bryonia radix p. Coliculi teneri manduntur ad aluum ciendam.
Bulbi uomitorij radix in cibo sumpta per se, uel poto eius decocto uomitiones cit. Dioscorides.
C Achille, uel ut alij cacile, luteam hydropicorum æquam inanit. Serapio.
Calla, ea quæ Aro similis est. Plinius.
Cameli cauda arefacta. Plin.
Cameli urina. Plin.
Capilli ueneris. uide Adiantum.
Capniam, siue fumaria B. & humores assatos.
Capparis aluum turbat. Semen excrementa alui & urinam cruentam trahit. Dioscorides. Sed Apula uomitiones facit.
Capparis radice cortex p.
Caprifici lac, multo efficacius quàm fici aluum soluit.
Cassia fistula, siue Alexandrina B.
Castoreum ex aqua mulsæ uentrem elicit.
Canſſer uiribus ſantalīs reſpondet: ſed ab aureo uno
ad

ENVMERATIO

- ad ij. potum uentrem cit. Auerrois.
 Centaurij minoris decoctū clystere infusum coxendicum
 dolores leuat: trahit enim sanguinem.
 Centaurium maius M. ut aliquibus placet.
 Centaurium minus B. & crassos humores. Aëtius in-
 quit, crassissimam bilem & mucos.
 Chalcanthum. uide Aeris flos.
 Chamæcissi balanus aluum ciet. Plinius.
 Chamædrys B.
 Chamæleonis nigri radix, quæ & Isium P. Aëtius.
 Chamelea B. P. & aquosos humores, semine uel folijs.
 Chamæpitys P. & aquas.
 Chamæropis, hoc est Chamædryos semen uentrem mo-
 uet. Marcellus.
 Chamæsyces ramuli elixi, in cibo sumpti aluū soluunt.
 potest idem & lac ex eis collectum.
 Cyaneum, siue lapis Lazuli M.
 Ciceos, uel Ricini grana P. B. & aquas.
 Cicer syluester copiosius sumptum aluum uacuat.
 Cicinum oleum P.
 Cici & oleum cicinum aluo uomituq; purgant.
 Cyclaminus B. & P. Sed Marcellus habet P. & aquam:
 & Serapio aquam.
 Cyclamini alterius semen uētrē subducit. Cissanthemon
 uocant, quod flores hederæ similes habeat. Galenus.
 Cynocrambæ, id est brassicæ caninæ folia olerum modo
 cocta B. & aquas trahunt, & aliter quoq; pota aluum
 soluunt.
 Cypria, uel æris squamma, aquam exhaurit, & P.
 Citrei

S I M P L I C I V M.

Citrei mali semen uenenis aduersatur, & aluum deijcit.
Dioscorides.

Clematidis alterius geniculatæ per arbores repentis semen B. & P.

Clematis alia in aruis, & uineis nata purgat.

Cneorum, id est folia thymelææ aquas. Paulus.

Cnicinum oleum eandem cum cnidio oleo purgandi aluum uim habet, sed minus efficacem. Dioscorides.

Cnicus, P. & aquas: imprimis semine, sed flore imbecillius, facit nauseam quoque.

Cnidium granum & oleum. Vide Gnidium.

Coccus Cnidius aquosa maximè: sed B. quoque & P. moderatè ducit.

Cochleæ, quæ syluestribus frutetis, & sentibus hærentes inueniuntur, quas sesilos aliqui nominant, aluum & stomachum turbant, uomitiones mouent.

Colchicon, uel Hermodactylus P. Actuarius, Mesue.

Colocynthis P. & quæ mucosa sunt. addunt aliqui & B. Clystere infusa P. & B. strigmenta, & aliquando cruenta trahit.

Colocynthis herbacea arefacta per se inanit aluum. Plinius.

Colophonia uel pix frixa P.

Coluteæ fructus siue Senæ, P. B. & M.

Crotonis, uel ciceos grana P.

Cucumeris anguini, uel agrestis radice cortex P. idem hydropicis commodissimus est. Vide Elaterium.

Cucumeris radix uomitionibus seruit.

Cucumis syluaticus. P. B. & aquas.

N

E N V M E R A T I O

Cucurbitæ domesticæ succus cyathorum trium cum uini albi calefacti hemina datus, & olei semuncia P. & B. pellit. Marcellus.

Cunila onites aquatiora per uomitum educit.

DAcrydium, siue scammoniū præparatum B. & P.
Damasonij radix sursum deorsumq; trahit B. & P. Succus magis per sellas, radices sursum. Marcellus.
Damasonij izamen, siue alismatis radicem Dioscorides prodidit intestinorum tormina sedare, & herbam aluum sistere.

Daphnoides, uel laureola P. & aquas: idē uomitus pro-
uocat.

Dictamni succus illitus, aut cū polenta tritus uentrē citat.
Dracunculus maior M. ut aliqui. Sed Mesue P. scribit.
Eius radicem Galenus semel, iterum, & tertio deco-
ctam, quo omnem exueret medicam uim, interdum ari-
modo in cibis exhibebat, præcipue cum lenti crassi-
humores maiore nixu essent propellendi.

EBulus ad omnia efficacior sambuco.

Ebuli folia olerum modo cocta P. B.

Ebuli radix aquas. Datur & semen hydropicis.

Elæomeli cruda, & biliosa.

Elaterium supra infraq; inanit B. & P. Vide Cucumis
agrestis.

Epithymum in stœbe quoq; reperitur, & thymbra pri-
uatim epithymbrum nominatur. Sed ex thymo uali-
dius uacuat M. alia duo imbecilliora sunt.

Eruca uomitus inuat. Aëtius.

Eruum Dioscorides iubet aqua aliquandiu macerari,
dein

SIMPLICIUM.

dein frigi usque dum cortex rumpatur, & angustiore
cribro traiectam farinam reponere. Bonam enim al=
uum facere. & si copiosius sumpta fuerit, per aluum ue=
sicamq; cum torminibus sanguinem ducere.

Esula p. siue ea pityusa ueteribus, siue tithymallus cypa=
rißias sit.

Eupatorium Arabum B. & p.

Euphorbium pituitam quidem, sed aquam ualidius ducit.

Fel tauri gutturi illitum uomitiones cit. Aëtius.

Fex uini arida trita, tartarum uulgus uocat, m. ut
placet aliquibus.

Ficus assa oleo imbuta & pipere conspersa, post deam=
bulationes à somno ad uomitus datur. Aëtius.

Fici succus lacteus aluum soluit, item cymæ. Sed caprifi=
cus uiolentior est.

Felix femina primò bilem trahit. mox aquas folijs, sed
radice efficacius.

Felix utraq; stomacho inuilißima, primò B. mox aquas.

Flos æris. Lege Aeris flos.

Flos salis p. & B. ut Serapio.

Fumaria bilem, & humores adustos.

Galli ueteris ius Serapioni purgat m.

Gallinacei stercoris albi cochleare in aqua aut me=
licrato dilutum, uomitus mouet anginis subuenientes.

Garum B.

Gladioli radix pota. Marcellus.

Gnidium coccum B. p. sed aquosa maximè.

Gnidij cocci oleum potu aluum purgat.

Granum nil p. Serap.

ENVMERATIO

Hederæ chrysocarpi baccæ aquas ducunt. Plinius.
 Heliotropium maius B. & P.
 Helleborus albus bilem & P. per uomitum reijcit.
 Helleborus niger B. M. quidam & P. addunt.
 Herba urceolaris biliosa, & aquatiora deducit. Marcel.
 Hermodactyli, seu Colchicum P.
 Hibiscum ex aqua potum uentris stricturas aperit.
 Hippophæstum aquas & P.
 Hippophais succus biliosa, aquosa, pituitosaq; per in=
 ferna ducit. Dioscorides.
 Hippophais lachryma B. Nam radix tantum aquam de=
 ducit. Marcellus.
 Hyssopus humores crassos, & P.
 Hyssopus montanus P. humores crassos, & putridos.
 Mesue.
 Hyssopi decoctum uomitus iuuat.
Iris B. & crassam pituitam & aquas.
 Irini spissamentum P. & aquas.
 Irinum oleum per clysterem immissum pituitosa, &
 aquata & purulenta, & atra trahit.
 Irinum unguentum ad uomitus aptum est.
 Ischas uel apios P. uide Apios.
 Isy cortex, hoc est de chamæleonis nigri radice P. Actij.
 Iuiubæ, Romanis Zizipha, Græcis serica uocantur, B.
 Serapio. Addunt alij serosum sanguinis humorem ea
 elicere. Optima esse, quæ maxima ædesina dicta. Ga=
 lenus tamen serica dicit, parui succi poma, nec conco=
 ctioni, nec stomacho facilia. Effrenatis pueris & mu=
 lieribus cibi gratia tantum expetita.

Iuli

SIMPLICIVM.

Iuli nucis iuglandis catuli uocati.

Iuncus angulosus M. ut quidam scribunt.

L Abruscae radix humorē alui ciet, hydropicis datur.
Lactuca sylvestris aquas educit.

Lanaria herba. uide Struthium.

Lapis armenicus M.

Lapis lazuli, uel Cyaneum M.

Lapis lincis M.

Lapis stellatus duplex Arabibus describitur: alius pyrites albus ē quo argentum cōflatur, alius idem cum cyaneone, uel lapide lazuli, qui & melior: purgant M.

Laserpitium. Vide Assa foetida.

Lathiris P. & B. Sed præcipuē P. & aquas.

Laureola uel daphnoides P. coliculi teneri, id est Cymæ lauri P. & lumbricos celeriter eijciunt. Marcellus.

Lauri folia uiridia P. Paulus.

Lauri folia sunt uomitoria.

Lemnia terra præsumpta uomitione uenena pellit.

Lychnidis sylvestris semen B. & P. Est autem Lychnis ea herba, quam Hermolaus Barbarus Venetijs iecorariam dici meminit, in littore passim nascentem, & olitorio foro ieiuniorum tempore uenalem, hederaceo ferè folio, flore purpureo, lilij pusilli effigie. Conuoluit herba se quibus appropinquat. Soluit aluum cocta, & cruda oleris modo accepta.

Lilij radices aquas educunt. Serap. Eadem cum mulso potæ inutilem sanguinem cum aluo trahunt.

Lilij radices ē mulso potæ in utilem sanguinem cum aluo trahunt.

E N U M E R A T I O

Lonchitidis semen aquas.

Lupini.

Lupus B. moderatè mouet. Lupus salictarius à Plinio dictus uidetur.

Lyncis lapis M.

MAlua cum lubricum faciat uentrem, sanguinem quoque purgat, & defecatum reddit. Aëtius.

Mandragoræ succus.

Mandragoræ liquor obolorū duorū pōdere cum mulsa aqua potus pituitā nigramq; bilē ueratri modo uomitionibus purgat. Maiori tamē copia potus mortē facit.

Dioscorides.

Manna, uel aëromeli B.

Mastichæ scrupuli nouem tenuissimè triti cum aqua aut lactis aqua pleuriticis ad aluum moliendam ab Aëtio propinantur, & ijs quibus purgatio non processerit.

Marrubium cum sale & aceto.

Muris stercus in catapotijs deuoratum hydropas exinanit. author est Democritus allegante Sauonarola.

Melopeponis radix ad uomitus ciendos facit.

Melicratum uomitus promouet.

Mercurialis folia tenera elixa comesta finium egregiè ducunt: utriusq; quidem, sed foeminæ efficacius: sanguinem quoque purgant & defecant. Aëtius.

Myrobalana beletzica P. cum empeliticis conueniunt.

Myrobalana cepula, siue magna P. Serapioni M.

Myrobalana empelitica P.

Myrobalana Inda M. Græci recētiores damasonia uocāt.

Myrobalana lutea, seu citrina B.

Molo

SIMPLICIVM.

Nolochos agria uel hibiscum ex aqua potum. Plinius.

Nori lachryma uel radix aquam solam cit. Marcellus.

Nororum maturorum succus pituitas ac tineas pellit.

Idem & arborum radix præstat.

Meri radix per messes incisa succum dat, qui aluū subducit.

N Arcisi radix uomitus ciet.

Nasturtium B.

Nasturtij semina B.

Nymphæa in uino austero leuiter soluit.

Nasturtij semen ad uomitus datur.

Nasturtium Babylonicum, uomitus mouet. Serap. Hoc

nonnulli orientale uocant. Ruellius Drabam exponit.

Nil granū P. Serap. uocatur & habel, & granū indicū.

Nitri spumam. uide in Aphronitro.

Nitrum B. Serapio. Idem cum aceto mulso potum uomitus citat.

Nucis iuglandis Iuli catuli uocati.

O LEA quæ sequuntur purgant.

Amygdalinum.

Balaninum P.

Cicinum P. idem ricinino.

Grani Cnidy P. & aquas.

Irini unguenti spissamentum P. & aquas.

OLEA VOMITORIA.

Sesaminum.

Raphaninum.

Narcissinum.

Cyprinū: pota, uel digito pēnāue penitus illita.

ENVMERATIO

Oleæ radicis cortex p. Paulus.

Oleum uomitiones citat. Purgat idem heminae pondere,
cum pari ptisanæ succo, aut aqua potum. Dioscoridis.

Omotarichos accommodatus est ad uomitiones : quæ ci-
borū accremento quæritur. Sic enim uertit Marcellus
uerba Dioscoridis Græca : ἐς τῆς διμοφάγας μά-
λισα ἀρμόζει.

Ocimum.

Oliuæ colymbades, uel salsæ ante cibum.

Onitis cunila uomitu aquosa reijcit. Marcellus.

Opopanax p. Mesue, Serap.

Origanum m. Diosc. & uomitus cit.

Origanum Heracleoticum, quod & condimentis misce-
tur, bilem atram uisceribus explicat.

Oxyphenica, seu Tamarindi B. Serap.

PAeoniae radix omnes uentris dolores sedat in uino,
aluumq; purgat.

Pangrati succus cum farina erui similis est Scyllæ.

Panacis succus p.

Papaueris cornicularis semen aluum leniter purgat.

Papauer erraticum.

Papaueris spumei semen uomitiones citat.

Parthenium m.

Peplium, uel peplis B. M. P. flatus etiam expurgat.

Peplos m. P. B.

Peponis radix uomitoria est.

Persici folia aut flores B. Similem fumariæ uim obtinent.

Peucedani radix B. & P.

Phaseoli fructus uomitus inuant.

Pix p.

SIMPLICIUM.

Pix spissa p.

Pix frixa, uel Colophonia p.

Pycnocomi radix B. P.

Pyrethrum p.

Pyrites albus è quo argentum conflatur, M. Vide Lapis stellatus.

Pityusa, siue esula p.

Polygoni semina largius sumpta soluunt. Plinius.

Polion biliosa & atra oleo chamæmelino mixto per selas deducit. Marcellus. Nimirum clystere, quod in Iri no proxime addiderat.

Polium aluū ciet, hydropibus & regio morbo prodest.

Polypodium p. & B. Recentiores ad M. magis cōmendant.

Porri uomitus iuuant.

Porrorum capitatorum succus sanguinem purgat, purio remq; efficit.

Proserpinacam, si deuoretur, uomitio sequitur salutaris. Plinius.

Pruna Damascena bilem.

Psyllium B.

Ptisana aluum mollit, cū modico melle uoratus prouocat.

Pulegium M.

R Adicula. lege Struthium.

Radix dulcis B. Serap.

Resinæ terebinthi, pini, piceæ, laricis p. abigunt.

Rhus erythros. Plinius.

Ricini grana p. B. & aquas.

Rosaceum unguentum potum.

E N V M E R A T I O

Rosarum succus B.

Rhaponticum, siue Rhabarbarum B. & Mesue.

Raphani semen, & radicis cortex uomatoria sunt.

Salis flos P.

Salis species omnes, crassos uiscososq; humores emolliunt. Validior est qui gemmatus uel Cappadox dicitur, pituitam uitream, humoresq; altius fixos expedit. Validissimi sunt, qui naphthicus uel Sodomorum sal dicitur, & qui Indus apud Mesuen. M. & P. efficaciter trahunt.

Sagapenum P. crassam lentamq; & aquam luteam hydropum. Mesue.

Sambuci asparagi teneri, uel coliculi, uel folia in patinis cocta, pituita, bile & aquis intestina liberant. fit autem id ualidius e sambuco minore, id est ebulo.

Sambucis corticis succus aquas, uel radix ipsa in uino decocta. folia P. & B. arcent olerum modo cocta. Ad omnia tamen sambuco ebulus est efficacior. Caules quoq; teneri in patinis coquuntur. Semen etiam uentrem mouet.

Sarcocolla P.

Scabiosæ uulgaris herbe succus aluum ducit. Minime uero sicce est quam odoratam, acrem, fruticosam, & ad uini conseruationem aptissimam Galenus libro priori de Antidotis descripsit, inquit apud Pergamum nasci, & ab incolis Colymbadem uocari.

Scammonium B. P.

Scylla M. & crassos uiscososq; humores. Mesue.

Scordium P.

Sebesten, Græci myxa, & myxaria dicunt B. Serap.

Sedum

SIMPLICIVM.

Sedum ex uino contritum potumq; ad aluum concitan-
dum plurimum prodest. Marcel.

Senæ, seu coluteæ fructus p. B. Actuarius. Arabes m.
tantum & B. adustam eo purgari meminerunt.

Serpentaria m. Vide dracunculus maior.

Serum bilem. Mesue humores adustos addit, & aquas
Serapio.

Sesamoides maius B. p. per superiora.

Sesamoides minus B. p.

Silybi radice liquor uomitiones facit. Dios.

Sinapi.

Sparti flores & semen per superna egregie ueratri mo-
do purgant. Mesue inquit genistam efficaciter p. uo-
mitionibus & aluo ducere.

Spica Celtica efficaciter hellebori instar uomitus euocat.

Spondylion, sphondylion ue p.

Squamma æris aquam & p. exturbat.

Staphisagria crassa uomitionibus elicit.

Stichas m. p. Mesue. Accipienda uero est Arabica po-
tius quam citrina uulgo dicta.

Styrax flauus, pinguis, p.

Susinum oleum B.

T Amarinde, seu oxyphœnica B.

T Tartarū, uel uini fixa arida m. ut quibusdā placet.

Thapsiæ succus liquor, & radice cortex B. per inferna
& superna purgant, & iuxta alios pituitam quoq;.

Tereniabin, manna species in grana concretæ purgat bi-
lem. Serap.

Thapsiam uua Aegyptius uocat apud se prædulcem, quæ
soluit

ENVMERATIO

Soluit aluum.

Thelypteris, id est filix fœmina, primo B. trahit, mox aquas, & magis radice.

Thesium amarum ut picris, ex aqua tritum. Plinius.

Thymelææ semina, hoc est coccus cnidius P. B. & aquas.

Thymus M. B. & P. & uomitus cit.

Thlassi B. per superna, & inferna.

Tiliæ folia decocta urinam cient, sanguinem pota detrahunt. Sed id opinor per urinam tantum.

Tithymallus mas uel characias B. & P. utrinque ducit.

Fœmina ei similis est, sed minus uomitum irritat. Pa-

ralios item prædictis similis. Helioscopius mitior alijs.

Cyparissias & dendroides cum reliquis conueniunt.

Platyphylli lac, radix, & folia per aluum aquosa trahunt.

Tragoriganum Heracleoticum M. & B.

Tripolium per inferna aquas & urinam trahit.

Trixago, uel chamædrys B.

Turpeton, siue turbit P. crassam & uiscosam.

VEratrum album B. crassos lentosq; humores per superiorem uentriculum purgat.

Veratrum nigrum B. Mesue addit P. & M.

Vinum catorchite, uel sycite, id est carycis.

Vinum ex helleboro.

Vinum c̄ *Chamelææ*.

Vinum c̄ *Mandragora*.

Vinum c̄ *Scammonia*.

Vinum c̄ *Thymelææ*.

Violarum succus B.

Viscus M. Serapio.

SIMPLICIVM.

Viticis semen cum pulegio & melle potum aluum purgat.

Vitis agrestis. uide Labrusca.

Vitis albæ teneri asparagi olerum modo coquuntur, ad aluum & urinam ciendam.

Vitis albæ radix p.

Vitis nigræ radix, uel succus similiter, sed minus efficax.

Vlmi cortex interior p. & aquas. Plinius.

VNGVENTA.

Rosaceum potum.

Susinum potum, nauseam tamen facit.

Volubilis lanuginosa uitanda est, quoniam sanguinem e-
ducit. Mesue.

Volubilis magna uiolenter detrahit B. & ora uenarum
aperit. Mesue. Nimirum periclymenum est Dioscori-
dis, quam maius Romanis dici, lienemq; urina cruēta,
aut per aluum absumere scripsit.

Vrticæ semen p. Herba cocta mollit aluum.

Zinziber aluum mollit. Dioscorides.

Zizipha. uide Iuiubæ.

Tabula eorum, quæ
MOLLIVNT AVT
bonam faciunt aluum.

A

Allium.

Apomeli aluo biliosum humorem excernit. Com-
positionem eius docet Paulus lib. 7. cap. 15.

Aqua marina. Vide mel.

Amygdalæ amaræ.

Amygdalinum oleum.

Ari folia inaniunt ex sale & aceto sumpta. Vide in Dra-
cunculo.

Asparagorum coliculi in cibo.

Atriplex.

B

Batis.

Beta candida soluit aluum modicè, nigra inhibet.

Betonicæ folia.

Blitum

Brassicæ caninæ folia olerum modo cocta B. & aquas
trahunt.

Brassicæ crispæ.

Brassicæ decoctum ciet, substantia sistit.

Brassicæ semicoctæ ius.

Brassicæ succus, iuxta quosdam M. subducit.

Bryoniæ asparagi teneri decocti aluū & urinam cient.

Buglossus mollit aluum: ducit & B. Serap.

Bulbus

ENVMER. SIMPLICIVM.

Bulbus esculentus bonam facit aluum.

Butyrum. Miscent & melli diabutyrum appellantes.

C

C Apparis aluum turbat.

C Caricæ.

Caro animalium quàm maximè iuenculorum facilius aluum ducit.

Caseus nuperrimè coagulatus cum melle.

Castaneæ uehemèter sistunt stomachi & alui fluxiones. aluum cient, nimirum post cibum.

Cepæ.

Chamæ.

Cerasa dulcia. Plinij hæc uerba sunt: Inuenio apud aucthores, si quis matutino roscida cum suis nucleis deuoret, in tantum leuari aluum, ut pedes morbo liberentur.

Ceratia humida aluum subducunt, arida potius sistunt.

Cybia uetera purgant, priuatimq; cruditates, pituitas, bilemq; trahunt.

Cicercula soluit.

Cochlearum ius.

Conchularum similiter.

Cucumeris radix, & fructus.

Cucurbitæ domesticæ succus cyathorū triū cum uini albi calefacti hemina datus, & olei semuncia B. P. Marcellus.

Cucurbitæ radix, & semina.

Cucurbitæ totius elixæ, mox expressæ succus, additis exiguo melle & nitro aluū leniter soluit. Si quis etiā in excavata cruda cucurbita uinū infuderit, & per noctē sub
dio

E N V M E R A T I O

dio habuerit, temperatumq; ieiunus biberit, aluum leniter molliet. Dioscorides.

D

D Racūculi radicē Galenus semel, iterum, & tertio decoctam, quo omnē exueret medicā uim, interdū ari modo in cibis exhibebat, præcipue cum lenti crassiq; humores maiore nixu essent propellendi.

E

E Buli folia in patinis cocta B. P. & aquas inaniunt, idq; efficacius sambuco.

Eruca bonam facit aluum.

Eruum Dioscorides iubet aqua aliquandiu macerari, dein frigi usque dum cortex rumpatur, & angustiore cribro traiectam farinā reponere. Bonam enim aluum facere: & si copiosius sumpta fuerit, per aluum uesticamq; cum torminibus sanguinem ducere.

Erysimon uentrem molliet Serapioni, qui id buberegi uocat, alij budheregi.

F

F Icus.

Fici Aegyptiæ uel sycomori fructus bonā facit aluū. Filicis fœmunæ folia molliunt.

Fœnogræcum. Eius cremor cum melle decoctus omnes deprauatos humores ab intestinis depellit. Mel uerò modicum miscendum est, ne stomachum erodat.

G

G Allinacei ueteris ius aluum soluit tum per se, tum cneco uel polypodio addito.

Garum B.

Gobius

S I M P L I C I V M.

Gobius piscis.

H

Heliotropium maius olerum modo coctum B. &
pituitam extrahit.

Herimaceorum marinorum ius.

Hibiscum ex aqua potum.

Hordeum coctum in cibo cum iure suo.

I

Ivra uel decocta emollientiū uentrem efficaciora red=
duntur, si oleo, garo, & pipere condiantur, necnon
stomacho gratiora.

Intybi.

Iuglans adhuc uirēs, uel etiam arida, si modo aqua præ=
maduerit. Paulus.

Ius piscium.

L

Lac largius epotum.

Lac, præcipuè asininum.

Lactucæ succus in posca potus.

Lapathi folia soluunt aluum, & radix cum uino deco=
cta sistit.

Lapathū hortēse, quod Sabaudi uulgo Lampadā uocāt.

Lapsana.

Lentis decoctum soluit, substantia sistit.

Lentis primum ius.

Lupi salictarij, siue lupuli asparagi in acetario.

M

MAlua.

Mel incoctum uel crudum si quis lambat, egre=
O

E N V M E R A T I O

giè aluum ducit.

Melicratum.

Melimela aluum molliunt, & lumbricos pellunt, sed stomacho nocent.

Melitites solebat inueteratus alui causa dari in febris.

Mel, coelestis aqua, & marina æquis portionibus per colum trajciuntur, & in picato uase per Canis æstum insolantur. Alij decoctæ maris aquæ partibus duabus unam mellis miscentes in dolia diffundunt, Thalassomeli uocant. prius egregiè purgat: posterius lenius aqua marina est, mitiusq; ad purgandū. Vbi uerò aquæ marinæ penuria fuerit, eius loco Plinius Secūdus duos salis sextarios, in aquæ sextarios quatuor mittere iubet, sic temperatissimam marini liquoris copiam fieri.

Mellis acetabulum, & salis triti tantundem, cum aceti sextario uno feruescit, atq; ita nocte sub diuo, cœlo sereno, uas leuiter opertum relinquitur, & mane qui pridie coena abstinuerint, cum aqua quantum sufficiat minutatim bibunt, quo facto non solum uentris, sed etiam atræ bilis ac rufæ tædio absoluuntur. Hæc Marcellus.

Melopepones, fructu & semine aluum molliunt.

Menæ salsa.

Mercurialis in iure pinguium carniū sale & pauco uini addito bibitur, folia eduntur. Efficaciōr autem est foemina.

Myacum ius aluum & uesticam exinanit.

Molochiagriæ folia, uel hibiscum ex aqua potum.

Mora ante cibum sumpta.

Mulsum aluū soluit frigido potu pluribus, calido sistit.

Nuc es

SIMPLICIUM.

N

N Vces uirides, aut in aquam infusæ, si siccæ sint.

O

O Cymum.

O Oliuæ colymbades, uel salsæ ante cibum.

Ostrea.

Oua forbilia.

Oxymel crassa educit ex corpore.

P

P Anes furfuracei.

P Panibus triticeis asphodeli succus inter subigendum miscetur.

Papaueris semina.

Pelorides.

Pepones.

Peponis radix.

Persica mala.

Pisces marini omnes testa intecti.

Pisces falsi.

Piscium recentium ius, modo ex se, modo ex uino potū.

Portulaca.

Pruna recētia, aut sicca, quæ si mulsa prius madefeceris: ubi tamen mulsæ plusculum mellis inerit, efficacissime uentrem mollient, si ea solum comederis: sed multo magis, si mulsam simul potaueris.

Ptisana, sola, aut melle addito.

R

R Aphanus bonam facit aluum: sed oportet à cibo eam sumere, sic magis digestionī cōferentē. Præ-

O 2

ENVMERATIO

sumpta enim cibum in stomacho suspendit. Præsumpta item uomitionibus accommodata est. Hæc Diosc. Galenus contrā.

S

Satureia, condimentaria herba.
Scandix bonam aluum facit. Estur cruda & cocta.
Semina, apud Serapionem.

Papaueris,
Cucurbitæ,
Melopeponis,
Citri,
Cucumeris.

Sepiæ coctæ soluunt.

Sero lactis miscetur tantum mellis, quantum satis sit ad dulcedinē, ne stomachus euertatur: Qua ratione etiam sal addendus, ne gustus abhorreat.

Seutlomalachum.

Siliquæ recentes stomacho inutiles aluum soluunt.

Silurus è iure.

Sinapis aluum emollit.

Sonchus.

Sycomori uel sycamini fructus.

Spinachia olus.

T

Thalassomeli. Vide Mel.

Thapsiam unam Aegyptus uocat apud se prædulcem, quæ soluit aluum.

Thelypteridis folia molliunt.

Tellinæ.

Thymbra

SIMPLICIVM.

Thymbra in condimentis adhibetur.

Thymus similiter.

Torpedo in cibo.

Tragos.

Turtur, piscis cartilagineus.

V

Vini Cretenſis (noſtri Maluaticum uocant) cyathus cum butyri recentis uncia ſeruefactus potusq; morantem aluum elicit.

Vinum dulce cōfert educationi, quæ inferius fit, ſed paſſum aperte mollit.

Vitis albæ aſparagi decocti in cibo aluum & urinam molliunt.

VINA VARIA E PURGANTI-

bus componi Dioſcorides docuit,

qualia ſunt ex

Absinthio,

Aſaro,

Betonica,

Chamædry,

Chamæpity,

Dictamno,

Hyſſopo,

Marina aqua,

Marrubio,

Origano,

Pulegio,

ENVMER. SIMPLIC.

Satureia,

Scylla,

Stichade,

Thymo,

Tragorigano.

Vrtica cum conchulis, uel in ptisana cocta.

Vrtica semen.

Vuae dulces, præcipuè ubi humidæ sint, & recentes.

Volentibus augere corpus, aut mollire aluum, conducit inter cibos bibere. Contrà minuentibus aluumq; cohibentibus sitire in edēdo, postea parum bibere. Certè ueterum nonnullis satis esse ad secundam ualetudinem tuendam uisum est, si aluus quotidie & urina pro ingestorum copia, sine uitio & abundè responderet, ac quum uacuatio iuxta proportionem accidebat, commendabant: sin minus, promouebant, urinam quidem scandice, apio, asparago, petroselino, aniso, nepita, origano, absinthio, graminis carduiq; radice, cytiso, adiatho, omnibus in aqua elixis, quorum decoctum cum uino potu exhibebāt. Hæc enim per urinam sanguinem repurgant. Aluum adiuuabant terebinthina, ex qua oliuæ magnitudinem dormituri deglutiendam offerebant.

At cum acrius subducere eam insti-


tuimus, rheu momentum admi-

scebinus. Hæc Paulus


Aegineta lib. I.

cap. 43.

F I N I S.



Lugduni.
Excudebant Io-
annes & Fran-
ciscus Frellonii
fratres. 1544



Cyprian mathm
1544

Cyprian mathm
1544

